



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald. 1.5.60





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald. 1.5.60




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald. 1.5.60



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.5.60




Ex Libris Joannis Nenoini
1874




Di offe oft vulga Lodi

Ald. 1/5.

Micheli





PETRI · ALCYONII · MEDI
CES · LEGATVS ·
DE · EXSILIO ·




AL

DVS



PETRI · ALCYONII · MEDICI
· CES · LEGATVS ·
DE · EXSILIO ·



PETRI · ALCYONII · MEDICES · LE-
GATVS · DE · EXSILIO · AD · NI-
COLAVM · SCHONBER-
GVM · PONTIFICEM ·
CAMPANVM ·

COMMVNICATIO · SERMO
nis Nicolæ hominib. liberaliter institu-
tis semper incredibilem uoluptatem pe-
perit, & utilitatem, modo ea de reb.
maximus, & grauissimus fieret. harum
enim disciplina cum animo nostro con-
sentanea sit, facile potest eundem ipsum ornare, & singula-
ri afficere laetitia. propterea non defuerunt ex ueterib.
Graecis, qui posteris etiam tale genus sermonum tradere
gloriosum putarint, id'que literarum monumentis, & scri-
ptorum testimonio. e' quorum numero primum fuisse Zeno-
nem Eleatam aiunt, inuentorem etiam artis differendi.
quâquam Aristoteles memoriae prodidit. Alexandrum Te-
ium, ut multa alia mirabiliter hominibus ostendisse, ita
quoq; primum exstitisse, qui sermonem uerum, & pro tem-
pore assumulatum literis mandarit. Verûtamen decus tam
praeclaræ inuentionis sua laude caruisset, nisi post multos
annos duo lumina ex Socratis schola apparuissent Plato,
& Xenophon, qui totam hanc scribendi rationem illu-
strarent. hic enim in maximarû rerum scientia summus,
atque in omni iudicio elegantissimus multa orate, ac copio-
se scripsit, quae ad uitae officia, & moris hominum maxi-
me uidentur pertinere. ille Socratis multiplicem rationem
disputandi, rerumque uarietatem, & ingenij magnitudinē
immortalitati consecrauit. atque id inter hosce diuini inge-
nij homines interest, quod alter uoluit seipsum agnoscere au-
ctorem omniû rerum, quas edissereret, alter quamuis ipse
magna ex parte auctor esset rerum scriptarum, tamen do-

etoris laudem antiquiorem habuit sua. nam illum ipsum
fere semper inducit loquentem, & persona sua suppres-
sa orationem ab eiusdem ipsius auctoritate repetit, & siqd
perplexum, ac subobscurū est, quod explanationis indigeat,
id totum ad illius partes refert, aut eorum, qui ingenio, et
doctrina praestantes cum homine familiariter uixerint.
Aristoteles autem Platonis praeceptoris gloria commotus au-
reum illud eloquentiae flumen in Dialogis etiam effudit.
quem imitatus dicitur Theophrastus. Sed utriusque scriben-
di ratio a Platonica magnopere differebat, quandoquidē
haec aliqua ex parte nervos, & aculeos oratorios habet, et
nonnunquam ita numeris contorta fertur, ut fulmina uibra-
ri uideantur, non sententiae pronunciari. Peripatetica autē
mollis & soluta est, & liberius fluit, quippe quae tota com-
parata sit ad docendum, non ad capiendum. Itaq; Basileus
ille merito Magnus, fuit enim & doctrinae, & sanctita-
tis eximiae, ad Diodorum scribens in Aristotele, & Theo-
phrasto annotauit, utrunque ad res tractandas statim se
conuertere, quod praeclare intellegent Platonica illa di-
cendi ornamenta sibiipsis deesse. ita ut statuere oporteat apud
Graecos omnem componendorum Dialogorum laudē per-
fectam penes Xenophontem, & Platonem fuisse, conatum
autem, & quandam, ut ita dicam, operis adumbrationem
penes Aristotele, et Theophrastum. Sed cum Graeci mox
in eas calamitates incidissent, ut nullus honos, nulla prae-
mia, & perexigua laus illorum industriae esset, omnis haec
scribendi gloria ad Romanos tralata est, qui illos etiā im-
perij splendore priuarant. atque duo potissimum florie-
runt, M. Varro, & M. Tullius. singularis que Populi Ro-
mani felicitas fuit, quod eodem tempore tales ciues habue-
rit & Reip. tuendae socios, & nominis Romani ornandi
aemulos. Ad principatum quoq; D. Augusti huius generis
accesit felicitas. habuit enim Princeps ille T. Liuium non
modo rerum Pop. Ro. gestarum Historicum facundissimum,
sed etiam Dialogorum scriptorem copiosum, elegantem, na-
rium, & in primis eruditum. Itaque Seneca de Fabiani
Papyrii

Papyrii libris loquens. T. Linio et praeconiū ornatissimi Hi
storici tribuit, et graue testimonium in scribendis Dialogis
praestantissimi Philosophi impit. Dein principatu alio-
rū Caesarū consecuti sunt scriptores qdā non satis digni, q
nominentur, propterea quod facultatem dicendi nullo gra-
uiorum artium instrumento locupletarunt. Cum enim
omnia ad arbitrium unius & quidem dominantis essent
constituta, facile profecto euenire solebat, ut qui illius
gratia frueretur, & reliquorum ciuium studio clarum
se esse putaret. Itaque Philosophorum disciplina neglecta,
omnem animum, curam, & cogitationem in quadam incon-
dita uerborum copia effundenda ponebant, cum tamen ea-
dem ipsa disciplina necessaria sit ijs, qui in hoc scribendi ge-
nere uersantur. Quid enim admirabile ab imperito rerū
naturae unquā nascetur? Quam copiam suppeditare po-
test sola linguae cognitio? Quae item disputatio instituetur
de uita, de officijs, de uirtute, de moribus ab homine qui li-
beralium artium studio non flagret. Atque hoc quidem
ipsum causae fuisse puto, cur Albinus in Platonis Prolego-
menis non dubitarit asserere, ut Tragoediae, et omnino Poe-
ticae suam, propriamque materiam subijci fabulas, sic
Dialogi materiam esse res ad Philosophiam pertinentes.

Cum igitur harum rerum explicatio propria sit Dialo-
gi, cumque latini posteriores ad eam parum respicerent,
minus perfectam laudem eiusmodi scriptionis mihi conse-
cuti uidentur. Nihil autem loquor de genere dicendi, quo usi
sunt. certe sic sublatum, & amplum est, ut aliquando infla-
tum oaturrat, & corruptum, cum oporteat Dialogorum di-
ctionem esse cultam, puram, suauem, lenem, & pressam si-
ne inopia, & ieiunitate. quo etiam modo Epistolam scribi
oportere Artemon Peripateticus censebat, cum esset altera
pars Dialogi. quanquam Demetrius Phalereus & e' rep.
Athenis, quam optime digesserat, et ex doctrina nobilis, et
clarus statuatur Epistolam in inferiore locandam esse ordine,
Dialogum in superiore, quandoquidem hic ad hominum ex
tempore loquētiū mores componitur, illa muneri mittitur

amicis. Sed ad propositam orationē redeamus. Equidem,
ut aliqua ex parte hoc scriptoris genus vindicarem a con-
fusione tam malorum scriptorum, duos libros confeci de
Exilio, in quib. retuli eum sermonem, quem Iuannes Me-
dices habuit cum Iulio cognatione qdem Patrueli, sed amo-
re germano, & Lauretio Petri fratris filio paucis post die-
bus, quā Iulius II. Pont. Max. eum legatum illius exer-
citus dixisset, quem ad recipiendam Bononiam mittebat. Et
hoc quidem tempus non longo satis intervallo praecessit re-
ditum illorum omnium in patriam, & diem illum claris-
simum, ac mortalib. optatissimum, quo idem Iuannes Ponti-
fex Maximus creatus, fasces humani generis suscepit, et Leo
Decimus appellatus est. qui etiam non multo post Iulium Pa-
truellem in collegium summorum Antistitum adsciuit, ut il-
lum haberet, quē maiore cum ipsius dignitate rogaret sen-
tentiam, & ad quem de bello, de pace, de reb. diuinis, de ce-
rimonijs, de sacris, & de omni religionum interpretatione
referret, Laurentium autem Principem Vrbinatē decla-
rauit. quem honorem ille, quoad uixit, illustriorem reddidit
liberalitate, magnitudine animi, laudum bellicarum splen-
dore, & summa Patriae, totiusque Etruriae gubernandae
potestate. Hāc autem disputationem, ut dicebam, in Iuannis
Legati personam, et aliorum Medicum ita contuli, ut penes
ipsum Legatum sit principatus, tum quod sapientia, & elo-
quentia, & literis omnes antecellat, tum etiam, quod multo
maiorē auctoritatem habituram esse orationem existima-
ui, si ab eo prodiret, qui etiam si diu exsulasset, tamen unus
summorum Antistitum fuisset, & illius ordinis longe clari-
simus. Praeterea eosdem libros appellauī Medicen Legatum
priorem, & posteriorem, exemplo Platonis, qui disputationem
inter Socratem, et Alcibiaden habitam de natura ho-
minis, & de uoto duobus libris mandauit, eosque Alcibiaden
priorem, & posteriorem inscripsit. Explicauī etiam
omnem disputationem perinde, ac sermo coram haberi
solet. nam idem ipse Plato in Theaeteto, & illum secutus
Cicero hunc morem narrandi commodiorem esse aiunt.
quā

quàm sermonem à personis ducere, & illas quoque inter-
ponere. Tempus autem hoc maxime idoneum mihi uisum
est ad ea ipsa tibi mittenda Nicolæ, quandoquidem illis le-
gendis perspicue intelleges nostros Medices semper studuis-
se, cum alijs multis commodis nos augere, tum maxime Ita-
liæ salutem, ac libertatem parere, qua nunc mirifice læ-
tatur Populus Romanus ob uictoriam, quam idem Iulius
Medices Italiæ, ut uulgo aiunt, Legatus proxime ad Medio-
lanum est consecutus. Ac huiusce quidem lætitiæ decus ad
reminem in Vrbe magis pertinere iudico, quàm ad te. nā
unus omnium tu illi ipsi Iulio carissimus & iucundissimus
es propter singularem fidem, summum ingenium, & ex-
cellentem honestarum artium scientiam. qua quidem gra-
tia ad bonorum omnium dignitatem augendam in primis
te uti uidemus. Itaque etsi in Misinensi clarissima Germa-
niæ provincia illustrib. natalib. ortus es, tamen in Italiæ lu-
ce cognosceris. atque etiam tibi immortales agit gratias,
quod Turcarum immanem, & foedam crudelitatem non
solum à iugulis suorum ciuium, sed etiam à membris, &
uisceribus auertisti, dum à Pontifice Maximo ad omnes
Transalpinos reges allegatus, inter eos amicitiam, societa-
temque constituisti, & ad bellum pro religionis dignitate il-
lis inferendum excitasti. Atque interim fruieris ipse te, cum
tanta, tamque præclara iudicia cotidie fieri de tua admi-
rabili uirtute sentis, & cuiusque ordinis, generis, & fortu-
næ studia tuæ laudi, & gratulationi aptari cognoscis. Iulio
etiam ipsi mire applaudimus, gratiasque agimus, quod te
in tam amplo dignitatis gradu locarit, ut inde laborantib.
succurrere, cunctis lucem ingenij, & consilij tui porrigere, et
optimi cuiusque uirtutem summa auctoritate amplificare
posses. qua in re imitatus est Patruelem suum Leonem De-
cimum Pontificem Maximum, quem uere optimum, maxi-
mum appellare possumus, ut Deū ipsum, cuius munus apud
mortales sustinet, & quidem ante optimum, idest beneficen-
tissimum, quàm maximum, quia maius, gratiusque est pro-
desse omnib. quàm opes magnas habere. De quo nimirum

MEDICES·LEGATVS.

eo libentius hunc scribendi laborem suscepimus, quo magis intelleximus nostros commentarios in infinita posteritate stare posse, quoniam clarissimas illius ipsius virtutes complectuntur, consiliumque Aristotelis interim secuti sumus, qui Protogeni suadebat, ut res à Magno Alexandro gestas penicillo potissimum exprimeret propter eximiam illius uirtutem, & immortalem nominis celebritatem.

Sed de nobis satis. aliquādo enim audiamus IULIVM ipsum sic in Bybliothea LEGATVM Patrualem alloquentem.

Cum alijs in reb. mi frater probas merito ad te pertinere uitæ gloriæ hereditatem, tum quod nullum finem facias aliquid græce, aut latine scriptum legendi, idque maxime post, quàm calor se fregit, & uolcanalia esse coeperunt. LEG. Facio equidem id non minus libenter, quàm necessario, propterea quod intellego hoc potissimum modo communium miseriarum dolorem acerbum minus mihi esse, præsidiumque aliquod comparari ad motum fortunæ uel ratione gubernandum, uel exemplo aliorum tolerandum. quanquam nunc in Bybliotheam eo consilio me non abdidi, ut è lectione ueterum auctorum leuotionem aliquam incommodis nostris rebus inueniremus, ad quas iam plane obduruius, sed potius, ut suis in locis codices nonnullos disponeremus, qui proxime ad nos allati sunt. IUL. An de ijs sunt, quos amiseramus in direptione domus, cum patria cederemus? & furori improborum ciuium resistere non possemus? talium enim librorum amissionem tu iniquo animo semper tulisti, existimans iacturam aliarum rerum, quam facere solemus, tolerabilem esse, quoniam res multo etiam pretiosiores aliquando consequi possumus, sed in librorum amissione periculum esse, ne illi posthac nusquam reperiantur. tanta est hominum negligentia, et eiusmodi rerum præclarissimarum contemptus. Itaque cum in aliquem ex domestica Bybliothea codicem incidis, æquè gaudere soles, ac is, qui magna iactatus tempestate aliquid postea ex ijs comperiat, quæ in mare proiecerit, aut alio casu amiserit. id, quod nuper te fecisse uidimus,

uidimus, cum grandē sanē codicem recepisti, quo omnes, qui
 exstant Aristotelis commentarij continentur, & explana-
 tiones veterum Peripateticorū adscriptæ sunt, ex quo qui-
 dem tantam lucem tenebris Peripateticæ disciplinæ, quæ
 apud Latinos est, prodituram confido, ut Aristotelem græ-
 cum non posthac simus desideraturi. audio enim Alcyoniū
 nostrum superioribus dieb. eundem ipsum codicem accuratè
 euoluissē, ut latinum faceret quicquid Theodorus Gaza
 ex opere de animalibus non conuersum reliquisset, atque
 etiam, ut suppleret ea, quæ Argyropylus ex libris auscul-
 tatorijs interpretaturus fuisset, nisi alius casus, aut occupa-
 tio consilium eius praeuertisset. **LEG.** De domesticis
 quidem bybliothecæ isti sunt libri, atque non tantum studiū
 posuissē in illis digerendis, & propemodum singulis pa-
 ginis recognoscendis, nisi certo scirem sanctissimos illos pa-
 tris Laurētij manes incredibili quadam affici lætitia, cum
 intellegunt harum quoq; rerum studium nobis hæreditari-
 um, atq; hos pretiosissimos thesauros non omnino esse dis-
 sipatos. Clarissimus enim ille uir hosce codices non ali-
 ter appellabat, quàm thesauros, non quod thesauros in il-
 lis comparandis profudisset, quanquam id uerum fortas-
 se fuit, sed quod eos tum in Græcia, tum in Asia de fossos
 quasi thesauros aliquos eruendos, ac Florentiam deferēdos
 curasset. Laudo etiam propositum Alcyoniū. sed ætas eius,
 uix enim pubescit, facit ut nunc ab illo non expectem ea,
 quæ tum à Theodoro, tum ab Argyropylo maiores nostri
 acceperunt. ambo enim senes fuerunt & quidē græci sum-
 mo ingenio, et singulari græcarum literarū cognitione præ-
 diti, id, quod multis Græcis hodie non contingere solet, &
 latinarum literarum tanta peritia, quanta suis tempori-
 bus latinorum nemo, ac propterea suspicari possumus illos
 græcæ Aristotelis scripta mire intellexisse, eademque ipsa
 eleganter exprimere latine potuisse. atque eo libentius hæc
 de utroque prædico, quod scio me testimonium dare iudicij,
 non beneuolentiæ. etiam si Argyropylus diu cum proauo
 Cosmo, & auo Petro uixerit, Laurentiumque parētem do-

MEDICES. LEGATVS.

Strina omnium rerum instituerit, quæ essent homine eru-
 dito dignæ, atque eo, qui in rep. uellet excellere. Theodorus
 autem ex Lucania in Etruriam ad nos transisset, nisi tam
 celeriter natura per mortem suam quasi depositum repe-
 tiisset, atque sine controuersia honoratior apud patrē erat
 futurus, quàm Panætius apud Scipionem, quandoquidem
 græcarum literarum laudē latinarum gloria cumularat,
 quod Panætius assequi nō potuit. Sed de Alcyoniū interpre-
 tatione tum iudicabimus, cum uoluerit sua iudicari, hoc est
 cum quæ in manibus habet opera emisserit. quāquam pro-
 ximis dieb. legens prima capita libri eiusdem Philosophi
 de ortu, & obitu latine reddita, animaduerti in Alcyonio
 maius urbanae illius eloquentiæ studium, quàm in utroque
 horum Græcorum fuerit, & non mediocrem felicitatem
 latine repræsentandi integram auctoris sententiam, quam
 de se interpretem præstare difficile iudico quotiescunq; Ari-
 stoteles ueterum Philosophorum scita conuellit, & rudem
 uetustatem coarguit. usq; adeo tum breuis, pressus, sibi in-
 stans, difficilis, & obscurus est. Si igitur Alcyonius extre-
 ma cum primis contexuerit, non dubito, quin Italia exila-
 rabitur ob talem interpretandi laudem, quæ post multa se-
 cula beneficio hominis Romani in hac Vrbe primum reui-
 uiscent. Tu autem Iuli fecisti grata ista tua interpellatione,
 ut crederem te nunc penitus cognoscere, quàm graue uul-
 nus nobis fratrib. uniuersæque familiæ nostræ, sit à for-
 tuna inflictum, cum domo, & patrijs, auitisque bonis spo-
 liati, in exilium acti sumus. nam per ætatem nullam sanæ
 ciuitatis nostræ partem gustare potuisti, quoniam post paren-
 tis obitum ciues qdam in Petrum fratrem personam prin-
 cipis ciuis ingenio & consilio sustentem ea moliri coepe-
 runt, quib. hominis auctoritas in administranda patria la-
 besactaretur, & dignitas omnium nostrum imminueretur.
 Nec illos ab hoc consilio auertit memoria immortalium be-
 neficiorum, quib. a maiorib. nostris omni tempore ornati
 sunt, nec patriæ splendor, quem prudens, & moderata no-
 strorum gubernatio auxerat. Hæc tamen Iuli ferenda æm

seo, non vindicanda. siquidem Christianorum hominum of-
fensiones aut uoluntaria obliuione terendæ sunt, aut animi
lenitate deponendæ. I V L. Horum quidem tempo-
rum tristitiam condis hilaritate, & facilitate tua mi optime
ac dulcissime frater. atque hac etiam in re agnosco incredi-
bilem animi tui moderationem, & constantiam. ex quibus
plane uirtutibus nos propinqui, & necessitudine coniuncti
aliquando iucundos fructus percipimus, patria autem, &
Resp. christiana iucundos, & salutare. I E G. De hoc
fors uiderit, aut qui eiusmodi res curat Deus. Oblector
autem mirum in modum fraterna ista tua uoluntate ple-
na humanitatis, plena pietatis, plena fidei. Nec sane odio-
sum cuiquam esse putauerim testificari me semper operam
dedisse ante, quàm Innocentius octauus Pont. Max. me in
summorum antistitum ordinem cooptaret, ut dignus uide-
rer tanti Pontificis iudicio & honore, quo ille sua nomi-
natione me decoraturus erat. Quod si mox tanto honore
præditus religionis laudem studiosius spectauim, quàm com-
plures alij nostri ordinis sacerdotes, si afflictam optimi ci-
uisq; fortunam subleuauim, si literatis præsidio fui, certe ni-
hil aliud uideor mihi fecisse nisi id, quod ex officio à me fie-
ri oportebat. Præterea uulgi plausus semper contempsi, mul-
tis etiam reip. nostræ honoribus non tam uti uolui, quàm
dignus uideri. nec unquam laborauim, ut domus nostra pari
cidarum plena esset, aut ianua & uestibulum maxima coti-
die frequentia aulicorum, ac summorum hominum splen-
dore celebraretur, aut longa Præsulum pompa ad Pon-
tificias ædes deduceremur, aut pluribus Basilicæ spatijs ho-
nestaremur. Sacerdotes enim, qui tali honorum genere du-
cuntur, uiam sibi muniunt ad tyrannidem occupandam, nō
ad Christum imitandum, & ad ueram religionis laudem
assequendam, quæ utinam proposita esset ijs, qui sacris coti-
die initiantur, tanta certe malorum sacerdotum copia non
urgeremur, nec tam pauci principes essent, qui religionis
patrocinium suscipere uellent. imo non desunt e' Chri-
stianis Regib. qui existiment se cogere posse Pontificam no-

MEDICES·LEGATVS.

strum, & honore maximum, & auctoritate clarissimum, ut conuentui intersit, quem tamen illi indixerint. Minantur etiam se ipsos, si id facere recusarit, illum redacturos in ordinem. Ambitosus autem quorundam sacerdotum animus istas in nos inuexit calamitates. atque illis quidem non uidemur leuari posse, nisi armis, quibus nullum calamitatis genus perniciosius est. Itaque doleo mirum in modum nostram etiam operam ad id exigi. Pontifex enim superioribus diebus ut probe nosti, frequenti summorum Antistitum collegio me sibi legauit, & copiis praefecit, quae in Gallos hostes profecturae sunt. Nec uero desperanda est uictoria, quandoquidem arma suscepta sunt pro causa iusta, pro asserenda Pontificis auctoritate, pro collegii nostri dignitate, & pro Urbibus recipiendis, quae a Pontifice, & a nobis defecerunt. Sed tamen in talium rerum administratione, multa incidere possunt, quae uictoriam minus laetam reddent. strages legionum tum nostrarum, tum Regum sociorum, caedes ciuium, direptiones urbium, impetus in priuatorum pecunias, tabulae nouae, proscriptiones, turpissimorum honores. Nec eiusmodi calamitates per transalpinas, aut transmarinas peruadent provincias, quibus arma inferre forsitan oporteret, uel propter morum peruersitatem, uel propter Religionis disiunctionem, sed per Italiam, ubi humanitas, moderatio, uirtus, & Religio orta, & in omnes terras putatur distributa. Auget dolorem meum memoria superioris belli, quod Caesar Borgia Regulus Valentiae in Piceno, et Aemylia gessit, quae nunc nostra provincia est. in illa enim ea scelera, & flagitia a nostris militibus patrata sunt, quae ne Scythae quidem, aut Turcae, aut Poeni in Italia commisisse. illata fames & uastitas nobilissimae Italiae parti, agri ferro, igni, & uastati, disturbatae, excisae, & urbes, abreptae, & complexibus matrum infantes, & parietibus illisi, ciues uniuersi, aut Sullano more interfecti, aut alio migrare coacti, & quod miserrimum, meo quidem iudicio, nobis Italicae fuit, multorum Principum necesse, qui antiquissima stirpe orti erant, quique Italici generis homines omni officio

rum genere complectebantur, siue illi ingenij, et literarum gloria florerent, siue bellica laude insignes essent. Quid memorem in alia Italiae parte grauissimos, & calamitissimos casus Populorum fere omnium Regni Neapolitani? postquam Foedericus Arago Regno cessit Gallis, & Hispanis, quorum etiam Rex illi arcta cognatione iunctus erat, auxiliaque pollicebatur aduersus Gallos communers, ut dicebat, hostes. Inuitus quidem huius Regis mentionem feci, sed institutus de nostrorum Italarum calamitate sermo memoriam de tanto Rege refrauit. Fuit ille iustus de causis familiae nostrae amicissimus, nec solum ante, cum Princeps Tarentinus esset, sed etiam mox quandiu regno Neapolitano potitus est, ita nunquam me meae fortunae supponebat ut nouem ferme ab hinc annos, cum eum Mediolani uidi. quanto meo cum dolore non dico. Excesserat Neapoli anno superiore Rex ille & humanissimus, & sapientissimus, summaque uirtute praeditus, ne regnum illud, quod conseruauerat, sua pertinacia aliquando euerteret, ad Ludouicumque Galliae Regem accesserat, sperans illum passurum, ut imperatis certis rebus regnum etiam obtineret suum, cum praesertim non minus gloriosum ei esset constitutum ab eodem ipso Regem, quam constrictum uideri.

Mediolanum autem uenerat officij causa secutus Ludouicum Regem, qui in Italiam transierat arma extimescens Caesaris Borgiae, qui imperij fines in Galliam usque Togatam protulerat. Meae quidem fortunae tum, ut dicebam, me maxime supponebat, quod intellegebam nullam opem affictis illius rebus nos amplius ferre posse, quemadmodum Parens noster Ferdinando Regi illius patri fecerat, cum principum, et Primorum coniuratione omni propemodum regno spoliatus esset. O spectaculum illud non modo hominibus, sed parientibus etiam ipsis, & feris luctuosum. cedere e Regno Italico Regem Italum, atque adeo conseruatorem illius, manere exteris gentibus, quae popularentur agros, uexarent vrbes non ad spem constituendi, stabilique imperij, quod tenere non poterant, sed ad prae

MEDICES·LEGATVS.

sentem partem mendicitatis suae. I V L. sed dic quæ-
 so mi frater, qua constantia Foedericus purpuram, & sce-
 ptrum, & insignia regia deposuerat, & quo animo Re-
 gno carebat suo, & quàm fortiter exsilium tolerabat.
 Ludouicus enim Rex illum supplicem, ad pedesque stra-
 tum erexit, non tamen illum regnare uoluit. Et hac qui-
 dem in re imitatus non est ueteres illos Romanos cum alijs
 uirtutibus insignes, & claros, tum liberalitate, clementia, et
 magnitudine animi præstantissimos. Etenim hi cum An-
 tiochum Regem illum magnum ductu, & auspicijs partim
 M. Attilij Glabronis, partim L. Sapienis Europa, & Asia
 expulissent, intra Taurum tamen Montem regnare iusse-
 runt, & omnem Asiam præter Lydiam, & Cariam, qua
 illum multarunt, Attalo, ut is regnaret in ea, condonarunt.
 Tigranem etiam Armeniorum Regem Cn. Pompeius cum
 ad pedes se proiecisset, subleuauit, & cum insigne regum,
 quod ille de suo capite abiecerat, reposuisset, imperatis cer-
 tis rebus regnare iussit. Ptolemæum etiam Auletem Ale-
 xandria pulsum in Aegyptum reduxerunt, & propemo-
 dum regio in suo loco collocarunt, cum Romam profugisset, &
 dissimulata persona pictoris Alexandrini hospitio uteretur.
 Et, ne semper exemplis uti uidear domesticis, nonne Traia-
 nus Hispani generis homo, Princeps tamen Romanus Dece-
 balum Dacorum Regem, quæ acie uicerat ad pedes iacentem
 extulit? & suo regno concessio pristina hominis dignitatem
 amplificauit? Verum noster Foedericus exsul, et extoris a
 patrio solo, et a Dis penatibus fortassis animo magis pul-
 so & abiecto erat, quàm quis istorum, quoniam recordabatur
 se filium Regis potentissimi natum, & illius quidem fami-
 liae, quæ trecentos circiter annos perpetuo stemmate Re-
 ges profudisset, nec aliquem fere eorum mortuum nisi Re-
 gem, & in Regno suo. L E G. Temporibus quidem
 seruienti Foedericus alacriter turbulentissimam illam tem-
 pestatem subiit, ornamentaque Regia deposuit, ad quæ pla-
 ne natus erat. Fortunæ quoque acerbicatem, & temporum
 iniuriam ita ferebat, ut magnanimum decebat Regem. est

enim magnanimi, cum alios omnes casus existimare inferiores esse sui animi altitudine, et praestantia, tum uel in primis exilium, quandoquidem, ut ex Cicerone didicimus, id non turpitudinis est nomen, sed calamitatis. Verum in calamitates multas domi desidentes, atque in patria otiosi prolabi possumus, quae omnis generis mala contineant. Enimvero Iuli, quanquam nihil tam miserum est, quod in nostram fortunam cadere non uideatur, tamen in his maximis nostris incommodis, et erumnis ea consolatione sustentor, quod nulla nostra culpa ita afflicti sumus. Equidem intimis sensibus angor, ut ante dicebam, cum mihi in mentem uenit domestici splendoris, paternae amplitudinis, et ipsius patriae, quae mihi omni tempore carissima fuit, (homines enim sumus, et animo uigemus, qui in eiusmodi perturbationes facile distrahitur, ut modo gaudeat, modo doleat pro ratione rerum, quae obiciuntur siue iucundae, siue tristes sint) sed ita non angor, ut existimem in orbitate eiusmodi rerum, et praesertim patriae, omnem uitae nostrae spem extinctam esse. quin confido in hac temporum uarietate, et fortunae uicissitudine tandem aliquando facultatem nobis datumiri ad pristinum dignitatis nostrae portum tenendum, quando impuritate profingat ssimorum hominum ita commissum sit, ut ex illo sine gubernaculis egredieremur, et tempestati nos traderemus. Sed interim renouandum nobis animum esse censeo ad rationem fortiter, sapienterque ferendi haec omnia incommoda. IUL. Renouavi iam pridem animum, ad istam, quam praedicis mihi frater rationem ferendi aequissimo animo haec omnia incommoda, idque tum mea sponte, tum a te aliis fraterne, et sapienter admonitus, eoque magis, quod cogitabam me patriam patria excessisse, ac propterea domesticum splendorem penitus non perspexisse, nec spectatorem unquam fuisse amplitudinis Laurentij patrui, aut parentis Iuliani, quippe qui ad summam uirtutis gloriam florescens multo ante inimicorum fraude nobis ereptus est. Veruntamen patriae amorem, et caritatem pene cum lacte nutricis suxisse mi-

MEDICES. LEGATVS.

hi uideor, ita ut animum induxerim aliam celebritatem praeter, quam patriae odisse, alios, si liceret, homines fugere, aliam lucem uix aspicere. Quamobrem a te peto, uel potius precibus omnibus oro, et obtestor, ut mihi in antiquissimae, et sanctissimae parentis patriae desiderio, ac dolore ferendo non medicinam perpetuam afferas, qui enim hoc fieri potest? sed exiguam doloris obliuionem. Oratio enim tua et grauitatis plena est, et afficit et mouet in primis, que, me et probos omnes, qui eam non fisco illitam, et delinimentis conditam norunt, qualem fundere solet magna istorum sacerdotum pars, sed ueritatis plenam perspiciunt, nihil fingentem, nihil dissimulantem, nihil etiam obtegentem. **LEG.** Nullis sane precibus mecum agito Iuli, sed nutu tantummodo. nihil enim optatius mihi esse potest, quam ut me auctore statutum habeas, saeuientis fortunae impetum hac maxime in re, te facile reprimere posse. atque etiam ut existimes istam uitae conditionem, quam exsilium affert, non perinde iniquam, et calamitosam esse, ut uulgus opinatur. Sed interim, si placet, considamus in sedeculis istis, quae sub imagine orbis terae sunt, Laurentius, que noster astitit et molestos arcebit interpellatores, enitemur, que nos uicissim, ut sentiat se operam nauasse, quod nobis haec commentantibus superuenerit. nostra enim consolatione ipse etiam indiget, quonia pari fortuna abiectus uiuit, et afflictiore omnino conditio est, quam alteruter nostrum, cum puer admodum patria, et simul patriae honoribus carere coeperit. **LAURENTIUS** Egdē si rescissem ante uos in Sybliotheam inclusos quauis alia de re differere, nedum de exsilio toleranter perpetuando, libenter acurrissem, ut uos audirem. usque eo omnia, quae a uobis proficiuntur, grata mihi sunt, et iucunda. Praeterea ecquis exsul non studiose audiat exsiliij causam agi ab eo homine? qui etsi exsul est, exsiliij tamen acerbissimam, et molestiam non admodum moleste ferat, propter summam animi eius moderationem, admirabilem sapientiam, eximiam uirtutem, et incredibilem constantiam.

LEG.

LEG. Nullam unquam Laurenti sum laudem aucu-
patus de exilio, quod facile, moderatēq; tolerauerim, quan-
doquidem honos, quem Romae, & in rep. nostra gero, mi-
hi omnem aditum praecludit ad patriae uoluptates, illi-
usq; honores. quamobrem eisi in patria essem, tamen qua-
si exsul in patria degerem. Verum id agimus, cuius gratia
consequimur. Tres, ut uideo, causae afferuntur ab istis,
qui uulgo sapientes habentur, cur exsilium in maximis ma-
lis ducendum sit. Primum, quod extra patrium solum
exsul uiuat. Deinde quod honoribus patriae uti non queat.
Postremo, quod necessarijs careat. Sed nos diligentissime
consideremus quanti momenti quaeq; sit, et dispiciamus quam
iustae, & quam dignae talium hominum sapientum aucto-
ritate, & prudentia causae istae haberi possint, ne id suspi-
cemur mala nobis inurere, quod uitam fortasse ad certam
rationis normam dirigat, fortunaeq; leuitatis, & inconstan-
tiae nos admoneat. Laudant quidem isti patrium solum,
aiuntq; illud ipsum esse debere optimo cuique tum carum,
tum uero dulce, & iucundum. At multa certe sunt extra
patriam & augusta, & sancta, quae maiorem uoluptatem
homini sapientia ornato afferre possint, quam natale so-
lum. Iam uero quae uoluptas capitur e rebus mutis, & ina-
nimis, quibus alia magis, quam alia patria constat. e re-
bus inquam mutis, et inanimis, ut sunt magnifice constructae
aedes, marmorea pauimenta, laqueata tecta. nulla sane ex
id genus rebus capitur uoluptas, nisi ea, quam stulti quidam
secuntur uulgarem totam, plebeiam totam. Sed positum sit,
patriam caritate sui nos deuincire, & ad amorem allice-
re, ut omnino alliciat, Quid nobis propterea fiet? quando-
quidem alias urbes non solum amamus, sed etiam ampli-
tudinem illarum, splendorem, & multiplicem apparatus
admiramur. At perraro istiusmodi amoris, et simul admi-
rationis faeces patria ad nos admouet. Quid? non ne, eti-
am si exsules simus, aliquando ita defixi sumus in alteri-
us urbis opibus admirandis, ludis spectandis, amicitijs co-
lendis, ut patriae obliuiscamur, in primisq; si illa ingrata

MEDICES·LEGATVS.

fit. Africanus uoluntarium exsilium non solum sibi ipsi, sed funeri etiam suo indixit. **Q** Antonius M. Tullij in consulatu collega in Cephalaria exsul magnam in sula partem magnificis operibus exornauit, nec Romanus haberi amplius uolebat, quamuis urbem magno periculo liberasset oppresso Catilina habebat præterea semper in ore. exsulat libenter Antonius, quia nulla sua culpa patria caret, sed quod exsules & hostes patriæ ingrata affixit. Ante hunc P. Rutilius Rufus philosophus, ut suis temporibus præstantissimus, idemq; innocentiae, & integritatis exemplum in iudicium uocatus causam suam non magna contentione agi uoluit, patriæ orbitatem illius delictis præponens, atque cum è necessarijs quidam eius consolandi causa dixisset, ades animo Rutili iam iam seditio inter ciues exorietur, omnesq; exsules domum reuertentur, Ecquando, inquit, tibi iniurius fui? ut mihi peiorem reditum, quam exitum optares: malo patriam in exsilio meo erubescere, quam reditum mœrere. Itaq; Rutilius uita, moribus, uerbis etiã specimen omnium uirtutum se esse ostendit, cum summa uoluntate patriam cessisset, & egregia animi alacritate abesset. Calistratus Athenis exturbatus amicissimum hominem despectui habuit, qui illi renūtiarat propediem fore, ut Athenienses cogerentur exsules omnes reducere. iudicauit enim illud exsilium non esse, cuius alios magis, quam damnatum pueret. Talis etiã fuit Q. Metellus, de quo Cicero. Quintus, inquit Metellus patruus matris meæ de ciuitate maluit, quam de sententia dimoueri, quod existimaret alienum celum nihil minus sibi profuturum, quam patrium. Nec præterierim in horum enumeratione Sosippum Syracusanum Hieronis regis generum, qui legatus ab Hieronymo nepote ad Ptolemæum regem Alexandream missus uoluntarium sibi conscuit exsilium. atq; illum ipsum neq; Heracleæ uxoris amor, consilium mutare cœgit, neque filiarum desiderium, neq; propinquorum, et amicorum beneuolentia, neq; Siciliæ, aut patriæ amœnitas omnium fermè urbium ea etate pulcherrimæ. Cosmus etiam Proauus no-

ster

ster Venetijs exsul ita leniter ingratae patriae desiderium ferebat: ut eo exsilio pene delectari uideretur. tanta uirtutis illius diuini hominis apud Venetos erat admiratio, tanta sapientiae existimatio, tanta cum omnibus ciuibus coniunctio. Quinetiam patriae propemodum oblitus uidebatur quandoquidem certo sciebat, se magis patriae ornamento esse, quam patriam sibi, nec diutius eam uelle, aut posse se cedere. Fuit annus Venetijs, nec quisquam toto eo tempore de homine audiret se inuitum exsulare, quanquam uidebat neminem sua memoria ciuem ex tam amplo patriae suae statu, in tam bona causa, tantis facultatibus ingenij, consilij, gratiae, tantis praesidijs bonorum omnium concidisse. Oblitus sciebat ille, qui fuisset, non sentiebat, qui erat, non intellegebat, quo carebat honore, qua gloria, quo splendore, quibus fortunis, qua auctoritate. Nihil pectus constantissimum et sapientissimum illius senis effudit memoria ornamentorum eorum, quae domestica propinquis, haereditaria duobus filiis relinquere cogitabat. At quibus filiis? prudentissimis, suauissimis, et carissimis. Horum etiam alterum non multo post, quam ab exsilio reuocatus est, mortuum, uidit. Diu boni quam excelsa animo, quanta constantia, quanta firmitate summi illius luctus acerbiter tulit. Ad eum moestum, ut suspicabantur, cum primores ciuitatis conuenissent consolandi gratia, hominem offenderunt, qui iam consilio, et prudentia praeripuerat allevationem doloris eius, quam illi dare cogitabant, aut diuturnitas solet asferre. Multas quoque consolationes in maerore suo minuendo usurpabat, quae memoriae, et literis proditae erant a grauissimis auctoribus Graecis, et Latinis. Ita amplissimum illi uiri magis consolationem ab eo nacti sunt ad graues suos casus, quam eidem ipsi attulerint. eorum numero Byzantium Argyropylus fuisse audio Philosophorum suae memoriae facile Principem, qui etiam ipse accesserat, ut officioungeretur beneuolentissimi, atque amantissimi hominis. nam is cum paulo post audisset Romae filium suum interfectum esse, non admodum fracti, aut moesti animi signa

MEDICES. LEGATVS.

dabat. atque cum Petrus avus noster miraretur hominem tam moderate ferre carissimi filij interitum, & dolori fortiter ac fortunæ resistere, respondit homo ingenuus, nec assentator, quamvis Græcus, ad leniendum, & sanandum animum suum in tanto luctu, Cosmî duntaxat Medicis patris eius consolationem usurpare, quam ille in filij morte sibi ipsi adhibuisset. plena uita exemplorū est, sed adhibeat oratio modum, & redeat illuc, unde defluxit. Patriam quoque miris laudibus tollunt, quod cultum literarum, re-
cta studia, ingenuas artes, uirtutem, honores denique largiatur. Enimvero id magna ex parte falsum est, cum potius uideamus doctissimum quenque peregrinando eiusmodi ornamenta esse consecutum. Toxaris sordido pene loco in Scythia natus Athenas uenit, ab Atticisq; fontibus præcepta Philosophiæ, & artis medicæ hausit. Dein statua, & diuinis honorib. dignus habitus est ob pestilentiam, qua populum Atheniensem liberarat. Anacharsis, quanquam illustrioribus natalibus erat, Athenas tamen concessit doctrinæ gratia, magnosq; suæ peregrinationis fructus coepit. amplissimis enim honoribus à populo Atheniensi decoratus est. Queritis quales hi fuerint honores? vnus barbarorum omnium donatus ciuitate, vnus Eleusinijs sacris initiatus est.

De patria ea loquor, dixerit quæ uel in Græcia, uel in Italia sit. Etenim quis Scythia modo ad literas docilis sit, non Scythiâ, et tetram illam Barbariam relinquat? ut in Græciam, aut in Italiam ueniat, Patriam uero Græcam, aut Italiam nemo relinquet. imò omnes fere qui ingenio excellunt, et laudis studiosi, gloriæq; cupidi sunt. Plato Athenas deseruit, in quibus natus erat, urbem Græciæ longe clarissimam, ad Heliopolin' que remotissimum Aegypti oppidum profectus est, ut sacerdotib. familiariter uteretur, q. eo loci numeros, motusq; tractabant, & unde omnia orirentur, et quo recederent, docebant, quique studiose etiam siderum magnitudines, interualla, cursus, & cuncta cælestia inquirebant. Tanto etiam Philosopho comitem se se adiunxit Eudoxus patriæ propemodum oblitus, quæ Cnidus insula

dos insula erat. Atq; hi primi hanc præclaram siderum scientiam in Græciam transtulerunt, florentissimq; postea fuerunt honoribus, gratia, & gloria. Altera insulam, Samum, ubi susceptus erat, pauloante reliquerat Pythagora, ut Aegyptum lustraret, Magosq; adiret, qui mox reuersus in Græciam non modo exquisitis honorib. dignus ab suis Græcis habitus est, sed à nostris etiam Italis, quos priuatim, & publice ornatat præclarissimis institutis, & artibus. Num igitur hunc peregrinatio, et longinquus à patria digressus cœgit in suis studijs obmutescere? Num Aristotelem? qui Stagæris natus post, quàm inde recessit, semel tantum in eas reuersus est, quiq; in Asiam profectus cum Herma Eunucho, qui Aternensibus, & Assensibus imperabat, summa familiaritate, coniunctissimq; uitæ officijs uixit, illiusq; sororem in matrimonium duxit. Num Theophrastum? qui Ereßum in Mitylenis natale solum sortitus, cum Athenas trāsmississet, ut Aristoteli operam daret, grauitè, & iniquo animo ferebat, si quis eum Ereßium appellaret. atque etiam tam mirifico studio prosequeretur Atticam, et præceptores, qui in Attica commorarentur, ut in ea mori uoluerit. Et Aristoteles quidem cum alios omnes discipulos suos eloquentes effecisset, hunc ipsum eloquentissimum, ac doctissimum reddidit. Num Archidemum Atheniensem clarissimum è stoicæ familia Philosophum? qui in intimos Persas penetrauit, & more Græcorum Babylonì multas scholas habuit. atq; inde sic discessit, ut non minus triste sui desiderium, quàm iucundam, diuturnamq; memoriam nominis sui reliquerit. complures enim Stoicæ disciplinæ alumnos quasi quosdam suæ uoluntatis obsides, & sapientiæ, ac uirtutis pignora Babylonij religit. M. Tullius Trebatum familiarem suum in Gallia commorantem, & mollissimis cogitationibus effæmnatum conatur ad erectum, excelsumq; animum reuocare. Tu modo ineptias, inq; istas, & desideria urbis, & urbanitatis depone, & quo consilio profectus es, id assiduitate, & uirtute consequere. Hoc tibi tam ignoscemus nos amici, quàm ignouerunt Medæ, quæ Co-

MEDICES. LEGATVS.

vinthum arcem altam habebant matrone opulente opti-
mates, quibus illa manibus gypsatissimis psuasit ea omnia,
que nunc audietis a nobis tralata ex Euripide Poeta, ut
scitis, eximio de cuius etiam laudibus mox opportuniore
loco dicemus.

Corinthie uiragines domo exij.

Ne uertite uitio. uidebam plurimos.

Cessisse rem feliciter patria procul,

Multos domi, contra, manentes torpide

Vixisse, & audisse simul a cunctis male.

Tacitus prætereo Chrysippum Solensem, Carneadem Cyre-
naicum, Clitomachum Carthaginiensem, Aristonem Ceum
Stratonem Lampsacenum, Theodectem, & Critolaum pha-
selitas, & alios innumerabiles philosophos doctrina, &
ingenio singulari præditos, qui uel Academeiam, uel Lycei-
um, uel porticum sua disciplina illustrarunt, cum tamen ante
in alias ultro concessissent urbes, easque suæ laudis, & glo-
riæ domicilium esse uoluissent. Nec uero illos ratio ea mo-
uit, quam solent afferre minuti quidam Philosophi, & in
rebus naturæ planè plumbei, cur patriam alijs urbibus
præponere debeamus. Bonus, inquit, honestusque filius pa-
trem alium in honore, & pietate patri suo non præule-
rit. contra nec probus, sapiensque pater filio suo, et germa-
no neglecto, alium magis dilexerit filium. Quid? quod
complures, inquit, comperias parentes, qui amore filio-
rum obcæcati, ita eos caros habent, ut pulcherrimi, et omni-
bus ornamentis præditi illis uideantur, quanquam defor-
mes habeantur, omnibusque uitijs contaminata illorum uita
sit. asseruntque propterea parètem eum, qui non talem se se
filijs præbuerit iudicem, parentis oculos non habere. ideo
patriæ nomen primum esse, et maxime proprium, cum nihil
magis sit proprium, quam pater. O' ridiculâ rationem, et
ineptam sententiam, et suo planè auctore indignam. arbi-
trantur isti eo loco nobis esse debere filios, quo patriam. nec
perspiciunt quantum intersit inter causam filiorum, &
patriæ. Filios quidem nos procreamus, de nostris uisceribus
extrahimus,

extrahimus, cum uoluptate suscipimus, nostris manibus alimus, educamus, ad nostros mores fingimus. illos ut expressas effigies animi, ingenij, uoluntatis nostræ exhibemus, semperq; in oculis habemus uel dulci naturæ commendatione. sed patriam fortuna, & temerarius quidam casus nobis tribuit. At ubi? Nimirum in terra, quæ communis est omnium mater, & patria. Neq; uero natura certum unum circumscribit locum, in quo commoremur, cui hæreamus, quem cum uoluptate intueamur, quem diligamus, in cuius amore acquiescimus, ut prudentes patres in proborum filiorum amore acquiescere solent: imò sapientissimus quisque omnem orbem terrarum unam urbem esse ducit. atque etiam illam ueram sibi patriam esse arbitratur, quæ se peregrinantem exceperit. quæ probitatem, pudorem, uirtutem colit: quæ optima studia, liberales disciplinas amplectitur. quæ etiam facit, ut peregrini omnes honesto ocio teneant statum, et famam dignitatis suæ. quam ob rem Terentius ille Varro Togatorum eruditissimus, idemq; latinorum omnium sapientissimus putabat satis remediij hoc esse aduersus mutationem locorum, si cogitaremus, quocunque uenissimus eadem rerum natura esse utendum. Vanum præterea, & nimis superstitiosum autumo, quod de Deorum beneuolentia erga certas insulas, aut urbes comminiscuntur, siue illæ mediterraneæ, siue maritimæ sint. auctores enim sunt, Deos sua quæq; patria lætari, etiam si uideant uniuersam terram, atq; adeo ipsum mare sui iuris esse, ob eamq; causam à mortalibus maiorem honorem haberi urbibus ijs, in quibus Di nati essent. Præterea nobiliores ac illustriores esse insulas, ubi Deorum ortus celebraretur. Temporibus qdem Ciceronis erat in manibus aureola oratio C. Lælij de religione, in quamagna ex parte confutatum fuisse cultum istorum Deorum coniicio, multa q; de uera religione probata non superstitiose, & auiliter, sed physica, constantiq; ratione. Vtinam nostris etiam temporibus illa exstaret. dolos profecto, & fallacias, & machinas, & præstigas ueterum in nobis decipiendis facilius refelleremus, & tam huberem factum

MEDICES·LEGATVS·

istarum religionum peius odissemus, quàm tabem, aut certe aliquam pestilentium morborum labem. Enimvero qui in hac, vel in illa urbe nati sunt, homines fuerunt, non Di. nec sanè aliter potuissent nasci, cū Deus nunq̃ ortus sit, ac propterea nunq̃ occidet. idcirco impia & detestabilis est sententia Anaximandri, constituentis Deos natuos, longis interuallis oriēters, ac occidēters. Nec item Deus huic loco nomen, & splendorem. illi obscuritatem & tenebras affert, cum omnia, quæ infra eum sunt, ab illo ipso æquè amentur, et foueantur. Homines autem illi fuerunt summo ingenio, summaq; industria et beneficētia præditi, q̃ etiā in mortales merita cōtulerunt maxima. mortui dēinde consecrati, in numeroq; Deorum à stulta posteritate, grata tamen, habiti sunt. Virtutibus igitur honores habebantur, non Dis, ut Balbus apud Ciceronem testatur. Hoc etiā cum uiderēt principes illi Christianæ religionis auctores sanctitate, & innocentia insignes nullam carnificinam subire recusarunt, quo simulacra talium Deorum commentitiorum subuerterent, quæ tamen ueteres religiose colebant, & sanctissime uenerabantur. Superiorib. etiā dieb. cum in Suburbanum exissem p̃studiose lectitauī Phœnissas Euripidis poetæ apud Græcos clarissim. uisus mihi sum excellentis alicuius Philosophi scripta, non poetæ fabulā in manibus habere. multæ enim grauissimæq; sententiæ pronuntiantur ab ijs, quorum personas inducit loquēters. multæ rationes ex intima philosophia repetuntur. pleraq; item concinne, ac subtiliter edisseruntur, quæ omnino declarant auctorem illum præstantissimum ex Anaxagoræ disputationibus, quibus eruditus fuit, complura in præclaris suis Poëmatis intextu isse plenā doctrinæ, plenā grauitatis, plenā incunditatis, plenā gratiæ. atque propterea factum existimo, ut ueteres omnes illum philosophum Tragicum appellarint, Plato autem poetam sapiētissimum. Memoriae igitur mandauī senariolos multos ex eadem ipsa tragœdia, quos etiam Græcos pronuntiarem, nisi uererer, ne parum æquis auribus illos audituri essetis, in primisq; tu Iuli, qui, ut alia omnia prudenter

prudenter, ita hoc etiam facis. Nam istis Latinis succensendum putas, qui, cum latine differunt, nimis, ut Plautus ait, græssant. et dum ostentare volunt inductæ linguæ, ac in sititæ cognitionem, suæ, ac patriæ imperitiâ produnt. Quinetiam stomachum maxime tibi fecisse audio, quod nuper uidisti in Germania, et Gallia scriptos quosdam libros in dialogo, et disputatione, in quibus complures uersus græci ex Demosthenis orationibus, et Plutarchi, ac Luciani libris, et ex Homeri, atque Hesiodi, et aliorum eorum Poesi inculcati. Dâna bas aut illorum auctores fretus opinor ex exemplo Platonis nostri, et Xenophontis, qui apud Græcos magna cum laude in hoc scribendi genere se exercuerunt, cum neque hic in pædera Cyriullo loco Cyrum persicâ lingua loquentem inducat, quod tunc de rebus Persicis agit, et Xenophon tamen linguam persicam optime tenebat, neque ille, cum res Matheos explicat, usquam Aegyptiorum uerba usurpet, a quibus numeros, et metiendi, ratiocinandique rationem acciperat. Auctoritate etiam M. Tullij iudicium confirmabas tuum, qui apud Pomponium Atticum græcæ linguæ peritissimum Epicharmi Crastini quandam recitaturus sententiam, dicam, inquit, si potero, latine. Scis enim me græce loqui in Latino non plus solere, quam in græco latine. Conuertere igitur in latinum hosce uersiculos, ut potui. non enim transmarinæ illius ueneris gratiam me assecutum puto. atque in illis quidem Iocasta de filio Polynice sciscitatur rationem peregrinationis, uel potius exsilij suscepti. illorum autem sententiam religiose, ut ita dicam, conseruauit, uerbis tamen quasi appensis, non dinumeratis.

IO. Misere Deorum quispiam Oedipi genus Affligit, atque sic nefanda, et tetra me Patrare compulit, Parenti ut nuberem Tuo, ac misera te inauspicato eniterer. Sed ista cur? quæ cælites nobis iubent, Ferenda sunt. At quo rogem nunc te modo Et pendeo animi, et pertimeo, ne morsibus Cor uulnerem tuum. Sed huc me amor trahit.

MEDICES. LEGATVS.

Po. At quærito, nihilque prætereaſ uelim.

Nam quæ cupis cordi mihi ſunt maxime.

Io. Primum quidem pernoſſe mens ardet mea
Num patria carere ſit magnum malum?

Po. Quam maximum, maiusq; re, quàm oris ſono.

Io. Sed qui iſtud eſt? tetri quid extorris ſubit?

Po. Id maximum, caret loquendi audacia.

Io. Seruile dixi, non loqui quæ ſentias.

Po. In ſaniasq; Principum pati eſt opus.

Io. Acerbum & hoc, amentiam ſi foueris.

Po. Sed gratia lucri bene eſt ſi ſeruias.

Io. Spes exſules paſcunt adagio dictitant.

Po. Pulcre intuentur, ſed nimis tarda eſt mora.

Io. Nec tempus illas eſſe uanas indicat?

Po. Illis uoluptas eſt comes dulcis Dea.

Io. Verum unde uictus ante nuptias tibi?

Po. Modo in diem uixi, modo eſuri miſer.

Io. Patris iunabant nil amici, & hoſpites?

Po. Feliciter age, nullum amicum habet miſer.

Io. Nec ſplendor extulit uagum domeſticus?

Po. Egere acerbum eſt, me genus aluit nihil.

Io. Mortalibus res eſt patria ſuauiſſima?

Po. Quàm ſit ſuauis ipſe nunquam dixerim.

Viden Iuli quàm infirme Polynices contra fortunam paratus, armatusq; erat? quàm præclare humanas res admirabatur? quàm aliunde pendeſcit? quàm extrinſecus bene, aut male uiuendi ſuſpenſas habebat rationes? quàm firmitatem, grauitatemq; animi nullam eſſe oſtendebat? quàm niteretur, quæ ægritudinem leuaret ſuam. Omnia proſecto talis Herois ui tempeſtatum, & concurſu calamitatum erat labefactata, & conuulſa. omnes ſuas miſerias tanto luctu afflictas, & perditam fortunam matri offert, et ab illa aſſpectu patitur. Viden etiam quàm exſilium pene uoluntarium ſubmoſte ferat? quàm ſuarum offenſionum aculeos, & ſcrupulos omnes matri detegat? quanto etiam deſiderio patriæ flagret? cum exſilium dicat maximum ma-

lum esse, nedum magnum, & plane eiusmodi, ut illius calamitas re magis, quam uerbis intellegatur. Sed nos iam expendamus, si uidetur, quam uere ista pronuntientur. Equidem nunquam inficiabor patriæ orbitatem canēdam omnibus esse, si fieri potest. imo clarissima uoce profitebor nullum ferē locum esse domestica sede incundiorem. quod tamen initio huiusce disputationis falsum aliqua ex parte esse probaram. Sed tamen affirmauerim eiusmodi patriæ orbitatem miseram & erumnosam, & calamitosam dūtaxat ijs esse, qui afflicti, & calamitosi etiam in patria uiuerent. quales habentur ignaui quidam homines, qui ad nulla uitæ munera apti sunt, quique umbra, delitijs, otio, langore, desidia animum infecerunt, & opinionibus, malisq; moribus delinitum emolliuerunt. Roget quis, Polynices nō ne ita affectus, ita animo, ac uita constitutus erat, ut ratio postulabat, forsitan erat. Sed nimirum sordes domesticae illum inuisum, atque execrabilem omnibus reddebant. Externa Oedipi patris expositi incunabula, illiusq; cum matre incestus ipsius autem Polynicis prima adulescentia nullo cū splendore acta, extra patriam in summa rerum omnium inopia, desperatio redeundi in patriam, fraternæ contentiones, & illæ quidem grauissimæ, atque dominandi cupiditate incensæ, id, quod etiam parentem Oedipum à Dijs precatum esse Socrates narrat Alcibiadi apud Philosophorum Deum Platonem. Hæc tanta sane mala in nostra calamitate non sunt. Patrem habui (ut in præsentia taceam patrem tuum Iulianum, qui ei obtigit frater carissimus, quiq; adulescentulus periit) in libera ciuitate natum, gratia, gloria, auctoritate, & honore clarissimum, magnitudine animi, splendore, liberalitate potentissimo cuique Regi parem. sapientia, uirtute, innocentia, literatura omnium, qui post homines natos fuerunt, lōge maximum. De matre autem grauissima, atque optima femina nihil loquor, ne uidear Vrsinæ familiæ laudes uelle nunc attingere, ex qua orta est, fuit illa tamen, quod inter omnes constat, Romanæ pudicitie decus, & constantiæ grauitatisq; lumen eximium. atq; hæc

MEDICES LEGATVS.

rum quidem uirtutum ornamenta illustrabat singulari religionis laude. Floremus etiā propinquis, affinibus, amicis, clientis tum Romæ, & Florentiæ, tum Genuæ, & Venetijs. Liberali parentum educatione adoleuimus. Gymnasia Italiæ celeberrima de nostro in literis profectu ornatissima persæpe testimonia dederunt. Liberalitatem exercuimus pro facultatibus ijs, quas adhuc reliquas nobis fortuna fecit. Quid loquar de dulcissima hac nostra germanitate? quam nulla unquam simultas distraxit, nulla iniuria exulcerauit, nulla etiam hominum obliuio deletura est. Ne sim saluus, si facilius uita carere possem, quàm te, & Iuliano fratre, qui nunc Venetijs est. atque utinam liceat mihi in complexu uestro extremum uitæ spiritum edere. Sustinet etiam nos ea spes huius lenandæ molestiæ, quod complures adhuc in patria uiuunt paternæ uirtutis, atque felicitatis memores, qui augurantur ex pristina nostra in patria auctoritate, & rerum administratione statum ciuitatis meliorem futurum. Itaque prospicio in hac calamitate, siue manuulis propagationem acerbioris temporis dicere, nobis tabescendum non esse. quin in dies erectior animo sum, & non modo id intellego, sed etiam præter alios sentio, nihil nobis conducibilius esse & ad publicam, & ad priuatam dignitatem, quàm præstare culpam malorum, quibus urgemur, speroq; propediem uel in patria illa optatissima, si nò alibi, nobis euenturam prosperam, æquabilem, perpetuamq; fortunam secundo uitæ cursu sine ulla offensione. Animum, inquit Polynices, demittat, & contrahat oportet extoris, & nihil audacter loquatur, & familiariter. Exiguus profecto animi sui finibus magnitudinem animi aliorum circumscribebat Polynices, cui uocem liberam eripiebat libido patris debacchata in ea uiscera, ex quibus formatus erat, cui os comprimebat lectus ille genialis ab iocasta matre non externo alicui uiro, sed filio suo Oedippo stratus. At sermo nobis est de constanti uiro, quem natura, uoluntas, & consuetudo assuefecerit tolerandis omnibus incommodis, qui infamiæ insolens uiuat, qui ad laudem, ad

decus, ad honestatē natus, susceptus, institutusq; sit. An Pœ-
 nus Annibal fortunis suis spoliatus, & patria extermina-
 tus debilitata uirtute fuit? & fractum animi robur se ha-
 bere ostendit? & quæ sentiret non ausus est Antiocho Re-
 gi liberaliter expromere? apud quem exsulabat. Etenim
 illi suasisit, ut Græciam provinciam sibi non deligeret ad
 bellum cum Romanis gerendum, sed Italiam, quoniam Ro-
 mani non Aetolos defensos, aut Chalcidem in Eubœa ca-
 ptam, & castellum Euripi expugnatum, sed Galliam cisal-
 pinam, Etruriam, & Campaniā uastatam audituri essent.
 quæ sententia non modo animum Regis perturbauit, qui
 iam in Europam cum exercitu trāsferat, sed amicorum
 etiam consilia uana esse docuit, qui Antiocho illius trāsmissio-
 nis auctores fuerāt. Quid? quod Antiocho Europa pul-
 so, cum Ephesi esset, nihilq; ille cogitaret de bello Romano,
 quandoquidem suspicabatur illos in Asiam nunquam tra-
 iectores esse, unus contra sententiam omnium Purpurato-
 rum, & assentatorum illius ausus est, quæ sentiret, aperte
 proferre. Siquidem magis se mirari aiebat, Romanos in
 Asiam iam non peruenisse, quàm incertum habere an es-
 sent uenturi, breuiorem esse ex Græcia in Asiam traiectione-
 nem, quàm ex Italia in Græciam, & longe potiore esse
 causam, cur Romana arma in Asiam moueantur ad auel-
 lendum Antiochum e suo, patrioq; regno quàm in Græci-
 am, ad res Aetolorum, et aliorum sociorum tutandas, cum
 præsertim opes, & uirtus Romana non minus floreret ma-
 ri, quàm terra. clarissima etiam omnium uoce perferri illos
 maximam ædificasse, atque ornasse classem, eamque circa
 Peloponnesi litora in ancoris iam stare. atque etiam proxi-
 me magnum nauium numerum Italia cum nouo Impera-
 tore soluisse, cui Asia provincia decreta esset. ob eamq; rem
 finem faceret Antiochus sperandi se Asiam pacatam, &
 tranquillam habiturum, sed potius cogitaret de illius ipsi-
 us imperio propediem cum Romanis certandū sibi esse te-
 ra, marique, & aut illis imperium orbis terrarum animo
 præsumptibus eripiendum, aut uictum, et regni possessio-

MEDICES·LEGATVS.

ne cedentem accipiendas quasunque pacis conditiones uictor hostis dedisset. Vnus igitur Annibal, quanquam exsul, ingenuum, liberum, que animum, et plane sua uirtute dignum in sententia dicenda retinuit, et uera prouidit, et fideliter, ut scribit Linius, prædixit. Ad Magnesiam etiam idem Rex cum Romanis pugnaturus cum Equites transueheret, exercitum, que lustraret, et aciem illam instructissimam, et ornatissimam ostentaret, putas ne, inquit, conferri posse, ac satis esse Romanis hæc omnia? satis plane? Rex satis esse credo Romanis hæc omnia, etiam si ad rem audisim sine. Rex Prusia, cum apud eum Annibali etiam exsulanti pugnare placeret, negabat se audere, quod extra prohiberent. An tu, inquit, carucula uitulinae manūs, quam Imperatori ueteri credere? Vno eodemque tempore Alabias, et hostis patriæ iudicatus, et prouincia spoliatus est, ad Lacedæmoniosque confugit uindicandæ iniuriæ causa, que non à patriâ, ut dicebat, sed ab improbis ciuibus ei fiebat. itaque eos impulit, ut aduersus Athenienses cum Persarum Rege amicitiam, fœdusque sancirent, Deceliam castellum in Attica munirent, præsidioque impedito intercluderent commeatus Urbis, locaque frumentaria occuparent. Deim plebiscito restitutus patriæ imperium locupletauit, dignitatem auxit, nomen ornauit. quod certe non euenisset, si exsul fractum animum, et temporibus consentaneum habuisset. Neque uero Themistocles singulari uirtute, et gloria ciuis animum despondere uisus est, cum bonis suis publicatis, se insuper exsilio multatum esse cognouit. imò ad Artaxerxam Persarum Regem se contulit, cuius patrem ad Salamina insulam memorabili clade afflixerat, ad bellumque ingratae patriæ inferendum hortatus est. Sed paulopost uir ille ad dignitatem, et gloriâ natus conatum iracundiæ suæ morte sedauit, cum tamen Artaxerxa illius auctoritatem secutus innumerabiles copias teræ, marique contraxisset, cum quibus in prouinciam exiturus erat. Ornatissima Isocratis oratio exstat ad Nicoclē filium de laudibus Eua-goræ patris Regis Cyprij, quam græcâ Patriâ hortatu pu-

er mira auiditate edidici una cum tribus alijs eiusdem eloquentissimi scriptoris orationibus de institutione uitae ad Demonicum, de regno administrando ad illum ipsum Nicoclem, de officio socij, et ciuis erga Regem suum. Memini igitur edidicisse Euagoram, & quidē priuatum Salamne pulsum in Syriam transfuisse ad Solosq; in Ciliciam uenisse, unde quinquaginta tantum lectissimorum iuuenum manu comparata mox in insulam transijt, noctuq; Regiam ingressus, quae Salamni erat, hostes interfecit, patriam recuperauit, ac regnum sibi constituit, illudq; opulentissimum filio Nicocli reliquit. quod tamen intra paucos annos amisit. cum enim prorupisset in omne genus intemperantiae, ac libidinis ab amicissimis obructus est. Nec Romani nostri in hoc uirtutis genere Graecis ullo modo cesserint. C. quidem Caesar a praedonibus captus, cum custodiretur, illos in crucem se acturū minabatur, si liberaretur. nec Caesar exsul erat, sed captiuus. M. Brutus cū magis animatus, quā paratus consilium inisset de interficiendo Caesare, quae tormentorum, & cruciatuum genera sibi ante oculos non ponebat. patriae perturbationem, uincula, carcerē, uerbera, eculeum, unum, scalas gemonias, & quamuis aliam sui corporis carnificinam. quod si haec mala euitasset, perpetuum exsilium sibi necessario suscipiendum esse prospiciebat. Sed quæso audite quā nihil summus ille uir angoribus se dederit, & quā moderate, et tranquille, cum a patria abesset, se gesserit. nam ad Ciceronem scribens haec planē uerba usurpat. Antu Romae, inquit, habitare id putas incolumem esse? res, non locus oportet praestet istuc mihi. neque incolumis fui, Caesare uiuo, nisi post, quā illud consciui facinus, neque usquam exsul esse possum, dum seruire, & pati contumelias peius odero omnibus alijs malis. sed quem plane Zenonem? aut Diodorum? aut Hecatonem? aut Panaetium? aut illius discipulum Possidonium? aut alium constantissimum Stoicum desideramus? cum illius ipsius haec audimus uerba ad Atticum scripta. Nimū, inquit, timeamus mortem, & exsilium, & paupertatem. Idē etiam pulcer

MEDICES LEGATVS.

rimum de uirtute librum ad Ciceronem scripsit, quo quidē
 testatur satis hoc esse in exsilium euntibus, quod liceat uirtu-
 tes suas ad eum locum ferre secum, ad quē migraturi sint.
 Neque uero Eulogium illud præteribo, quo in eodem libro
 prosecutus est Marcellū Mitylenis exsulantem. Marcum,
 inquit, Marcellum Mitylenis exsulantem uidi, & quantum
 modo natura hominis pateretur, beatissime uiuentem, neque
 unquam bonarum artium cupidiorē, quā illo tempore,
 ac propterea uisus mihi sum magis in exsilium ire, qui si-
 ne illo rediturus essem, quā illum in exilio relinquere.
 Memoria quoque arbitror uos tenere multas Ciceronis epi-
 stolas, quibus hunc ipsum Marcellum hortatur, ut in patri-
 am redeat, cuius compotem C. Cæsar illum prolixē, liben-
 terque fecerat, cum tamen illa ipsa facile, & æquo ani-
 mo careret, nihilq; sollicitus esset de impetu prædonum in
 fortunas suas. Nūc uero, inquit Cicero, nec locus tibi ullus
 dulcior esse debet patria, nec eam diligere minus debes,
 quod deformior est, sed misereri potius, nec eam multis
 claris uiris orbatam priuare etiam aspectu tuo. Denique
 si fuit magni animi non esse supplicem uictori, uide ne su-
 perbi sit aspernari eiusdem liberalitatem. Et si sapientis est
 carere patria, duri non desiderare, etsi rep. non possis frui,
 stultum est nolle priuata. Videbat Cicero illū se in patri-
 am inuitare, qui existimabat nihil esse dulcius otio litera-
 to. At quas literas colebat Marcellus? Nempe nō eas, quas
 nūc animaduerto à Grammatistis quibusdam Romæ so-
 las arripi, & ostentari, sed planē eas, quibus infinitas re-
 rum, atque naturæ, & in hoc ipso mundo cælum, terras, ma-
 ria cognoscimus, quibus etiam docemur uulgares honores
 contemnere, opes pro nihilo ducere, tempori, & necessitati
 parere, et animum contra omnes fortunæ ictus inuictum
 obtinere. Polynices etiā matri refert generis, et familiæ
 nobilitatem nihil opis sibi attulisse, quam ob rem egiisse, do-
 mesticisq; incōmodis ualde conflictatum uixisse. Id qui-
 dem uirtum fuit exsulis, non exsilij. natalium enim splen-
 dor, nisi comitem habuerit uirtutem, & industriam, nō plus
 prodest

prodest eum obtinenti, quàm cæco, speculum, aut surdo, tibicen, aut in terra habitanti, clauus, aut gubernatori nauis, aratrum. Quid? quod complures ueterum memoria excellenti ingenio, & doctrina uiri, summoq; loco nati, patria simul & domesticis commodis non caruerunt. imo publicis patriæ muneribus uacui & commode uixerunt & sui otij opera multa reliquerunt, quod tamen minus fecissent, si in patria illis uiuere contigisset. Thucydides Athenis familia nobili, & honorata ortus cum prætorio imperio classi præesset, accusatus est, quod remp. male gessisset. nam Amphipolis ab imperio Atheniensi desauerat, exilioq; multatus in Scapten siluam in Thracia, uel, ut alij scribunt, in Aeginam insulâ secessit, ubi maximam bonorum omnium beneuolentiam obtinens ornatissimam illam rerum Atheniensium historiam scripsit. in qua quidem eodem quasi classico eloquentiæ usus mihi uidetur, quo res ipsæ ab Atheniensibus gestæ sunt. Pari etiâ fortuna afflictus est Xenophon è Socratica schola profectus, uir sine controuersia cum foris clarus, tum domi admirandus. Etenim post militiam, qua cum Cyro minore perfunctus est, patria exturbatus ad Lacedæmonios se contulit, à quibus honorifice exceptus, liberaliterq; tractatus, denum Scillunte oppido est donatus. quo loci quietissime uixit, otiumq; suum præclarissimis monumentis illustrauit, quæ posteritati etiam religit. Pausania rerum Græcarum indagator perdiligens tradit eundem ipsum Xenophontem, dum Scillunti esset magnifico apparatu edificasse templum Dianæ Ephesiæ, eidemq; lucum adiecisse. Laus quoq; testimoniij, & iudicij tribuenda est Aeschini oratori qui propter ignominiam iudicij cum Athenis cessisset, & se Rhodum contulisset uisus est e' Parræo Atticam eloquentiam in Asiam prouehere. nam eo magistro Rhodij complures adulescentes ommissis cæteris studijs ad laudem dicendi exarserunt, & sese cotidianis commentationibus acerrime exercuerunt. atq; inde ortum est genus dicendi Asiaticum, quod usque ad ætatem Cæsarium nostrorum uiguit. Magni etiam illi habiti sunt honores, amplissima que uirtutis præmia

MEDICES LEGATVS.

decreta. Ergo uir hic summus, ut uidetis, aduersos casus sapienter tolerauit, fortuna fractus non est, & in rebus asperis dignitatem retinuit suā. Nec multo etiam post Demetrius Phalerads Theophrasti auditor, princepsq; Atheniensis cum patria eiectus esset iniuria, ad Ptolemæum se Regem Alexandream contulit, qui hominis ingenium, literas, & constantiam admiratus honorificentissima studia, & officia in eum, quamuis exsulem contulit. ac propterea auctor fuit, ut tantus princeps pristinam fortunam non desideraret, multaq; mirabiliter scriberet. Comperi etiam memorie proditum in Stobæi Eclogis eundem ipsum Demetrium suadere solitum Ptolemæo, ut multos codices compararet, & legeret, qui essent de regno, & principatu scripti, quādoquidē in illis reperirentur notata ea, quæ amici nō auderent Regibus libere dicere. Omnino optimo cuiq; Athenis accidere solitum erat, ut in exsilium proijceretur, quem morem nostris etiam temporibus à pluribus ciuitatibus seruari uideo. Innocentius. VIII. Pont. Max. meo potissimum rogatu Hermolaum Barbarum Venetum Aquileiensib. sacris publice præfecit. hunc ego summa obseruantia colui, hominisq; tum summo ingenio, summaq; industria, tum studijs, ac omni doctrina magnopere delectabar. & eo magis quod intellegebam illum tantarum uirtutum laude, & patriæ, & Italiæ & Reip. nostræ esse ornamento. Ante quidem in Urbem à Venetis missus legationis munereungebatur apud Pont. Max. et nos summi ordinis Antistites. Deī exsilio affectus est, quod eiusmodi sacerdotum Aquileiense suscepisset sprete auctoritate, ut dicebant, sui Senatus. Ne uinam, si acceptior nobis non erat, & nescio quo pacto admirabilior illius privati uirtus nobis non uidebatur, quā ante cum publicam personam gereret, ac tanti Senatus res procuraret. quā ob rem multum honoris ei privato deferrebamus, quod intellegebamus sapientiæ, grauitati, constantiæ, moderationi animi illius totum id deferri oportere, magistratum autem gerenti cum honorem habebamus, Senatui dūtaxat Veneto, à quo legatus missus erat,

P R I O R

erat, nos honorem habere suspicabamur. Exsilium igitur Barbaro non solum calamitatem detraxit, sed etiam dignitatem auxit. quod quidem ita constanter, moderate que ferebat, ut facetissime iocaretur, Musas illud sibi à patria impetrasse, quoniam ægre ferrent hominem suis sacris initiatum ambitione vulgarium honorum distineri, & plebeis occupationibus impediri. Itaque plura scripsit biennio exsul, quàm. XX. ante annos, cum patria frueretur, & honoribus illius florentissimus esset, Recognitionem erratorum Pliniani codicis, explanationem librorum de anima Aristotelis, cum tamen ante eiusdem Philosophi libros talis argumenti in latinum conuertisset, & XVI. libros de ratione differendi, ueteres Peripatetici organon eos appellant. & V. Rhetoricos, & unum Poëticum, octo que Dioscoridæ Medicos, quos alio etiâ opere instruxerat, quod Corollarium inscribebat. Adiecerat quoque pulcerrimam expositionem ad libros Analyticos posteriores Aristotelis ante in latinum tralatos. Et hæc quidem omnia adhuc diligentissime asseruari uidi à fratribus illius, cum sedecim abhinc annos Venetijs Bybliothecam illius excuterem atque incredibili sum lætitia elatus, cum cognoui doctissim, amantissimique hominis elucubrationes non intercidisse, quod ne euenisset, magno pere uerebar, cum in suburbano Oliuerij Caraphæ Collegæ mei ex pestilentia obisset, & domestici, intimique familiares fuga salutis suæ consulissent, omniaque tanquam bona aduoca in medium reliquissent. sed eius generis scripta ab interitu, & facto uindicata fuisse narrabant Zenotelis cuiusdam opera, quem ille habebat ad manum. Solebat autem per sepe mihi recitare, quæ ex Aristotele faciebat latina, iudiciumque exquirebat meum, quod sic tamen interponebam, ut perspicere posset placere mihi suam industriam, et disciplinæ peripateticæ intelligentiam, quæ præcursaria est homini in tali scribendi genere uersanti, nõ satis autem probari dicendi rationem, qua in sententia Aristotelica exprimienda utebatur. Sed hoc illius ætatis fuit uitium, ut à puritate latinæ lingue abhorrerent. In ore quidem uiget

MEDICES LEGATVS.

Hermolaus, ut uidetis, ob miram hanc constantiæ laudem, sed nullius tantum est flumen ingenij, nulla dicendi, aut scribendi tanta uis, tantaq; copia, quæ enarrare possit quàm Iuannes Franciscus princeps Mirandulanus in omni re se præbuerit, quæ ad uirum constantem, magnanimum, et inuictum, pertineat, quamq; se præstiterit dignum omnibus laudibus, quib. homo sapiens decorari soleat. quarum præcipua hæc est, illum turpitudine, non casu, non inuidia, non aliorum iniuria commoueri debere. Miradulano Principatus excidit, annos octo eo caruit, Italiã, Galliã totam, Germaniã totam, & maximã Daciæ partem exsul pagrauit, nec tamen interea unquam literarum studia intermisit. Itaque commentando, scribendo, docendo amissi Principatus dolorem leuauit, & in philosophia quasi tabernaculo uitæ suæ collocato, ostendit, plus a uirtute sibi datum esse, quàm fuisset a fortuna ablatum. Ne multis. Iulius ipse Pont. Max. admiratus tam inusitatam, inauditamque constantiam, tantam in domesticis erumnis perpetiendis facilitatem, & animi æquitatem, tam denique incredibilem sapientiam, ac penè diuinam primus afflicto, & iacenti Pontificiam fidẽ, dextramque porrexit, illumque non dicam diffidentem rebus suis, sed timentem confirmauit, & afflictum recreauit. Siquidem excogitauit quemadmodum calamitatem hominis non modo leuaret, sed etiam honestaret. Quid enim magnificentius? quid gloriosius illi poterat contingere? quàm suarum copiarum præfectis mandare, ut primo quoque tempore eum ipsum principatui restituerent suo, auctoritateq; sui imperij saluum præstarent. quod cum tardius effici uideret ob uarias Ducum uoluntates, ille ipse Pontifex in castra se contulit, rebusq; gerendis præfuit, atq; Principem nostrum, non multo post patriæ, principatui, & Musis reddidit suis. quo facto nimirum testatus est, ad officium boni Pontificis pertinere, Italiæ Principes tueri, subleuare, ornare, non tollere, & opprimere. id, quod cum magna omnium Italorum clade superiorib. annis ab Alexandro VI. fieri uidimus. quanquam huius generis officia ab illo expectanda

expectanda erant, ut à Pontifice Maximo, & Christianæ religionis Principe, non ut ab Hispani generis homine, cuius proprium est rationib. & commodis Hispanorum consultum uelle, non Italicorum. Vulnera quidem nostrorum hominum non refricō, sed apparent, nec oculi possunt. Et fortasse maiore supplicio digni uideri poterunt nostri Itali, qui sanctissima Italiae templa, & tecta non patriam, sed prædam putantes animum tam ferocis Pontificis incitauerunt ad perturbandam Italiam, idque armis transalpinarum gentium, quæ ultro, nedum inuitatæ Italiam inuadere capiunt. Equidem, ut de meo officio aliquid etiam nunc dicam, à principio studebam non nimis uobis uideri in referendis exemplis ueterum, & recentiorum, qui hac constantia laude insignes fuissent. ac propterea ab longiore enumeratione eorum super sedendum censebam, satisque esse existimabam si magis insignium uirorum exemplis probassem, hominis sapientis fortunam miseram omnino esse non posse in exilio, et procul à patria. Sed tamen cum obseruassem nonnullos e ueterib. Christianæ religionis auctoribus magis tali genere uirtutis florere, quam huiusce religionis expertis, impie uiderer mihi facere si illos silentio præterirem. Accedit etiam, quod nos ei Religioni præsumus, quam illi ipsi & accurate sunt interpretati, & sua honestissima uita illustrarunt. ita ut necesse habeamus nomen, & uirtutes illorum prædicare, & facta ac dicta ad imitandum proponere. Atque ex eorum numero primus occurrit Iuannes Christo Deo nostro & cognatione, & familiaritate coniunctus, qui idem princeps Theologus appellatus est. hic autem in Patmo insula exsul Theologum non libros conficit, unde reuocatus uitam, mores, instituta, facta Christi memorie prodidit. quam Historiam sæpenumero inter sacra magna cum ueneratione astanti populo legimus. Chrysostomus etiam in Cocysum Cappadoeæ oppidum ablegatus sacras literas, & recentioris Theologiæ disciplinam ab Eusebio acceptam, auctamque per sese uir ingenio præstans, omni que doctrina, plurib. & illustriori-

MEDICES. LEGATVS.

bus literis explicauit. Nefas autem esset præterire Grego-
rium Nazianzi ortum, uiculus is est in finibus Cappado-
ciæ, qui præclarissima sua doctrina non solū de suis Græ-
cis bene meritus est, sed etiam de nostris Latinis. nam hunc
Hieronymus noster suum agnoscit præceptorem. Sed tamen
de maximo Byzantij sacerdotio deiectus, atque urbe exter-
minatus, uicum ignobilem delegit, ubi interiret. Hoc quidē
nemo ē Christianis sacerdotibus plura et uersu, et soluta
oratione scripsit, et maiore cum libertate. Iulianum enim
Cæsarem Byzantium in Christianos inuadentem et scri-
ptis, et auctoritate repressit. Eunomianos in Christi Maie-
statem illudentes multis, grauissimisque orationibus fregit.
Religionis auctoritatē, quæ a falsis interpretibus, uulgo hæ-
reticos appellant, egregie tutatus est. Vtinam incorruptam
græcæ linguae integritatem seruasset in tanta rerum silua,
et tam magna librorum ui, certe sanctissimum illum Pon-
tificem omni laude cumulatum iudicaret. adest enim in eo-
dem ipso grauitas cum comitate, doctrina cum iudicio, co-
pia cum uarietate, sanctitas cum sapientia. Ex illius maxi-
me scriptis Barbariem irrepsisse in Theologiam latinam ar-
bitror. nam ueteres nostri interpretes mediocris literaturæ,
nullius fere iudicii homines, cum animaduernerent Theolo-
gum hunc frequenter usurpare uoces quasdam nouas, easque
non satis apte fictas, necesse sibi esse crediderunt illas latine
reddere. atque hunc in modum sordida barbarie est lin-
gua latina infusata, quam in dies nitidiorem frustra, ut ui-
deo, reddere conamur, tot imperitis aduersantibus, tantaque
copia malorum scriptorum repugnante. Audiebam etiam
puer ex Demetrio Chalcondyla græcarum rerum peritis-
simo Sacerdotes Græcos tanta floruisse auctoritate apud Cæ-
sares Byzantios, ut integra illorum gratia complura de ue-
teribus græcis Poëmata combusserint, in primisque ea ubi
amores, turpes lusus, et nequitiae amantum continebantur,
atque ita Menandri, Diphili, Apollodori, Philemonis, Ale-
xis fabellas, et Saphis, Erinnae, Anacreontis, Minervæ,
Bionis, Alcmanis, Alcei carmina intercidisse. tum pro his
substituta

substituta NaXanZenī nostri poemata, quæ etsi excitant animos nostrorum hominum ad flagrantiorē religionis cultum, non tamen uerborum atticorum proprietatem, & græcæ linguae elegantiam edocent. Turpiter quidem Sacerdotes isti in ueteres græcos maleuoli fuerunt, sed integritatis, probitatis, & religionis maximum dedere testimonium. Cyrillus quoque sempiterna laude uidetur decorandus, qui leuissime suū in Naxo insula exsilium tolerauit, idq; Principatu Magni Constantini apud quem postea tanta gratia, et auctoritate ualuit, ut cum bona eius uenia complura ueterum Deorum simulacra subuerterit, quo defuncto cum potestas rerum omnium penes Iulianum esset, illius iussu dissectus est, mandauitq; insuper crudelissimus Tyrannus, ut purpurati sui uiscera sanctissimi, & innocentissimi hominis epularentur. Et hi quidem Græci homines quanquam iniurie à suis uel ciuibus, uel principibus damnati, expulsiq; sunt, tamen, quia ciuitates suas maximis beneficijs affecterunt, in tanta hodie gloria sunt non in Græcia solum, sed etiam apud nos, atque in cæteris teris, ut eos, à quibus illi oppressi sunt, nemo nisi cum ignominia nominet, atque etiam afflictam horum ipsorum fortunam potentiae, dominationi, uictorijs et trophæis illorū præponat. Superst Poëta eximius Homerus, idemq; literarum princeps, cui respondemus multa de suo Vlysse canenti. Hic enim cum uirum sapientem informaturus esset, Vlyssē, ut scitis, delegit uel cinem suum, quod uideo Græcos quosdam sentire, uel amicum, quem hoc genere uirtutis præ alijs excellere ostenderet, quod constantiam omni tempore tutatus esset, & in diuturna illa erratione memoriam patriæ semper conseruasset. Induxit autem illum ipsum apud Alcinoū commemorantem erumnas, quibus conflictatus est, dum domum, & ad lares familiares redire uellet, necessitudinesque grauissimo casu percussas subleuare cuperet. itaq; hæc pronuntiat.

Cernere nil aliud patria incandius unquam
Ipse queam -

MEDICES. LEGATVS.

Ac tanti quidem ipse Vlysses suam illam patriam Ithacam faciebat, quæ tamē quasi crepido montis ē scopulo prominebat, aut quasi nidulus quidam affixus erat asperimis saxulis, ut non dubitauerit delatam repudiare immortalitatem. Quid? quod Minerva audet apud Iouem testatum relinquere Vlysses suum mortem nullo modo esse deprecaturum, si patriæ dulcissimæ funum tantummodo aspiceret. atque sic ait.

Quin etiam patriæ funum si cernere possit,
Continuo sapiens uitam exhalabit Vlysses.

Ad patrij igitur funi aspectum sapientissimus Heros mori uolebat. nam patriæ se totum dediderat, et in eandem ipsam omnes curas, cogitationes que contulerat, et omnia sua quasi consecrarat. Eadem huic tanto auctori tanquā obsignatis tabellis litem retorquendam puto, et testificandū quid senserit aliquando, aut egerit. Fingit enim Heroem illum, quem ornandū suscepserat, nihil magis in optatis habere, quā patriam repetere, cum ipse tamen Poëta nec patriam ullam agnoscat, nec in certa urbe consistere uoluerit, sed potius circulatoriam quandam uitam agere, omnemque patriæ suppressere mentionem. quod item causæ fuisse arbitror, quā ob rem tantæ contentiones ab urbibus Græciæ, et Asiæ susceptæ sint de ortu illius. Et diuinus quidē ille uir Plato humanæ sapientiæ summus magister, et auctor, non ne Homeri dignitatem oppugnat? et uoluntatem suam ab illius uita abhorreere ostendit? cum tamen ante eundem ipsum, ut Poëtam mirum, et cælestis ingenij uatē auctoritate iudicij sui, et beneuolentiæ testimonio ornasset. Est enim, ut scitis, in priape pagina decimi libri de rep. his ipsis uerbis loquens Socrates. De alijs quidem nullam, inquit, exigamus rationem. sed de Homero, aut de alio quouis Poëta sciscitemur num eorum quis Medicus fuerit, non uerborum disintaxat medicorum imitator. Ecquos enim morbo liberauit Poëta de ijs, qui ueterum memoria, aut nostra uixerunt? ut fecisse dicitur Esculapius, aut quos medicæ facultatis discipulos reliquit, ut liberos ille suos? sed neque molesti

molesti illis fuerimus de aliarum artium genere quæren-
 tes, atque ita missos illos faciamus. quin potius de maximis
 illis, et præclarissimis rebus, quas idem ipse Homerus ex-
 ponit, ut de præliis, de exercitiis, de rerum pub. administra-
 tione, de hominum institutione, operæpretum est ad hunc
 fortasse modum hominem interrogare. O' suauissime Home-
 re nisi tertius à ueritate es, atque simulacrum uirtutis fin-
 xisti, quem quidem artificem, imitatore supra descripsi-
 mus, sed plane secundus es, potesq; perspicere quibus insti-
 tutis tum publice, tum priuatim homines boni, aut prau-
 sunt, cedo quæso ecquæ res per te rectius constituta, tempe-
 rataque sit? ut per Lyærgum Spartana, et per alios mul-
 tos, parua complures ciuitates, et amplæ. atque etiam quæ
 nam ciuitas te eum agnoscat, qui prudenter leges sanxe-
 ris? et sibiipsis præsidio fueris, ac ornamento? Italia qui-
 dem, et Sicilia Charondam agnoscat, et nos Solonem, te
 autem quis poterit testari talem fuisse? Neminem plane, in-
 quit Glauco, arbitror esse, qui ita de Homero statuatur. Tū
 Socrates. Nec id quidem ipsum, inquit, ab Homeri studio-
 sis affirmatur. Sed quod nam bellum susceptum Homeri tem-
 poribus memoratur, quod eo suasore, aut certe Imperatore
 feliciter gestum sit? Hic ille. Nullū inquit, profecto. Tum
 Socrates. Quæ nam multa, inquit, consilia huius et saluta-
 ria, et hominis rerum prudentis commemorantur data uel
 ad artes excolendas, uel ad munera uitæ obeunda? ut Tha-
 letis Milesij, et Anacharsis Scythæ. Tum Glauco, Nul-
 lum, inquit, sane tale. Hic Socrates. Et quanquam, inquit,
 Homerus publice neminem docuit, priuatim tamen uiuus
 quibus nam institutionis dux fuisse dicitur? ijs inquam, qui
 cum homine familiarissime coniuncti fuerunt? et poste-
 ris uiam aliquam Homerice uitæ indicarunt? quemadmo-
 dum Pythagora ille hanc ob causam mire cultus est, et
 adhuc etiam alumni uitæ illius instituta prædicantes clari
 inter alios, insignesq; sunt? Et Glauco. Nihil, inquit tale
 de homine celebratur. Creophilus enim o' Socrates Home-
 ri necessarius, si rationem habeas disciplinæ, magis ridi-

MEDICES·LEGATVS.

lus apparuerit, quàm nomen sit. dummodo quæ de Homero feruntur uera sint. dicunt enim remissiore animo coluisse Homerum, quoad apud illum uixit. Hic Socrates. Certe, inquit, rumor talis manauit. Sed credin Glaucō si reuera Homerus poterat homines erudire, cultioresq; reddere, ut qui posset hæc ipsa nō imitari, sed nota habere illū, multos implicitos consuetudine sua, & beneuolentia studiosos homines habiturum fuisse? à quibus, & coleretur, & honore afficeretur. Enimuero Protagora Abderita, & Prodicus Ceus, & alij plerique possunt æqualibus suis suadere si eos conuenerint, illos neque suam ipsorum patriam posse præclare administrare, neque rem familiarem tueri, nisi eorum disciplinam sequantur, & propter istiusmodi sapientiæ genus tanto studio obseruantur, ut paulum absit, quin à familiaribus suis capite gestentur. An Homerum, & Hesiodum si hominibus adiumentum afferre potuissent, æquales illorum permisissent ita uagari carmina cantantes? & non magis illos admisissent, quàm aurum & argentum? & cōegissent secum domi esse? atque nisi eos in sententiam suam adduxissent illos ipsos nimirum quocunq; ire contigisset prosecuti essent? quoad illorum animi satis ad humanitatem, & uirtutem informati euasissent. Quāquam autem Plato sapientissimus uir Græciæ, longē que doctissimus de maximis Poëtis Homero, & Hesiodo literarum monumentis hæc prodidit, Pausania tamen utriusque Poëtæ uitam à maledicentia uindicare studet. Hesiodus inquit, & Homerus uel fortuna cum Regib. consuetudine deuincti nō fuerunt, uel certo consilio eam contempserunt. alter quidem ob subagrestem naturam, & errationis tædium, sed alter ob longissimam peregrinationem, & iudicium, quo nominis sui gloriam apud multos, prætulit commodis, quæ à Principibus expectari poterat. At noster Vergilius Romæ consistens pleraque & mente prouidit, & auctoritate probauit, & oratione persuasit. quāpropter nomen suum non modo singulari illa faciendorum uersuum laude immortalitati commendauit, sed etiam grauiissimus, ac sapientissimis consi-

lijs, quæ cum alijs plerisque, tum ipsi potissimum Augusto orbis terrarum principi dedit in rep. administranda, et dignitate sua retinenda. ac propterea gratus, iucundusque tanto principi fuit, et admirabilis uniuerso Populo Romano. Nec in morem circulatoris peragrauit Græciam, et Asiæ carminibus cantandis, ut Homerus, et Hesiodus, sed Romæ, ut dixi, permanens, quæ una in omnibus teris domus est uirtutis, imperij, et dignitatis, maxima suæ uirtutis præmia est consecutus. Quinetiā ille uictor gentium, princepsque terrarum Populus ei uersus suos in Theatro pronuntianti uniuersus assurrexit, et fortasse hominem præsentem aequè ueneratus est, ac principem suum Augustum. Veruntamen, ut ad Homerum redeamus, tantum Poëtam suscepti operis argumentum excusare potest, si non defendere. nam si dolor, quem ex orbitate patriæ capiebat Ulysses, cito mitigari potuisset, filium profecto, quod diuinus ille uates ex admirabili suo ingenio ducebat in tam magnam Poëmatis texturam, cito rescissum fuisset. ob eamque rem dolorem eiusmodi nulla consolatione leniri, nullaque uetustate tolli posse fingit. imò et sensu præsentis miseriæ, et recollectione præteritæ uitæ magis, atque magis recrudescere ostendit. Accedit etiam, quod quadrigas illas Poëticas, quas uel natura, uel celestis quidam instinctus, uel diuini furoris afflatus suppeditabat, non sic longe, lateque agere potuisset, nisi Ulysses uagantem, naufragoque iactatum, et tot insidijs circumuentum proposuisset. Itaque locus maxime datus est tantis Deorum consilijs, tantis Telemachi peregrinationibus, tantis procorum dolis, tantis ipsius Herois agitationibus. Præterea nisi extoris ille fuisset, nulla sanè facultas Alcinoë suppeditasset audiendi mira illa de uarijs locis, de Urbibus, de hominibus feris, et iniustis, de moribus populorum, qui humani, et hospitales, qui contra immanes, impij, scelerati, impuri, et nefarij essent. Nec creditum illum memorabilem in patriam cecinisset Poëta cum tanta simulatione, et dissimulatione Herois, nisi arbitratus esset pulchram illam tam uariarum rerum expositionem edocere nos

MEDICES·LEGATVS.

posse quantæ latebræ in animis hominum sint, & quanti recessus, & quàm multa perfidiosa, insidiosa, & fallacia in quorundam amicitia cotidie reperiantur. ob eamque rem Alcidas orator apud Græcos in primis acutus, & disertus Odysseam Homericam pulcerrimum humanæ uitæ speculum appellabat. Et, ut tandē ad nos redeam, omnia Iuli in nostram domum eadem inuidorum fâces per omnē ingrati animi uim, atque incendium exarserunt, quæ in tot præstantes uiros, quos ante enumeravi. Quod si illi æquo animo à patria absuerunt, nihilque aliorum iniuria commoti sunt, quanto fortius pugnare debemus contra fortunam nos in hoc quasi certamine prosternere conantem? quippe qui religione christiana imbuti simus, quæ constantiam in tristissimis rebus nos retinere iubet, in florentissimis moderationem, ac temperantiam. Iâ uero non satis exempli id nobis afferre potest, cuiusque uirtutis excellentiam semper sui inuidia laborare? quod ille ipse Christus Deus, qui mortalis esse uoluit, ut nos & religione sua ornaret, & sapientissimis consilijs, ac præceptis instrueret, ab ijs omni crudelitate laceratus est, quorum uitæ, & salutis, & gloriæ immortalitati præcipue consultum uolebat. Nihil igitur perturbatiore animo esse nos oportet, si cū maiores nostri, & nos etiam ipsi faciles, propensiq; semper fuerimus ad conferenda in ciues nostros beneficia, illos ingratos, ac illiberales experiamur. Nec uero hoc dico, ut statuam uiri magnanimi esse beneficium ferere, ut metere possit fructum, id enim scenerari est, sed ut intellegatis hominem sapientem semper lactari debere collato beneficio, non semper autem dolere, si nulla referatur gratia. Deniq; uolūtatis beneficæ neminem poeniteat, etiā si illa in eā patriā utatur, è qua postea exturbetur, q̃a multo gloriosius est beneficium esse, & dici exsulem, quàm uel maleficium, uel ingratum manere domi, et suæ ciuitatis principem esse. Caput illud est, ut robore animi sepi simus, exsiliūq; ibi esse putemus, ubi uirtuti non sit locus. atq; etiam exsules illos iudicemus, à quibus constantia, grauitas, sapientia,

et animi magnitudo exsulat. Et, quod ad nos attinet, quā-
diu prauæ cupiditates animum nostrum ab recta ratione
non detorserint, quanquam patria Florentia carebimus,
nunquam tamen exsulabimus. quoniam eos uere in patria exsu-
lare, uagari, errare putabimus, qui ambitioni, et furori suo
seruientes, iustos, beneficos, amantes patriæ cives eiecerint.
Quinetiam omni adseueratione affirmabimus Euripide-
um illum Polynicem locutum esse, ut tempus, et necessitas
postulabat. et si res coget, eundem ipsum deridebimus, atque
probabimus sapientem non paupertatem extimescere, quo-
niam si auaritiā homines in eum exercuerint, terra præ-
sto erit, quæ largissime sua fundit bona. De infamia eti-
am laborare non oportere, quia satis ei est conscientia re-
ctæ uoluntatis frui, nec maleuolorum rumusculos, et inuido-
rum uoculas aucupari. nihil præterea, quod seruire est, et
demissum præ se ferre, quia minime decet hominem tem-
perantem ita alterius fortunam adulari, aut admirari, ut
suae ipsius illum suppudeat. Nec item quicquam ad alio-
rum libidinem uel dicet, uel faciet, quoniam intellegit se
ducem uirtutem sequi, non impuritatem, et flagitia alio-
rū. Denique animo semper sic excubabit, ut ei nihil impro-
uisum accidere possit, nihil inopinatum, nihil omnino nouū,
atque ita nec amicis carebit, nec hospites magnopere deside-
rabit, et pecunias, ac potentiam aliorum non admirabitur.
Solutus igitur sapiens magnus est, solus potens, solus fortuna-
tus solus suus est, solus etiam peregrinator in certo consistit
loco, solusque exsul in patria uersatur, et eam uel absens
sua uirtute illustrat. Ad summam sapientis est quicquid ho-
mini accidere possit præmeditari, si euenerit, ferendum esse
modice. summæ autem sapientiæ, singularisque consilij est pro-
uidere, nequid tale eueniat, et ingruenti calamitati occurrere.
animo uero eximij, fortiter, ac patienter ferre, quicunque
casus inciderint, atque motum fortunæ quamuis uehemen-
tem, et grauem sua firmitate et constantia tanquam flu-
ctum saxo frangere. Habetis sermonem longiorē omni-
no, quam ab initio suspicabar, sed certe non longiorem, quā

MEDICES. LEGATVS.

neceſſe erat, gaudeoꝛque magno pere in tanta rerum copia,
nihil ferè ex ore mihi excidiſſe, quod extra cauſam dictu
uideri poſſit, idꝛque ſentio, cum animum ad ea refero, quæ
oratione ſum mea complexus. Quanquam autem intellego
nunc primæ duntaxat cauſæ me ſatiſfeciffe, rationesqꝛ
ferè omnes explicaffe, quæ illam ratam facere poſſent, nun
quam tamen exiſtimabo me partem obiffe meas, niſi ſenſero
uos in oratione acquieuiſſe mea. acquieuiſſe autem tum iudi
cabo, cum cognouero uos animum ab iſta exſilij moleſtia, et
tanto patriæ deſiderio penitus abduxiſſe. IV L. Oꝛ di
em nobis optatum. oꝛ diè fauſtum. oꝛ tempus magna cum tua
laude, maiore cum noſtro fructu poſitum. oꝛ conſtantia pro
miſſi, et fidem miram. Quod enim nec clarorum uirorum
exempla, nec diſciplina, et præcepta doctiſſimorum philo
ſophorum, nec longa, accurataꝛque lectio commentariorum,
qui hac de re ſcripti ſunt, in me efficere potuerunt, id tu ſa
pientiſſime Patruelis hoc breuiſſimo tempore effeciſti, ut exſi
lij aſperitatem ſentirem mihi duram non admodum eſſe,
nec tantorum incommodorum uim grauiter me premere.
Sed dulcem, et optatum patriæ amorem nihil reſtrixiſſe
ſcias, quæ tamen uelim potius exiſtmes miſerabilem, quàm
ineptum. cum enim honores conſidero, quos non uulgares
omnes mihi deferunt, facile patriæ memoria ſubit, in qua
illi omnino illuſtriores eſſent, ſi mihi in eadem ipſa agenti
deferrentur. Quod ſi mihi homini non multum ambitioſo
carendum patria, et patriæ honoribus in perpetuum in
tellegere, dolore quidem maximo angerer, ſed propterea
non quæ mea ſunt, mihi adempta eſſe dicerem, ſed aliena.
et ea planè, quæ ſunt in fortunæ temeritate, et hominum
uoluntate conſtituta. Veruntamen neceſſariorum abſentium
mœror ita me lacerat, et conficit, ut uitam uix reliquam fa
ciat, in primisqꝛ Iuanniſ Saluiati ſororis tuæ filij, quem na
tura et cariſſimum propinquum nobis dedit, et excelſum,
ac magnum formauit ad honeſtatem, ad prudentiam, ad
literas, et ad omnem uirtutis laudem. Denique ille maxime
aptus eſt ad ueſtigia illa perſequenda Iuane, quibus ad

honorem istum maximum contendisti, atque etiam dignus præter ceteros mihi uidetur Laurenti, quo Consobрино gloriare, ut uirtutum tuarum studio, et in domestica gloria augenda æmulo. LAUR. Est omnino, quod plurimum læter saluiatum nostrum nõ languidiore studio uersari in retinenda dignitate familie nostræ, conarique etiam, ut laudem nobilissimi generis sui industria, et uirtute magis, atque magis illustret. Quod autem, inquis, mearum illud esse uirtutum studiosum, et cupidum, atque etiam me ipsum æmulari in domestica gloria amplificanda, uellè potius, id, quod arbitror illum facere, ut uestras utriusque auunculi uirtutes imitando admiraretur, quæ, et maximæ, et innumerales sunt, quàm meas coleret, quæ nunc primum ex uestris oriuntur, et in domesticam gloriam amplificandam incumberet non ex mei æmulatione, sed ex officio suo.

Ego enim in hoc genere laudis tantum uersor, quantum possum, quantum ingenio, quod sentio quàm sit mediocre, quantum diligentia, quantum usu ualeo. Sed tamen maxime uellem, ut ille etiã sermoni sapientissimi huiusce Legati interfuisset. nam pro incredibili quadam, et propè singulari, et diuina uis sui ingenij perspexisset se priuari maximo interdum fructu necessitudinis nostræ, quod minus sepe ei liceat Legatum Auunculum disputantem audire, de quo certe potissimum ea audiret, quæ nisi de illo ipso audiri possint. cuiusmodi sunt, quæ hodie nobis exposuit de exilio cõstanter tolerando. atque eo magis socium huius disputationis audiendæ illum habere uoluissim, quod certo scio, hominem discere non posse ea, quæ Legatus suo sermone nobis impertuit, neque ex optimis Latinorum libris, quos omnes ferè legendo contriuit, neque ex Græcorum commentarijs, quos tanta cum uoluptate euoluit, quosq; etiam nunquam de manibus ponit. Ausim dicere plus utilitatis ei allaturam fuisse hodiernam disputationem, quàm hoc in genere complurium suorum doctorum præceptionem, aut diurnam lectionem omnium librorum, qui in aliquo angulo Bybliothecæ suæ instructissimæ adseruantur. LEG. Dul-

MEDICES. LEGATVS.

cissima, ut auctor est Xenophon, ea tantum laus est, quæ ab liberrimis hominibus proficitur. Equidem alienum institutis meis non putavi, studiis uestris obsequi uoluntatibus respondere, nec ullam à uobis expectabam laudem, sed quando illa me ornare uoluistis, negare non possum, quin illa & iucundissima, et dulcissima mihi fuerit, præsertim cum uterque uestrum specimen sit humanitatis, salis, suauitatis, leporis, & ingenuæ liberæque naturæ. etiam si sentiam me adhuc nihil dixisse receditum, nihil expectatione uestra dignum, nihil aut inauditum uobis, aut cuiquam nouum. I V L.

Intellego quod consilium spectat tuum. cupis alteram, et tertiam causam, quam proposuisti, cur exsilium malum sit, probare falsam esse, & nobis ab omni dolore aberrationem querere, etiam si ille maximus sit, & æternus.

LEG. Nisi hanc etiam partem absoluerem Iuli, uiderer mihi haud secus agere, atque ineptus aliquis pictor, qui politissima arte dimidiam tabulæ partem perfecisset, reliquam incohata omitteret, uel quod artem non teneret totius picturæ absoluendæ, uel quod suscepti operis periret. Sed iam, si commodum est, consurgamus, & Peripateticorum more inambulando differamus, ita tamen, ut ante tria faciamus spatia interquiescendi, & animi relaxandi gratia. ex motu enim quies etiam commode parari potest ijs, qui sedendo in longam incubuerint disputationem.

I V L. Mi frater, mi frater, Nonne satis tibi erat sedendo causam propemodum obtinuisse: ut nemo uerius id prouerbiū usurpare uideri possit, quod tu, Romanus sedendo uincit. nunc autem inambulare decreuisti. Quam ob rem prospicio te omnem controuersiam dirempturum, quandoquidem & acrius instabis, & subtilius differes, id, quod Peripateticorum fuit, & Peripateticorum principis Aristotelis, quem uideo te doctrina, & moribus imitari, totumque exprimere.

LEG. Impudenter certe mihi uidear facere, si negem me multum studiū, ac diligentiae posuisse in percipienda illius disciplina. quanquam pater exemplo Aui potissimum sui totus à Platone, & à uetere Academia stabat.

Propterea

propterea studiose elaborauit, ut adulescens illius præceptis formarer, omnique doctrina erudirer. Ego autem Aristotelis scripta, & mox reliquorum Peripateticorum commentarios accurate cognoui, ratus, id, quod sine controuersia uerum est, alterius disciplinæ auctorem sine altero uix consistere, & percipi posse, atque adeo sua laude carere. non aliter, quam si patrem nouerimus, qui frequenti hominum sermone celebretur præclaram edidisse sobolem, atque illum quidē non satis nosse arbitramur, nisi filios etiam notos habeamus, qui suæ uirtutis excellentia se ab ornatissimo parente susceptos testentur. Vtriusque autem disciplinæ usus nobis nunc maxime constabit, quoniam uideo multa esse tractanda de honoribus affectandis, aut reiiciendis, quæ omnia petere necesse habemus à præclarissimis illorum scriptis. etiam si statutum habeā præcepta eorum ipsorum eatenus sequi, quoad uideam consentanea esse cum moribus præsentibus, & genere uitæ, quo nunc utimur. I V L.

Eodem sanè modo harum disciplinarum usus nunc tibi constabit, quo superioribus mensibus constitis animaduerti, cum de immortalitate animorum, atque etiam de Principis Dei ui, ac numine te disputantem in Xysto audiebamus. tum enim omnes, qui aderamus, in disputatione tua acquieuiamus. & quemadmodum nos ipsi te nunc audientes magna ex parte leuati sumus molestia istius exsiliij, ita tum omnino liberati sumus magna suspitione, quam controuersie propositæ à quibusdam nouis Philosophis de immortalitate animorum, & de potestate Dei, attulerat. Omne igitur operam, & studium ad te audiendum conferimus, & maiorem aliquam leuationem ægritudinis animorum nostrorum à te expectamus, quæ magna, & graui fortunæ iniuria commota est. L E G. Afferebant sapientes isti duas alias causas, ut probe munisteris, quam ob rem exsiliū maximum malum ducendum esset, quod ablegati honoribus patriæ carerent, & necessariorum præsidio nudati essent. Expēdamus igitur quantum a terra ualeat, & quantum certa, uerūq; sit. Principio neutrum uestrum

MEDICES LEGATVS.

ignorare arbitror, ita naturam rerum tulisse a. quando;
 ut homines, genus animalium unum ex omnibus compos
 rationis, et ad sapiētiam, ac ui. tutem natum, uagantes per
 agros nulla certa sede fruerentur, tantumq; haberēt, quan
 tum audacia, et corporis uirib. per cædem, ac uulnera aut
 rapere, aut tueri possent. Qui igitur primi consilio, ac iu
 dicio excelluerunt, ij comperta humani ingenij ui, quæ doc
 litatis, et uirtutis capax esset, et laudis cupiditate inflam
 maretur, dissipatos in societatem uitæ conuocarunt, eosque
 ex tetra illa immanitate, et horrida, incultæque uita ad
 humanitatem, mansuetudinem, et iustitiam traduxerunt.
 Dein domestica commoda illis ipsis pepererunt. nam res cō
 stituere, quæ ad communem utilitatem referrentur, easque
 publicas appellari sanxerunt. Mox cum uiderent disper
 sam illam utilitatis rationem tanquam mēbra diuisa, nec
 pulcritudinem, nec dignitatem habere, illos in cœtum quē
 dam congregarunt, ciuitatemque appellarunt. Postremo il
 liberale arbitrati sunt, ut quæ animalia omnium rerum
 excellentia reliquis præstarent, illa ipsa digna domicilia nō
 haberent suo imperio, suæque uirtute. Itaq; eosdem ipsos
 homines proximis domicilijs iunxerunt, quibus planē Vr
 bium nomina imposuerunt, et deinceps coniugijs, litera
 rum, uocumq; communione conciliarent. Non sine autem di
 uino aliquo numine ingenerauit natura hominum generi
 quandam honoris cupiditatem, eamque etiam auxit certo
 quodam studio laudis ex actionibus, quam Gloriam uoca
 mus. ita enim circūscripte illam quoq; complecti possumus,
 quoniā M. Tullius uim illius aliter expressit. Gloria, in
 quit, est illustris, ac puagata magnorum uel in suos ciues,
 uel in patriā, uel in omne genus hominum fama meritorū.
 qua qdē in re partim cum Aristotele facere, partim ab eo
 dissentire uidetur, qui censuit eum frui gloria, qui ueris lau
 dib. magno assensu omnium ornatur ob uirtutis opinionem,
 aut id habere putatur, quod omnes, uel plures, uel probi,
 uel prudentes expetunt. Et quanquam tali honoris cupi
 ditate omnes ipsa natura flagrare uoluit, tamen cūsdam
 uideas

videas igniculos illius ita retinere, ut lumen clarissimum ex omnibus virtutibus emittant, quosdam ita statim extinguere, ut solo nomine, & corporis figura homines habendi sint, moribus pecudes. Etenim prudentiæ, ac virtutis expertes in tempestivis conuiuijs, in alea, in festis diebus ludorū celebrandis omne tempus consumentes ad pastum semper sese abijciunt, in infimumq; deturbantur, ut est apud Platonem, & rursus usque ad medium rapiuntur, & circa hæc sanè loca uagam, inconstantemq; agunt uitā. Quin etiam hæc nunquam transgressi ad id, quod re uera summum est, semper caligant, & nunquam sese tollunt, neque ullius ueræ rei participes euadunt, neque gustum percipiunt ullius stabilis, ingenuæq; uoluptatis. sed in morem pecudum deorsum proni sunt, oculosq; tum in teram, tum in mensas habent, quæ conquisitissimis epulis exstruantur. Præterea in luxuriam, & libidinem toti effusi duntaxat pastui, & ueneri indulgent, & de tam turpi uoluptatum genere inter se calcitrantes, et mordētes ferreis cornibus, et armis sese prosternunt. Contra illi prudentia ornati, celebritatēq; mentis uigentes, ut soli erecti ex omnibus animalibus sunt, & habitum corporisabilem, & aptum ingenio humano habent, ita intellegunt seipso excitari oportere ad cæli quasi cognationis, domicilijq; pristini conspectum, illudq; semper suspiciunt. consulunt item bonis, præsentibus fructus negligunt, posteritati, & gloriæ inserviunt, non abdomini, & prauis cupiditatibus. cogitant denique uirorum beneficorum, ac temperantiū, magnorumq; hominum corpus esse mortale, animi uero motus, & uirtutis gloriā sempiternam. Quam ob rem honesta omnia diligunt, fidelia, inquam simplicia, constantia, & uana, falsaq; detestantur, ut fraudes, periuria, malitias, iniurias. Quin etiam in se quiddam habent non uoluptarium, & ferinum, ut alij, sed amplum, & magnificum, & ad imperandum magis, q̃ ad parendum accommodatum. atq; etiam ducunt humana omnia leuia, nedum tolerabilia. nihil timent, nemini cedūt, semper inuicti sunt, cogitantq; exiguum uitæ curriculum

MEDICES • LEGATVS.

sibi à natura circumscriptionem, immensum gloriæ. Videte quantum intersit inter studia, & mores horum, & illorum. eadem est natura, quæ eadem etiam præsidia utrisque comparat, sed tamen alijs ea ornamento sunt, alijs turpitudini, & dedecori. Ex hoc igitur genere natus ciuis in libera ciuitate nobis considerandus uidetur, utra ratio uitæ illi instituenda, ea ne, quæ in splendore honorum posita sit, an quæ in domesticæ tranquillitatis laude uersetur. Ciuem autem illum intellego, qui in certa urbe uiuat. nec interest quicquid illa germana patria sit, nec ne, quandoquidem duæ possunt esse patriæ, una naturæ, altera ciuitatis. ut M. Tullius Cicero qui cum Arpini ortus esset, mox in Pop. Ro. ciuitatem adscitus est. atque ita habuit alteram loci patriam, alteram iuris. quamuis Aristoteles negaret M. Tullium ciuem Romanum esse, quippe qui statuat homines ciuitate donatos, proprie ciuers appellandos non esse, quoniam existimat neminem propterea ciuem habendum esse, quod certo in loco commoretur, præsertim cum inquilini, & mancipia certo in loco degant, et nobiscum habitent, nullo tamen modo ciues sint. Nec item ciuers indicat, qui ius à magistratibus ita petunt, ut tam ipsi in iudicium uocari possint, quam alios uocare. cuiusmodi stipendiarij, & uestigiales sunt, qui ius petunt ab ea Vrbe, quæ caput imperij est, nec eos, qui ita imbecilla ætate sunt, ut remp. tueri, & administrare non queant. quales pueri. nec senes, quoniam illi magna ex parte cum affecta ætate sint, infirma quoque ualitudine esse solent. attamen quodam modo ciuers habendos esse putat. Enumero tantus Philosophus ciuem ita spectat, ut simpliciter ciuis est, nec culpæ ullius quasi reus habetur, quam purgare necesse habeat. Itaque nulla re ciuem magis describit, quam facultate iuris dicendi, et potestatis exercendæ. Sed tamen nos de hac Aristotelis subtilitate solliciti non erimus. imò patriam M. Tullio non minus reddemus Arpinum, ubi natus est, quam Romam, in quam receptus est. et eo quidem magis quod hæc hominem sempiterna laude affecit, & maximis honoribus auxit, ipsa autem ab eo, quamuis ciue adscitio

ue adscititio, seruata est. ac propterea nō minus illi ipsi hæc patria dulcis fuit, quæ excepit, et exceptum carissimum habuit, quā illa, quæ hominem genuit, qui tum priuatis officijs, et ingenij laude florentissimus, tum fructu amplitudinis, et reip. dignitate clarissimus futurus erat. Multa etiā diuinitus idem ipse Philosophus de hac honorum cupiditate præcipit. Neminem enim magnanimum esse posse affirmat, nisi sit et magnis rebus dignus, et se ipsum maximis quoque dignum censeat. maximas autem res esse, quæ Dis ipsis tribuantur. Tales uideri honores, propterea quod illi maximi sunt bonorum externorum. Quinetiam illum optimum oportere esse ait, cum maximis sit dignus, et melior maiora semper postulat, et optimus maxima. Medio citatem quoq; laudat inter ambitionem, et ambitionis uacuitatem, quia ambitiosus plus, q̄ oporteat, et unde non oporteat honorem appetit, non ambitiosus, qui ne ob res quidem honestas honoribus affici uult. Ergo censet homini ingenuo, liberaliterq; educato nō ex unaquaq; re honores sitendos esse, nec contra respuendos, si honestas ob res illi deferantur. At q̄ nostris temporib. cæco mentis impetu ad honores rapiuntur, hæc non discernentes inuadunt honores quoquo modo illi tribui possint. quo fit, ut arbitremur priuatam uitam longe anteponendam esse ei, quæ adhuc plane modum honorata sit. Enimvero qui otium, ac quietem sequitur, is primum uidet alios nulla sui inuidia flagrare, quod quidem facile accideret, si ille præstanti, florentiq; fortuna ueretur. Videt etiam se nullis in periculis uersari, si facultates suæ a patriæ honoribus seiunctæ sint. nec cogi ad labores, curasq; molestas suscipiendas, ut dignitatem suam tueatur. Nullas item domesticas pertimescit insidias, nec de uita sua laborat, quod intellegat illam grauioribus fortunæ telis expositam esse. nam copiarum rerūq; abundantia facile necessarios, ac familiares inuitant ad furta, ad dolor, ad cædem, præsertim si tenuiores sint. Fortuna autem in nullum genus hominum sæpius, et atrocius grassatur, q̄ in eos, quibus omnia secunda euenerint. Ro-

MEDICES • LEGATVS.

mani Cæsares quicunq; uiolenta morte perierunt, omnes fe-
re à suis obruncati sunt familiaribus, Iulius Cæsar, Cali-
gula, Domitianus, Commodus, Alexāder Seuerus. Ex Græ-
cis uel Regibus, uel Tyrannis insignes commemorantur Phi-
lippus Macedonia Rex, Elij Pisistrati, qui Athenas domina-
tu deuinxerat sua, Periāder Ambraciæ Tyrannus, Arche-
laus, & Amynta iunior Macedonia Reges, Eunuchus Cy-
pri etiam Rex, & pleriq; alij, quos enumerare necesse non
est. Quin etiam paucos abhinc annos quot meministis ho-
nestissimi ordinis sacerdotes aut ueneno sublato? aut cru-
deli morte necatos à familiaribus, & beneuolentia coniun-
ctis? quos tamen illi ante & sacerdotijs honestarant, & o-
mnibus studijs, & beneficijs ornatisimos habuerant. Vi-
detis etiam quot ueterum Romanorum ex summa ampli-
tudine deturbati sint in infimam, miseramq; uitæ conditio-
nem. Marius, Pompeius, M. Antonius. M. & Q. Cicerōes.
Equidem neminem ferè illorum temporum ciuem Roma-
num comperio, qui mortem obierit sua uirtute, & aucto-
ritate dignam. de ijs loquor, qui paulo clariores fuerint,
quiq; immodicos honores appetierint, & quorum uita am-
bitionis labore districta fuerit. sic enim rerū gerendarum
cupiditate efferebantur, ut domestico otio nunquam prospice-
re possent. Quinetiam nullū uitæ suæ tempus uacare per-
mittebant à cogitatione augendarum opum, retinendi do-
minatus, & maiestatis ostentandæ. At Pomponius Atticus
uir cum omnibus rebus excellens, tum Ciceroni, & amicitia,
& omni uoluntate, sententiāq; coniunctus, solus mihi
eiusmodi uidetur, ut proponi possit omnibus nostris tanquā
exemplum ad uitam omni e parte laudabiliter agendam.
Hic enim otium id amplexus est, quod à dignitate non ab-
horruit, in literis, in libris, in amicis iuuandis, in consilijs
dandis. Itaq; ambitio, ardensq; honorum studium illos in
maximas calamitates coniecit, hunc uero honestum otium
ad ueram laudem duxit, & ad id, quod datum fuit uitæ
tranquille, placideq; agendum præparauit. Solus etiam
in portu fuit, cum æquales eius propemodum omnes graui-
simis

simis tempestatibus iactarentur, solus ex optimis discipli-
nis, eximæque honestarum artium scientia fructus perce-
pit maximos, sensitque secundas res suas literis ornari, ad-
uersas autem maxime adiunari. Solus denique turbulentissi-
ma illa tempora Sullæ, Cæsaris, Antonij, et Augusti euasit,
quandoquidem illi certo sciebant elegantia hominis, et pro-
bitate nihil esse Romæ præclarius, eiusque uitam cōsecutam
esse difficillimam illam societatem grauitatis cum humanita-
te, diuitiarum cum temperantia, auctoritatis cum beneficen-
tia. Quæ quidem uirtutes eo etiam admirabiliores mihi
in homine uidentur, quod maiore indulgētia diuitis patris,
et forsitan rerum humanarum neglegentis educatus est, quæ
ea tempora ferebant. Ambitio enim sæpenumero ex turbi-
dis morum fontibus, qui apud parentes sunt, à filiis imbi-
bitur. id, quod Plato etiam scriptum reliquit, ut cum patrē
habent ignauum, et sordem, qui urbem habitat non
prudenter administratam, quique honores, magistratus, pro-
uincias, et iuris dicendi decus repudiat, et iacere cupit,
ut ab omni molestia uacuus sit. idque ita contingere solet.

Primum quotiescunque audiunt matrem ægre ferentem, quod
uir suus nulla publica munera sustineat, ac propterea in-
ter mulieres admodum tenuers honores sibi deferri uide-
at. Deinde cum animaduertit illum ipsum non attentorem ad
rem esse, neque pro ea obscure, aut palam contendere, aut in
foro uolitare, sed neglegentius in his omnibus uersari, atque
etiam cum cognoscit hominem semper de se ipso curā age-
re, uxorem autem neque contemptui habere, neque plurimum
colere. quod propter accidit, inquit Plato, ut ualde commo-
ueatur, perturbatioque animo sit, et apud filium de pa-
tris ignauia, et inertia queratur, multa que alia commemo-
ret quæ mulierculæ de istiusmodi rebus garrere solent.

Privatam etiam uitam agentes quæ capiunt facile asse-
cuntur, si honesta sint, studentque assequi ea, quorum pla-
ne fructus illis diuturni sunt, alijs suauis, et iucundi. Ac-
cedit etiam, quod ad defendendam dignitatem suam nihil
necesse habent arma querere, et amicorum fidem expe-

MEDICES·LEGATVS.

riri, præsertim si paulo seuerius ius dicant, quandoquidem
 compertum habent suæ uitæ præsidia non consistere in sa-
 tellinibus, in sicarijs, in paricidis, et armatis hominibus, qui-
 bus stipentur, nec in multitudine copiarum, sed in uirtute,
 & innocentia, qua tecti pericula propulsent, & inuaden-
 tes inimicos defendant. At honoribus fungentes simulta-
 tes cum optimis ciuibus aliquando suscipiunt, eorumq; odio
 etiam flagrant, quos nunquam experti sunt maleficos. infi-
 dos quoque eos habent, quibus cum multis officijs, & ma-
 gno familiaritatis usu iuncti erant. At quibus sui corpo-
 ris custodiam committunt? Certe ipsi, qui uenalem sangui-
 nem habent, quiq; alijs sibi nisi non sunt. mox illos etiam
 pèrinde reformidat, ut eos, quos certo sciunt famam suam
 oppugnare, uitæq; insidiari. Animus quidem priuati ho-
 minis talibus suspicionibus liber est. imò si quos inimicos il-
 li fors dederit, eos reconciliare sibi studet, quoniam incolu-
 mi sua dignitate id se facere credit. Magistratus enim, al-
 terius uel honoris splendor non impedit, quo manus ad ue-
 terem amicum adeat, se purget, et ad pristinam illius gra-
 tiam receptum habeat. idq; fretus conscientia officij, & con-
 stantis uoluntatis erga hominem. existimat etiam stipatores
 illos mercenarios tanquam opifices aliquos, aut tabernari-
 os, aut alios de fece ciuitatis homines, in quibus fides nulla
 sit, cum omnes lucri spe ad opus excitentur, non honesti ra-
 tione. Stipatores item pecuniæ gratia ciuem magistratum ge-
 rentem custodiunt, & pecuniæ gratia quoq; interficiunt,
 quoniam pecunias multo plures licet illis accipere, si ciuem
 talem trucidarint, quàm si semper illum protexerint. Ve-
 runtamen non desunt qui uitam magistratus potius laudēt,
 quàm priuati, quod nullo negotio amicorum gratiam pro-
 mereri possit, inimicorum autem iniurias facile ulasci. Sed
 multum isti à uera ratione aberrant. nam qui publicam
 personam sustinet, si beneficio amicum sibi deuincire uolue-
 rit, is de grato animo illius periculum facere cogitur, quē
 raro in hominibus perspicimus, q nostra ætate uiuunt. Sed
 fac illum gratum esse erga eum, à quo multa acceperit bene-
 ficia,

ficia, certe cogitat quanto pluribus comodis auctus est, tanto maturius sibi profugendum esse, ne magistratus aliorum rogatu cogatur eum spoliare commodis, quibus illum iam affecerit. Itaque solum uertit, et fuga sibi consulit, putatque comoda, quibus auctus est, tum sua esse, cum exploratum habuerit eod non posse peruenire, qui se illorum participem reddiderit. De inimicis autem egre supplicium sumere potest, quia ciuis publico honore praeditus, ut Demosthenes ait, tanquam bonus paterfamilias esse debet, qui in seruos, et alios domus suae ministros ideo animaduertit, ut meliores illos reddat, non ut opprimat, et interficiat. exemplo peritorum Medicorum, qui ad membra uitiata ita ignem admovent, ut ualitudinem confirmant, et reliqui corporis pulcritudinem, ac decus integrum conseruent, non ut mutilum, et mancum relinquant. nam Princeps saepe numero id spectat, quod placeat, magistratus autem id quod aequum, honestumque est, ut eximius orator Isocrates refert, cuius quidem optimis praecipis, et summa eloquentia adductus saepius laudare soleo, quod forsitan necesse sit. Accedit etiam, quod iidem inimici plerumque uel opibus, uel cognatione, uel generis claritate, uel doctrina, et eloquentia honestissimum in ciuitate locum obtinent. ac propterea in illos non facile odij, et acerbitalis uirus euomi potest. ita fit, ut inuiti cogamur eosdem ipsos tollerare. atque id propemodum nobis euenit, quod contingere solet magnis Regibus, qui generosos, et praeferoce equos aluerint. his enim quaquam uti non possunt propter ferocitatem, asperioresque naturam, tamen illos non odecunt, aut propter alacres spiritus, et praestantem corporis uigrem, aut quod sperant eos ipsos in dies mitiores futuros. Poeta Catullus Dictatorem Caesarem, eundemque orbis terrarum Principem probroso carminum genere infamarat, quam iniuriam ille grauius ulcisci noluit, ueritus ne in aliorum Poetarum maledicentiam incurreret. itaque homini ignouit, et in pristinam gratiam recepit. M. etiam Tullio, qui commentarium confecerat laudum Catonis, idem ipse Caesar alio commentario respondit, quo uitia Catonis colligebat, illumque im-

MEDICES • LEGATVS.

merito laudari probabat, nec præterea quicquam tentauit, quamuis capitali odio dissensisset ab Laudato, et ab Laudatore. Patre imitatus est Augustus Cæsar. T. enim Liuium tulit, qui bellum ciuile Cæsaris, & Pompeij scribens exquilito genere laudum efferebat Pompeium, satis autem habebat illum appellare Pompeianum. Eadē facilitate, uel potius dissimulatione usus est in Asinium Pollionem, qui Scipionem, Afranium, Brutum, & Cassium libris editis commendarat. Nō satis autem constitutum habeo an hic idem fuerit Asinius Pollio, qui in domum receperat Timaginem Historicum, post, quā Augustus illi suam interdixerat, quod uxoris, filiarum, & suam ipsius existimationem offenderat. Itaque idem ipse Princeps ita commotus est in Pollionem, ut tantummodo ei dixerit, fruere in Pollio fruere, cum ille sui consilij rationem afferret, & polliceretur se hominem exclusurū si iussisset. Hæc tanta sanè mala prouiderunt sapientissimi illi Græciæ Philosophi, & tanquam e' specula futuram tempestatem prospexerunt. Pythagora, inquam, Democritus, Anaxagora. ob eamque rem ab regendis ciuitatibus totos sese ad cognitionem rerum transtulerunt, & magno, erectoque animo uiuentes beatissimi fuerunt, & uirtutis decus in otio colentes omnes motus fortunæ, mutationesq; rerum, & temporum leues, ac imbecilles esse cognouerunt. i'dem etiam à publicis negotijs uacui solitariam fere duxerunt uitam. quæ qdem propter ipsius scientiæ suauitatem, qua nihil est hominibus iucundius, plures fortasse delectauit, quā rebus publicis expediret. Potestatis enim, sapientiæque coniunctionem Platonici ille Socrates saluti ciuitatibus esse censet. imò nullum malorum finem fore, nullamque à perturbationibus quietem dari posse affirmat, nisi reip. administratio penès eum sit, qui omne suum studium, ac diligentiam in doctrinam, & sapientiam contulerit. Quinetiam fundamenta suæ reip. has duas uirtutes esse ait, nec unquam illam remp. quam oratione describebat orituram, aut Solem aspecturam esse adserit, nisi eum publici consilij auctorem,

Et regendae civitatis ducem sortiatur, qui cum virtute fortunam coniunctam habeat. Ante M. Tullium quidem, praeter Demetrium Phalereum, cuius mentionem supra feci, nemo alius facile reperiri poterat, qui utraque re excelleret, ut et doctrinae studiis, et regenda civitate princeps esset. Hic enim mirabiliter doctrinam ex umbraculis eruditorum, ac otio non modo in Solem, atque pulverem, sed in ipsum etiam discrimen, aciemque pene produxit. At noster Cicero illo superior est in omni genere praeclearissimarum artium, et temperantia, uitaque continentia, cum ille ipse male audiat a Graecis suis, quod post Himerum fratrem ab Antipatro occisum in omne genus intemperantiae, et libidinis eruperit. uterque tamen summos honores a patria sua consecutus est. Quoniam enim Catulus princeps Senatus, et auctor publici consilij M. Tullium parentem patriae nominavit, atque eidem ipsi Senatus non, ut multis bene gestae, sed ut nemini, conservatae reip. singulari genere supplicationis Deorum immortalium templa patefecit. Demetrium civitas Atheniensium principem suum declaravit eique trecentas decrevit statuas. Nostris tamen temporibus tales moderatores, et rerum publicarum temperatores nullos fere comperias, quia, nisi fallor, quae nunc republicae dicuntur veteribus rebus publicis dissimiles sunt, aut certe multum distant ab reip. ea, quam Plato divinitus constituebat. Siquidem aut ex certo hominum genere constant, qui tamen si omnis virtutis expertes sunt, ad munera tamen reip. admittuntur, ne locus pateat externis hominibus ad inuolandum in id, quod certorum hominum esse volunt. aut ex collusione hominum unius civitatis constituuntur, ita tamen, ut ad illustriores magistratus nemo eligatur, nisi qui ex ordine Patriotio sit, aut a veteri familia originem trahat. Superest Roma, quam verae reip. domicilium esse iudicarem, nisi ex universo terrarum orbe et homines excellenti ingenio praediti, omnibusque virtutibus ornatissimi, et monstra etiam quaedam immanissima, ac foedissima ad eam confluerent, ubi

MEDICES. LEGATVS.

nullo discrimine omnes ad summos honores efferruntur, & amplissimis ornamentis afficiuntur. Di facerent, ut in ea persepe existerent sapientes homines, qui remedium aliquod tantæ calamitati afferrent. quod quidem facillimum esset. hoc est, ut probos, integrosq; homines à monstris secerneret. atque etiam exemplo Atheniensis Solonis decerneret nouam hanc Sacerdotum remp. contineri duabus tantummodo rebus, præmio, & pœna. Quod si minus hoc impetrari posset, maxime uellem, ut magnanimus aliquis Heros interdum ad nos accederet, qui monstra ista conficeret, & tolleret, ut ferunt Herculem olim uenisse, qui Auentinum Cacum oppresserit. Age uero dispiciamus an princeps etiam in ciuitate locus ad honoratam uitam nos inuitare debeat. Equidem nonnullos animaduerto honores sitire, propterea quod uident omnes dicto suo audire, omnes sibi de uia decedere, omnes assurgere, multis etiam admirationi se esse. & eo quidem magis, quod homo cum alijs plurimis uirtutibus ceteris præstat animalibus, tum hoc etiam, quod honoris cupiditatem insitam habeat, & illius tuendi studium. Iam uero illud quantum est, quod non solum Bestiæ omnes expertes sunt talis cupiditatis, sed pleriq; etiam homines. imò si quis est inter illos, qui honoris studio inflāmetur, ille inter homines, quasi Deus habendus uidetur, cū præsertim neminem comperias, qui honorem expetat, nisi idem etiam honestatis maximam agat curam. Præterea diuinum quiddam prorsus istus uidetur lætitia, quam honos ipse nobis parere solet. Talis certe, inquiunt, erat lætitia, quam capiebant ueteres illi Romani ex uictorijs suis Africani, Marij, Sullæ, tot Cæsares. Enimuero isti nullū uerū sensum honorū habent. non enim inductio animi erga eius modi cuem potestate præditum illos cogit, ut his fungantur officijs, obtemperādi, prætereuntem honestandi, assurgendi, sed potius metus hæc studia illis extorquet. At q̄ detestabile, & inuidiosum est metui, & in odio esse. & eo quidem magis, quod is cogitur multos quoq; timere. id, qđ etiā sensit Cæsar Dictator in Theātro sibi obijci Laberiano uersiculo.

Necesse est multos timeat, quem multi timeant.
 Memoria quæso repente, quàm miserabiles habuerint exitus Heroes illi, quos in fabulis Tragici Poëtæ induxerint dicentibus. oderint, dum metuât. malus enim custos diuturnitatis metus. aut certe id obsequium exprimit respectus, quem ad honorem habemus, non ad hominem honore, & magistratu surgentem. Tale obsequium exegit in castris Q. Fabius maximus CONS. à patre Legato ad se uenienti. nã cū obuiâ filius progredereetur, lictoresq; uerecūdia maiestatis eius taciti anteirent, præter undecim fascers equo præuectus senex, ut CONS. animaduertere proximū lictorem iussit, & ut is descenderet ex equo inclamauit, tum de num defiliens experiri, inquit, uolui fili, satin' scires te consulem esse? In agro Bononiensi sceleratæ consensionis fide insignis est insula, quam Lauinus flumini facit. in eam enim conuenerunt Antonius, Lepidus, Augustus, societateq; inita nobilissimum quēq; Senatorem proscripserunt. At quotiescunq; congressi sunt, Augustus adulescentulus semp me= dius sedit, quod ille Proprætor, alij priuati essent, quāquā senes, et cōsulares. Nec uero diffiteor honoris cupiditatē uni homini ingēnitam esse à natura, sed ea cupiditas honoris magis ex alijs rebus oriri debet, q̃ ex magistratibus, ut ex literarum cognitione, ex sapientiæ opinione, ex beneficiæ & liberalitatis laude. Qui enim ex hisce rebus honos proficiscitur, uerus est honos, & eo nihil præstantius nobis potest accidere, nihilq; etiam optabilius nobis esse debet ad immortalitatem gloriæ, & memoriam nominis sempiternam. Multi quoq; homines huius cupiditatis expertes sunt, quod pauci etiam habeantur, qui uerum iter gloriæ intellegant, quique literarum dignitatem perspiciant, & uirtutis pulcritudinem, ac splendorem adimurentur. Nec sane meo quidem iudicio ulla præclarior honestatis ratio est, q̃ ea, quæ à tranquillitate uitæ proficiscitur, & ab animo perturbationibus uacuo emanat. Læticia autem breuis est, quam afferre solēt honores isti cū uictorijs coniuncti, quoniam magna ex parte eam consequitur ignominiosa e pa-

MEDICES. LEGATVS.

tria exactio, aut orbitas filiorum, aut publicatio bonorum, aut mors. Documenta autem uarietatis temporū, & fortunæ uicissitudinis hoc in genere capi possunt a uiris illustribus, quos proposuimus. omnes enim post clarissimas uictorias tam aduersa fortuna laborarunt ut suam quisque conditionem miserrimam putarit. Hoc qdem ipsum Socrates planius expressit Alcibiadi apud Platonem. Cōplures, inquit, nominare possumus, qui cum dominationem affectassent, & illius occupandæ summo studio flagrassent tanquā rei alicuius commodæ, ad extremum propter eandē ipsam dominationem insidijs petiti interierunt. Quinetiam suspicor te nonnulla inaudisse, quæ heri, & superioribus diebus euenerint. Archelaum enim Macedonia Tyrannum oblectamenta, & delicias Tyrannidos amantem, quidam non minore desiderio captus eiusmodi deliciarum interfecit sperans se Tyrannum futurum, & perpetuo felicem, sed triduum, aut quatrimum dominatus ipse quoque insidijs circumuentus obiit. Viden etiam? (ut referam non quæ fama percepimus, sed quæ ipsi uidimus) ex nostris ciuibus quicunque imperia affectantes exercitiis præfuerint, alios à patria adhuc etiam extores uagari, alios capitali supplicio affectos esse. Quod siqui sint, qui in summis periculis, et communi trepitatione præclare remp. gessisse uideantur, non solum foris, sed etiam domi ab improbis ciuibus, non minore fraudum genere circumuenti sunt, quā ab hostibus ita ut existimem nonnullos optasse potius priuatos uiuere, quā cum imperio unquam fuisse. Hanc certe sententiam princeps hic Philosophorum mutuatus uidetur ab Euripide, cuius singulos uersus singula testimonia forsitan putabat. Siquidem apud illum perspicere licet, Regem Agamemnonem seruo cuidam senī literas dantem ad Clytemnestram uxorem de filiæ nuptijs tum eum quamuis despiciatæ fortunæ esset, laudantem, & beatum esse affirmantem, quod inglorius atque ignobilis ad supremum uitæ diem peruēturus esset. Contra uero lætitia illa, quæ à uirtutis, & ingenuarum artium fontibus ducitur, in tempestate ge

ta est, lucet in tenebris, pulsa loco manet, atque hæret semper in animo, splendet per sese, neque alienis unquam sordibus obsolescit. Remotus à studiis ambitiosis Isocrates Atheniensis otium, & tranquillitatem uitæ secutus est, docendo, monendo, scribendo. ac propterea unus fuit, qui tum æqualibus omnibus oratoribus, tum multis etiam illustribus civibus gratia, & auctoritate longe præstiterit. etiam si illi ad rempublicam moderandam omnem usum, & scientiam, & studium suum contulissent, aut magnam potentiam, & gloriam maximam in reipublica meritis, præstantissimisque rebus gestis essent consecuti. Quinetiam si quando illi ad populum uerba facienda erant, nemo maiore libertate causam dixit, nemo maiore orationis splendore animos auditorum præstrinxit, nemo maiore animo Atheniensium morum peruersitatem insectatus est. nemo item attentius, ac benignius auditus est. quanquam summa senectute esset, & lingua hæsitaret. Ecquos quæso hostes, nedum ciues amantissimos sui homines hæc uerba non commouissent? quæ protulit post, quæ res multas commemorauit imprudenter ab Atheniensibus administratis. Demiror, inquit, tum senes, tum adulescentes, quod alteri non memnerint, alteri non audierint. e ratione pacis probata, nullum unquam incommodum nos accepisse, ex armis autem leuissima quaque causa susceptis impleatque calamitates, & eas quidem magnas incidisse, quas repetere nihil ad præsentem causam pertinet. imo parati expeditique sumus ad ea obeunda, quæ nullam accessionem allatura sunt rebus nostris, ut ad triremes instruendas, ad conferendas pecunias, ad auxilia mittenda, ad arma inferenda ijs, quos tulerit fors. perinde, ac in aliena patria periculis offeramur. Et harum quidem omnium rerum causa est, quod uestre partes essent Athenienses ita de reipublica sollicitos esse, ut de priuata. quod tamen contra fit. quin cum de priuatis negotiis deliberatis, consiliarios spectatoris prudentiæ, quam uestra sit, exquiritis. at cum ad audiendas orationes, quæ de reipublica habentur, concurritis, eiusmodi hominibus fidem abrogatis, & inuidiæ morsus defigitis. Cō-

MEDICES·LEGATVS.

tra nequissimum quēq; & turpissimum, qui suggestum ascēderit, ad cælum effertis. atque etiam existimatis temulentos homines magis populares esse, quā sicos, & sobrios. & dementers magis, quā sapienters, & publicam pecuniam dilapidanters, ærarium quē exhauriēters, magis, quā ex suo censu publicæ obeunters munera. Itaq; operæpretum est mirari eum, qui sperat ciuitatem nostram talibus consilijs usam in meliore statu unquam futurā. Et hæc quidem Isocrates ad Populum Atheniensem, cum suaderet ei, ut amicitiam renouaret, fœdusq; percuteret cum omnibus Græcis, imperium quē Insularum relinqueret, Urbium autem quæ mediterraneæ essent, retineret. Ad Philippū etiam Macedonia Regem libertati Græcorum insidiantem orationem scripsit, qua hominem hortatur, ut in pacificationem Græcorum se interponat, & iunctis armis moueat contra Persas in ea quoque multa de importunitate Atheniensium exponit, quæ tamen à ciuibz suis libenter legēbantur, cum scirent ea dici à tanto oratore, non ut in dignitatem patriæ illuderet, sed ut ciues publici consilij principes suæ nequitiae et impuritatis admoneret. Recentiore quidem memoria Iacobus Sadoletus noster non minus laudis affectus mihi uidetur oratione scripta ad Ludouicum Galliae Regem de bello transmarino suscipiēdo, quā Isocrates hac sua ad Philippum. cum enim alteram cum altera consero, & lecta uerba, sententias tum graues, tum crebras utriusq; & numerorum splendorem, uerborumq; elegantiam, & totius orationis lenitatem uideo, non nihil animi pendeo utram magis laudem tanta similitudo diuini illius ingenij in Sadoleta est. qui tamen si non alijs uirtutibus, saltem industria illo superior mihi uidetur, quod ijs quidem temporibus natus sit, quibus cogimur omnes latinam linguam emendicare ex libris, cum tamen Isocrates græcam didicerit à Populo, qui, ut Plato scribit, linguae est magister. Minus quidē hominem laudo, quā oporteat, quoniam uideo eundem ipsum multis alijs ornamentis esse praeditum, quæ illum in infinitam seculorum posteritatem illu-

tem illu=

tem illustrare possint, sapientiae, grauitatis, ingenij, benigni-
tatis, et liberalitatis. Solus autem nostrorum temporum, aut
certe cum paucis animaduertit elocutionem emendatam, &
latinam esse quasi fundamentum oratoris, ad eamque obti-
nendam necesse esse latinam linguam expurgare, quam in-
quinarunt nonnulli exquisitarum literarum omnino rudes,
& nullius iudicij homines, qui partim ex circumpadanis
Municipijs, partim ex transalpinis Prouincijs in hanc Vr-
bem confluxerant. Emendauit igitur eruditissimus hic Vir
corruptam, & vitiosam latinae linguae consuetudinem puram,
ac integra loquendi ratione. quam etiam cum praecclare ob-
tineret, eam magna cum dignitate, et Italorum laude mox
ad religionis decus, & immortalem nominis sui celebri-
tatem usurpauit. Redundabat Plato Athenis omnibus or-
namentis uirtutis, atque etiam omnibus praesidijs domesticis se-
ptus erat, affinium, copiarum, nobilitatis. sed tamen ab rep-
abstulit, et in portum confugit otij moderati, atque honesti.
Causam autem consilij sui interprete M. Tullio hanc didi-
cimus fuisse, quod offendisset Populum Atheniensem prope-
iam desipientem senectute, eumque nec persuadendo, nec
cogendo regi posse uidisset, cum persuaderi posse diffideret,
cogitasse esse non arbitraretur. Quam ob rem Plato a ne-
gotijs publicis tanquam ab opere aut temporibus exclusus,
aut uoluntate feriatus maiori ciuibus suis honori, et amicis
utilitati, & reip. ornamento fuit, quam summi illi duo ora-
tores Demosthenes, & Aeschines tantis actionibus, tantis co-
silijs, tantis contentionibus, quae patriam, & uniuersam tan-
dem Graeciam in seruitutem redegerunt. Di fecissent, ut M.
Tullius post interfectum Caesarem finem reperisset suae am-
bitionis, & modum statuisset infinitae honorum cupidita-
tis, nec opprimendi Antonij causa, Augustum importunio-
rem suscepisset ornandum, & ad tantos honores efferen-
dum, certe imperium illud totius orbis non corrumpisset. imo
uero Senatus dignitas, & Populi Romani maiestas adhuc
etiam clarissima uigeret, nec uideremus maximam Italiae
partem prouinciam Barbarorum esse factam. sed patriae

MEDICES. LEGATVS.

caritas, filij amor, & necessariorum beneuolentia, & reip.
reciperandæ spes summum illum Virum decipit nam ui-
tæ priuatæ commoda aspexit eadem acie mentis, qua re-
rum omnium uim, & naturam uiderat. Quis enim, inquit,
ad Varronem scribens, hoc non dederit nobis, ut cum ope-
ra nostra patria siue non possit uti siue nolit, ad eam ui-
tam reuertamur, quam multi docti homines, fortasse non
recte, sed tamen multi, etiã reip. præponendam putarunt?
Quæ igitur studia magnorum hominum sententia uaca-
tionem habent, eandem publici muneris, ijs concedente rep.
cur non abutamur? Principatu quidem Cæsaris ille gerẽ
dis negotijs orbatu maxime solitudinem amauit. itaq; suas
uillulas obibat, quos ocellos Italiae appellabat, congressum
amicorum omnium declinabat, Musis tantum & sibi uiue-
bat. Deniq; id ipsum homini accidit, quod præstantissimus
quisq; orator optare debet, ut tum desineret, cum maximo
desideraretur, et tum multam salutem foro diceret, cum fo-
rensibus negotijs implicatus esset, & urbano opere maxime
desineretur. Audite qd moestissimus Pater post amissam fi-
liam Attico rescribat, a quo certior factus erat, quosdam ex
se Romæ, qui discessum eius ab Vrbe non satis æquo animo
interpretarentur, ac propterea se uereri, ne grauitas, et au-
thoritas illius imminueretur. Quod me ad consuetudinẽ,
inquit, reuocatis, fuit meum quidem iam pridem remp. rege-
re. quod faciebã, sed intererat enim ubi acquiescerem. nũc
plane nec ego uictum, nec uitam illam colere possum, nec
in ea re, quid alijs uideatur, mihi puto curandum. mea ma-
hi conscientia pluris est, quàm hominum sermo. Et alibi.
Nunc, inquit, omnia respuo, nec quicquam habeo tolerabi-
lius, quàm solitudinem. Item alio loco. Mihi, inquit, solitu-
do, & recessus prouincia est. Rursum nihil hac, inquit, so-
litudine iucundius, in qua careo omnium colloquio, cumq;
mane in siluam me obstrusi densam, & asperam non exeo
inde ante uesperũ. Sed utinam, id, qd ingemiscens repetã,
post rep. dominatu Cæsaris liberatum, ab reip. muneribus
quiescere uoluisset, & celebritatem hominum, frequentiaq;
cuius

cuius

ciuium ciuitas circa uillulas suas errasset, Roma profecto non solum caput religionis, sed etiā imperij totius terrarū orbis adhuc esset, nec Italiae populi uestigales, et stipendia rij exterarum nationum essent, nec tot bella cotidie exorerentur de ijs Italiae urbibus, quae in S.P.Q. R. potestatem aliquando essent redactae. Sit iam huius loci finis, et eo, unde egressa est, se referat oratio. nec interim faciam, ut enumerem miseras omnes, quibus Itali confictari cepimus, post, q̄ nonnulli Italiae Principes, et populi ob domnandi cupiditatem omnes terras mouerunt Reges Barbaros incitarunt, Gentes feras armatas in Italiā adduxerunt. nā sic meum exagitarem maerorem, et uos in eundem planē luctum uocare. Omnino qui horū malorum causā sustinent, maximas iā poenas persoluerūt temeritatis suae. Reliquum est, ut uideamus, q̄ priuatus domesticis etiā institutis recte, liberaliterq; uiuat. Ac primū q̄dem imaginem priuati hominis proponamus, quoniā ad hūc maxime modum perspicimus officia uitae illi et p̄fectiora et liberiora consistere, q̄ ei, q̄ honore, aut imperio, aut populari gloria decorari soleat. Enimvero priuatus si ab literis non abhorreat, ante lucem surgit somno solutus, quo per noctem breui admodū usus est, nihilq; iam uiribus suis fretus, imō impendentes calamitates cogitans à Deo precatur faustum, felicēq; diem. Caelum etiam, et praeclarum illum Diuorū conuentum suspicit, quorū alij acceptam à Christo religionem innocentia, uitae sanctimonia, et sanguine suo tutati sunt, alij orbem lustrando, et monendo, et disputando illius dignitatem amplificauerunt. Mox in Bybliothecam p̄git, atq; in lectione acquiescit eorum librorum, ex q̄bus animi uoluptas capitur, et documenta ad bene, beateq; uiuendum petuntur. in illis etiam multum sine interpellatore uersatur. Dein ualetudinis causa egreditur, et simul cōmodis suis, et eorum, q̄ ex se pendunt, consulit. nam aut inambulatur, aut rationem tuēdae rei familiaris ministris praescribit. Quod si per urbem uagari uoluerit, nimirum libere uagabitur, atq; res aspectu dignas ubicunq; illae fuerint, uiset, et sermonibus doctorum, pri-

MEDICES. LEGATVS.

dentumq; hominum intererit, & ludos etiam relaxandi animi causa spectabit. Domū inde repetit, et uel pridiano ieiunio compulsus, uel sola uictus tempania coactus, accumbit mensa paucis, iisdemq; simplicibus cibus paratur, illisq; uescitur, ut uires reficiantur, non ut opprimantur, et ut potius suum naturæ quasi tributum pendat, q̃ ut tetram aliquam popinam inhalet, & animi sensus offundat. Accumbit etiam uxor, & liberi, si forte contigerit, ut à re uxoria non abhorruerit, aut si caelebs fuerit, ex familiaribus aliquis similitudine studiorum coniunctus, qui cum dulcissimo sermone tempus illud transigat. animi autem lenitate q̃cqd uernæ apposuerint, pretiosum facit, etiam si uile fuerit, nullasq; lautiores epulas, aut opiparas desiderat, cum natura ad uescendum trahatur, nō suauibus condimentis, aut alijs deliciarioris gulæ obsonijs. Nec uero cum surrexit, solatus est de morbis, qui humana corpora arripere solent cum nimio cibo, aut potu repleta sunt, sed suæ tempaniæ conscius, nullā ingruentium morborū uim extimescit. Itaq; amicis se reddit, eosq; ad se uenientes, si afflictī sunt, patrocinio suo iuuat, aut iucundissimo sermone delectat, aut recitandis suis scriptis iudicium illorum exgrit. Postremo occidente iam sole cogitat aliqd de uita quoq; sua diminutū, uehementerq; gaudet diem sibi præclare actum sine fraude, sine flagitio, sine impostura, & iterum ad studia literarū se refert, & aliqd uel legit, uel secum commentatur, uel suas cogitationes literis mandat. Deniq; ex superiore discubitu aut se iam coenasse sentit, aut ita coenat, ut id detestetur, qđ in Italicis olī mensis ac Syracusanis Plato etiā abhominatur, bis in die saturū fieri. atq; omnibus denum curis solutus cubitum it nō modo immortalē capiens fructū ex tam laudabili uitæ instituto, sed firma ēt ualitudine uigēs. Cōtra q; magistratus, psonā, et publicum honorē tuerur, qđ omnibus copijs abundat, tñ honesto otio priuatur. Videat illū initio, nocte intēpesta surgere excitatum uel anxys curis, uel iportunis uocib. familiarū, uel nocturnis uisis. ille aut lectus aureus est stratus pulcherrimus textili stragulo, magnificis opibus pictus. Mox
omni

omni mente in ea cogitatione, curdque uersatur, qua libidinem suam expleat, rapinam exerceat, contumeliam inferat. itaque modo ira ardet, modo desiderio flagrat, modo desperatione commouetur. Interea completur domus satellitibus, apparitoribus, sicariis, rabulis, et ciuibus litigantibus, iudiciis que turpibus sese conflictantibus. quorum alij hominem salutant, alij ius petunt, alij munera largiuntur, alij eadem ciuis pollicentur. Deducitur autem ad Prætorium ab hoc genere hominum, qui ex collusione omnium uitiorum constant, sedetque excelsa in suggestu, ubi dum cognoscit, aut consultat, nullum locum prætermittit uel ueris falsa permiscendi, uel iustam causam innocentis interturbandi, uel nocentis iniustam fouendi. Domum reducit, et cum uescendi fuerit tempus, ornantur abaci complures argento, auroque cælato. accumbit ille. ineunt epulas quoque paricidæ, et domestici latrocinij adiutores. molossi circumstant, quos plurimos etiã alunt maiore impensa, quam homines. adulatorum, sannionum, scurrarum magnus adest numerus. fercula inferuntur, et mensæ conquisitis epulis exstruuntur, lancibusque, et splendidissimis canistris, et prægrandibus scyphis res agitur. uina pretiosissima tum Italica, tum prouincialia ministrant eximia forma pueri ad nutum illius intuentis. Nec uero ipse tanto rerum apparatu fruitur. imo pridiana crapula adhuc tumens, et antemeridianis negotijs confusus nescit quod se uertat, quidue agat, et dum singula degustare cupit, de uniuersis nausæ molestant suscipit. Iam finis epularum est, cum scurræ ineptis iocis illum, et conuiuas ad risum excitant, et uel gestus, motus, uerba amicissimi alicuius hominis ementuntur, uel principem ciuitatis maledictis insectantur, uel bonorum ciuium dignitatem asperioribus facetijs impure præstringunt, uel in sordalem probra iaciunt. secundum hæc collusores assident, et uel fittillus, uel tali, uel tessera afferuntur, quibus magna pecuniarum uis sorti exponitur, et integri census uno interdum iactu amittuntur. Longum esset referre contumelias, probra, execrationes, quæ id temporis audiuntur. con-

MEDICES. LEGATVS.

uinator autem, idem que publicam ciuitatis personam susti-
 nens præest collusoribus istis, et omnes ad scurrilem dica-
 citatem prouocat. hi uisissim hominis hilaritatem et risum
 captantes certatim omnes, dicta salsa, et iocos in tunc, et
 illum iactant. Denique e mensa surgit uentre distento, et
 corpore ita foede se ginato, nullumq; genus incommodi est,
 quod non extimescat, pestiferos que etiam omnes morbos
 sibi fore suspicatur, a quibus tentari facile possit, et pericu-
 li imprudens uel irascitur familiaribus leuissima quaque
 de causa, uel in cubiculum se recipit, somnoque indulget,
 et in meridiationem totus effunditur. Tum exsuscitatus fre-
 quentia hominum adeuntium iam incipit de integro cogita-
 re, qua ratione famam, fortunas, familiam, liberos, corpus
 denique ipsum ciuium suorum affligat, et sanguinem ex-
 hauriat. Itaque domo exit comites habens non liberaliter
 eruditos homines, sed omnibus uitijs contaminatos, atque fla-
 grijs inquinatos, et plane eiusmodi, quorum opera affli-
 ctos opprimat, et in uiolando iure inexplicabilis fraudes
 concipiat. properat autem ad tribunal suum: et sedens ne-
 glegentiam matutinam in circumueniendis litigantibus. pome-
 ridiana diligentia compensat. alios igitur uideas repelli a
 se, ut nimis intempestiue accedentes, alijs diem diffindi, ali-
 os comperendinari, alios amplius pronuntiari, alios iniqua
 sententia effligi. Inclinante iam die cogitur domestici latro-
 cinij finem facere, domumque reuertitur, ubi præsto sunt
 profligatissimæ uitæ homines, qui ei rationem explicant re-
 rum, quas per diem administrarint. paratos que se insu-
 per ostendunt ad ea conficienda, quæ postridie etiam libi-
 dinem hominis explere possint. At ille qui maleficio, et sce-
 lere pascitur, quique ciuium sanguinem iam exsorbere coe-
 pit, tetra, ac detestabilia mandat. nam eos uexandos iubet,
 quos pridie, aut eo die intactos reliquerat. Postero igitur
 die alij quæstioni subiiciuntur, nonnulli exquisito tormento-
 rum genere discruciantur, multi ad supplicium rapiuntur.
 Inter tot facinorum cogitationes deuorandi tempus incidit.
 cæna paratur. qui in famulatu sunt omnes uideas per aus-
 lam

lam discursare. mox accensis funalibus inferri ferula longa pompa. dices aliquem apparatissimo funere offerri. imo exequias uiui hominis, non mortui celebrari. accumbit ille tanta cupiditate, ut deuorare omnia uideatur, cum tamen matutini cibi ingluuiem uenter uix capiat. Verum ille naturæ quasi uim infert, & incoctas epulas nouo cibo aggrauat. atque ita nocturnæ agitationi fomitem parat, & alteris epulis aditum obstruit. nec toto cœnæ tempore desiderantur mimi, & scurræ. quin adsunt frequentes, & gestibus, ac iocis nullum tempus uacuum præterire sinunt. Postremo surgit plenus mero, plenus epulis, plenus torpore, & quietem se consecuturum sperans iacet, atque somnum aucupatur, quem tamen illi uel libido eripit, uel curæ leuiter obrepere faciunt. nam quasi imaginem diurnorum scelerum homini representant, in qua expressa sint testamenta subiecta, adulescentuli circumscripti, constupratae uirgines, multi tenues, ac egentes afflicti, plures uicini eieci, innocentes plerique uexati, nocentes miserabiliter excarnificati. In somnum tandem aliquando delabitur, q̄ etiam sæpe numero interrumpitur, cum memoria subit tantorum flagitiorum, quæ illum etiã ad eiulatum, & gemitum instigare solent. Tales sunt magna ex parte, q̄ nostris temporibus publica negotia procurant, et honoribus patriæ funguntur. quo quidem genere hominum, ut probauimus, nihil impurius, nihil flagitiosius esse potest. Et certe si hominem deterrimum Poëta præstanti aliquis ingenio fictis, conquisitisque uitijis deformatum uellet inducere, nullius generis homines aptius inducere posset, quàm uel Principes, uel ciues summi honoribus fungentes, quando nullum dedecus reperiri potest, quod in istis publica munera sustinentibus inesse non soleat, & fortasse multa in illis penitus defixa, atq; hæretica præteriret. Videtis igitur, ut honoratam uitam agentes sæpenumero pleni sint uini, stupri, somni, plerique inconsideratissimæ, ac dementissimæ temeritatis. nec hi adulescentes sunt, qui per ætatem liberiores esse consueuerunt, sed senes, qui maxime potestatem habent, & quo-

MEDICES. LEGATVS.

rum cupiditates iam deferbuisse oporteret. Et iam quis tam nullum usum rerum habet, q̄ audeat eiusmodi uitam probare? in qua cursus esse non potest, nisi cum casu, & prolapsione, & in qua uirtus sopita conuiuet blandimentis aure popularis. Quam ob rem eterna in laude uersabere Laurenti, quod a pueritia id plane tenuisti, in quod multi adulescentes, & summa senectute homines offendunt, & incurrunt. nam eiusmodi genus uitae tibi degendum constituit, quod semper adamare mihi es uisus, quod quae etiam cognouisti mihi gratum esse, alienum ab ambitione, alienum ab opibus, alienum a fama stultorum, improborum quae consensu excitata. Quin etiam semper id egisti, ut qualis haberi uelles, talis esses. quam uiam ad gloriam proximam, & quasi compendariam Socrates esse dicebat. Itaque in omnibus uitae officijs non modo specimen ingenuae, erectae, liberalis quae naturae in te esse demonstras, sed etiam spem amplissimae dignitatis affers, & plurima nascentis uirtutis indicia cotidie das. magnopereque letor Petri fratris nostri ornamenta in te propemodum renata esse, quae omnino sua laude caruerunt, quod nondum uicesimum primum complebat annum, cum Patrem amisimus, qui sua diligentia illa apud omnes illustriora facturum erat. & deinceps ea sane tempora consecuta sunt, quibus nec sapientia hominum, nec industria multum ualeret, cum Italia tota armis exterarum nationum oppressa esset. Quid? quod uideo ardentiore etiam studio te uiam hanc persequi, quo magis intellegis hostes plerumque dominari aedibus, diuitijs, & agris, & omnibus denique copijs nostris, cum tamen gratiae dignitatis, & bonorum erga nos beneuolentiae nunquam dominari possint. imo nullo alio rerum harum possumus relinquere haeredes, nisi quos ipsi procreauerimus, aut quos natura propinquitate nobis conuinxerit.

LAVR. Enimuero te dicentem de institutis priuati, & honorati hominis attentius audiebam, quandoquidem uiri usque uitae imaginem oratione tua ita mire nobis exprimebas, ut crederem me non in Bybliotheca domestica esse,

uerum

uerum in Pergula nobilissimi alicuius Pictoris, ubi tabellas duas spectarem, in quarum altera expictus esset homo, qui doctus a puero institutus, & artibus ingenuis eruditus esset, quique magistratibus inhonoratam uitam ageret, cum tamen omni frueretur honore, quē afferre solent existimatio uirtutis, & mores suauissimi, & bonorum gratia. in altera ille, qui primum omnibus adulescentiae sordibus uolutatus, mox patriae honoribus uteretur, essetq; impius, demens, & Dis, hominibusq; infestus uiueret. Ac mea quidem sententia fallitur, qui existimat motus, opera, casus, & argutias uultus humani ita oratione non posse representari, ut pictura redduntur. Quid multa? ausim affirmare perfectum oratorem, si quisquam modo perfectus sit orator, ita facile posse nitorem, laetitiam, lumina, & umbras rebus dare, quas oratione exponendas suscipit, ut pictorem suis coloribus, & pigmentis facere uidemus. nam uterque artem & similitudinem dirigit ad naturam, & naturae opera. Neque uero minus nos tenent quae mente, & cogitatione comprehenduntur, quam quae oculis spectantur. imo animus ingeniosissimi cuiusque maiorem capit uoluptatem ex orationis elegantia, quam ex blandiore aspectu lineamentorum, & pigmentorum. quae quidem lenocinium commendationis ita habent, ut delectent, non ut iuuent. Sed hoc nimirum Iuli tu melius statues, quippe qui Patruus tui consilio, & diligentia perinde educatus es, ut mos patrius ferebat, & grauissimi Philosophi praecipiebant. I V L.

Prorsus Laurenti. nullum enim genus antiquarum literarum omisi, quod non attingerem, quia suspicabar praecipua uitae ornamenta esse literas. incensus quae etiam sum maximo studio perdiscendi Muscam, & Picturam, quoniam haec ad perfectiorem corporum notitiam adiumentum affert maximum, illa, quod faciat, nos otium honeste, & cum magna animi uoluptate tenere, si modo illud complecti uelimus. In exercitatione autem rerum, quae ad bellicam laudem, & ad militarem gloriam pertinent, non ita assidue sum uersatus, ut optabam, quod uerebar, ne periculum ui-


MEDICES·LEGATVS.


te adire propter summam corporis gracilitatem, & infirmitatem. quo quidem periculo paucos admodum liberatos uidebam ex æqualibus meis, qui simili habitu, & figura formati essent, præsertim si accessisset labor, & lacertorum contentio. Neque uero tantum mihi sumo, & arrogo, ut audeam ex picturæ profectu diiudicare artificum opera, ob quam utilitatem illam expeti et oportere ait Aristoteles. id enim hominis est, qui eiusmodi arti totum se dediderit, uerum id facere possum, ut huius artis opera cum alterius artis operibus conferam, quod etiam tu Laurenti fecisti mei imitatione, & uter scientius naturam rerum ante oculos ponat, diiudicare. Itaque non dubito, quin mediocris orator, nedum hic noster summus, possit uerbis aptis, lectis, & illustribus idem efficere, quod insignis pictor præstare solet suis pigmentis candoris, & ruboris, & alijs cuiusque generis coloribus scite omnino adhibitis, et eleganter. Atque ut aliquando erumpat uox digna ingenuitate mea, tu certe mi frater in tantis tenebris erroris, & inscitie clarissimum lumen prætulisti menti meæ. siquidem putabam ante fortunatos eos, quorum uita honorum splendore illustraretur. atque etiam demirabar iudicium eorum, qui honestum otium a negotijs publicis seiungerent, & quasi discernerent, cum altera uitæ degendæ ratio cum altera commode iungi posset, quamuis coniunctio illa, & societas difficilis esset. Verum tamen iudicabam hoc distinguere hominem gnauum, & industrium ab homine socorde, & inerti, quod ille facile præstaret ea, ad quæ hic ne aspirare quidem posset. Nunc uero disputatione tua eruditus intellego istas honorum accessiones esse quasdam exaggerationes miseriarum uitæ, & blandissimas plane uoluptates animum ab rectis officijs detorquentes. Sed perfacile tibi fuit me in sententiam tuam adducere, quod uix quartumdecimum ingressus eram annum, cum patria excessi, ac propterea illecebris urbanorum honorum irretiri non potui, alios autem honores contempsisti, & præsertim, quos cum cæteri principes, & Italiæ Populi, tum Pontifices ipsi Romani multos mihi detulerunt.


P R I O R

Sed ut libere tecum agam, nonnihil me commouit superioribus diebus lectio commentarioli, quo Plutarchus Chæronensis quærit, an recte dictum sit *αὐτὸ βιωτὰς* hoc est uiuus sefellit, ut Flaccus interpretatur. Etenim post longam disceptationem statuit uocem istam explodi oportere cū auctore suo, quicumque ille fuerit. atque hanc quidem elucubratumculā Plutarchus intorsisse mihi uidetur cum in alios, tū in Apollonium præcipue Tyansensem æqualem suum hominem diuinissimum, & qui magis è cælo delapsus mihi uidetur, quàm in terra editus, si tot admirabilium operum auctor fuit, quæ à Philostrato, & ab Hierocle cū Eusebeii tamen indignatione referuntur. Ille igitur frequenter in ore habuit uocem hæc. In uita obscurus esto. quod si non quæas, incompertum sit, te mortuum esse. Me autem quāquam honores non admodum sitientem, nec falsam gloriam auide appetentem, huius tamen præstantissimi Philosophi auctoritas magnopere commouet. dicerem etiam de sententia deduxit nisi propositum mihi esset omni in genere iudicium tuum magis sequi, quàm cuiusque Philosophi auctoritatem.

LEG. Hodie si ita uobis est commodum, finem faciamus & inambulandi, & disputandi. nam aliquid tribuendum est ualitudini. in crastinum autem differam meam de Plutarcho sententiam, simulque scrupulum, quem nunc Iuli perdifficilem iniecasti, eximam, quoniam magis animo uacabo, & nihil habebo, quod huic sermoni præuertendum putem. IUL. Age uero, ut placet. sed constitue quod loci nobis ueniendum sit. Bybliotheca enim non satis uidetur idonea ad longiorem audientiam, tum quod amici domum uenientes nos fallent hoc præsertim tempore, quo domus celebratur ita, ut cum maxime, tum etiam quod nimis obstructa sit auris spirantibus. cras igitur in Ortis tibi dicenti operam dabimus. LEG. Sane ita mihi uidetur. modo inter uos constet me non Epicureum fore, etiam si in Ortis disputaturus sim.







PETRI·ALCYONII·MEDICES·LEGA
TVS·POSTERIOR·DE·EXSILIO.
AD·EVNDEM·NICOLA-
VM·SCHONBERGVM.
PONTIFICEM.
CAMPANVM.

EXSILIUM·QVIDEM·NI
colaë si ipsum pro se loquatur, nec
tam pertinacium Sophistarum habe
at patrocinium, cōcessurum arbitror
se convictum rationib: quas priore
libro attulimus. Neque uero consiliū
fuit causam nostrā probare exem-
plo Atheniensium, qui Testularū suf-
fragiis cogebant ad Decem annos ciues eos abesse à patria,
qui aut opibus, aut cliētelis, aut populari gratia alijs prae-
starent. nam id genus exsiliij communisci uisi sunt ad aequa-
bile ciuitatis ius tutandam & auctoritatem frangēdam ci-
uium potentiorum, ne patriam aliquando tyrannide sua
deuincirent. quanquam illa paulo post concidit hoc prae-
pue malo dum seditiosos homines reip. praeficerent, et opti-
me meritos ciues cogerent patrijs sedib. Disq; Penatib. reli-
ctis inopem, & uagam uitam persequi. Superest nunc, ut
quasi perfecto operi fastigium imponamus, hoc est, ut ad
extremum quasi in conspectu ponamus quae idonei aucto-
res de uita honorata, & gloriosa tractarint. qua in re nō
omnes consentire uideo. Siquidem certa erant ueterum ma-
moriam quae de expetendis honorib. diu solerent, & sepe ra-
tim Scholae habebantur de hoc argumento, ut de Exsilio, de
interitu patriae, de seruitute, de debilitate, de caritate, & de
omni casu, cui nomen imponi solet calamitatis. Quin eti-
am Aristoteles Philosophus tum rerum abditarum, & ob-

f



scit arum, ut græce dicam, ἀντιοχοῦ ἰωάννου, tum sic mul-
tiplici laudum genere excellens, ut ex eo omnis uirtutis spe-
cimen capi possit, cum ad usum popularem, & civilem de
rep. differeret, hac quoq; in re animi pendet, nihilq; ex ue-
terū sententiā decernit. id, quod certe in explanatione eius-
modi rerum facere nō consuevit. atq; etiam nihil ferē ipse
excogitat, quod ad labefactanda illorum scita p̄tineat, sed
immoderatis illorum sententijs modum præscribit, & lau-
dabile quoddam temperamentum obstinatori tantorū Phi-
losophorum uolūtati, & in contendendo obfirmatori adhi-
bet. Nam cum essent, qui civiles honores ideo contemni opor-
tere dicerent, quod existimarēt ingenui hominis uitam, ean-
demq; in primis expetibilem, diuersam esse à civili, cumq;
haberentur etiam qui optimam hanc esse putarent, quoni-
am fieri non potest, ut otiosus recte agat, eademq; sit recta
actio, & felicitas, censet sapientissimus Philosophus utrosq;
partim uera sentire, partim falsa. Etenim uerum esse in-
quit liberi hominis uitam potiore esse uita heri, & domi-
ni, quandoq; dem seruo, qua seruus est, nihil graue, nihil ma-
gnificum constare potest. domini etiam potestas, & de reb.
necessarijs mandata nullam habent communionem cum re-
bus honestis, et liberalib. Sed falsum quoq; esse ostendit oēm
potestatem esse dominationem, cum præsertim nihil minus
differat liberorum potestas à seruorum potestate, q̄ per na-
turā ingenuus, et liber à mancipio, & per naturam seruo.
Denique honestum esse statuit, illum sequi, & colere, qui uir-
tute præditus sit, & facultate rerum optimarum agenda-
rum excellat. atque etiam iustum, eidem ipsi parere, ac ob-
temperare. Sed Aristoteles forsitan sua respexit tempora.
quib. homines uirtutis studio ita dediti erant, ut illa ad bo-
norum salutem tuendam uterentur non ad prauorum com-
moda augenda abuterentur. id, quod nostra memoria ab
omnib. propemodum fieri uidemus. Facultatem enim quo-
tus quisque habet, qua sit ἡγεμονία, ut Græci dicunt? cū
tamen illam cum uirtute necessario coniunctam esse debere
scribit Aristoteles in ciue, qui temperator ciuitatis sit, et sum-
mæ reip.

mae reip. praeponatur. Quid multa? ille ipse temperator
animo magno, elatoque res humanas despiciat necesse est,
quandoquidem felicitatis compos nunquam esse poterit, nisi
semper, aut maxime ea agat, et contempletur, quae ab ex-
sita honesti, et uirtutis ratione proficiantur. Fortunam eti-
am utcumque cum eo agentem moderate feret, et omni ex
parte aequabiliter, quippe qui uere bonus, et constans sit.
atque etiam ut quadrantalia occurreret, id, quod ab Aristote-
le primum quoque dictum est. haec enim in terram si decum-
bant, semper celsa, semper erecta, semper stantia uisuntur,
quoniam in aequabilem partium mensionem diffunduntur,
Nec uero pro domesticis commodis, sed pro dignitate, com-
muniq; felicitate, negotium publicum gerere, et quasi excu-
bare debet, quod etiam Scipionem apud M. Tullium sen-
sisse accepimus, cum de optimo statu ciuitatis, et de optimo
cuiue differeret. Ut enim, inquit, Gubernatori cursus secun-
dus, Medico salus, Imperatori uictoria sic Moderatori reip.
beata ciuium uita proposita est, ut opibus firma, copiis locu-
ples, gloria ampla, uirtute honesta sit. Huius enim operis
maximi inter homines, atq; optimi illum esse effectorem uolo.
Verum hac in quaestione, tanquam in ulcere unguis, Plutarchus
exsistit, qui ambitionem, et honorum contentionem maximis ef-
fert laudibus et hominem, ut ita dicam, quoquomodo honesta-
tum antepositum priuato, et a muneribus reip. uacuo. quam quidem
quaestione, ut tantus scriptor sustinere possit huiusmodi postero-
ris libri disputatione tractatur. Neque uero illum mouit Poeta
Lucretius, qui nullos inferos esse suspicatus popularis hono-
res affectantem, et illorum repulsam ferentem Sisyphum esse canit.
Sisyphus in uita quoque nobis ante oculos est,
Qui petere a populo fascers, seuasq; seures
Imbibit, et semper uictus, tristis, que recedit.
Nam cum uideret id non clarioribus Graecorum monimen-
tis testatum, et consignatum esse, auctorem talis sententiae
neque laudari, neque laudatum confutari oportere iudicauit.
atque id, quam recte factum sit, hoc quidem loco disputare
non attinet. Praeterea nihil mihi fraudi esse uelim, quod

Et si in argumento honorate uitae ab illo plurimum dissen-
tiam, tamen paucula quaedam exempla sumpserim ex li-
bello, quem idem ipse Plutarchus de Exsilio composuit.
Siquidem et humanitatis expers, et uitae communis igna-
rus haberi possem, si quae censuissem perperam ab illo tra-
dita non refellissem, et quae praeclare exposita legerentur,
illustri gratia non excepissem. eoque etiam magis, quod eius
modi exempla ille forsitan mutuatus est ab altero scripto-
re, ut quae de contemnenda morte, et de luctu minuendo
ad Apollonium usurpauit. haec enim ex consolatione Stoici
Crantoris in morte filiae suppilantur. id, quod his paucis dieb.
Florentiae obseruauimus, cum eundem Plutarchi commenta-
rium, et M. Tullij quaestiones Tusculanas una euolueremus.
Etenim M. Tullius eadem, quae in Plutarcho leguntur exem-
pla, quaestione tum prima, tum secunda refert, atque illa
ipsa ex Crantore se excerptisse demonstrat. Memoria quoque
teneo me tum audisse, te multa capita orationis pro Archia
Poeta contulisse cum Euagora Isocratis, atque deprehendisse
M. Tullium illum graeciae Oratorem, quem praecipue admirabatur,
apte etiam imitatum fuisse, et suauitatem suam in puro, et
candido dicendi genere inde sumpsisse. a qua quidem re in
imitando Demosthene maxime abhorret. nunquam enim
sententias illius integras latine redditas in suas transfert
orationes. quod duriores, incultiores, et horridiores eas iu-
dicaret, quam teretes, et limatae ciuium Romanorum au-
res ferre possent, cum tamen ex illo arripuisset eximiam il-
lae argumentandi uim, et in docendo, ac explanando sub-
tilitatem, et denique in tota causa agenda ordinem. M. qui-
dem Brutus a tali Isocratis dicendi genere abhorrebat. ac
propterea non solum a Cicerone dissentiebat, qui tantas lau-
des in eum Oratorem congregabat, quique ex Platonis testi-
monio tantopere eundem ipsum ubique efferebat, sed Ora-
torem etiam, quem M. Tullius libro ad eum scripto infor-
marat, non satis probabat. id, quod ex quadam Ciceronis
ad Atticum epistola cognoscere licet. uoluntas nimirum, et
natura, unde oratio nascitur Brutum trahebat ad eam di-
ctionis

etionis formam, quæ pressa, seuera, & quasi mœsta esset.
 Tantis igitur laudibus dignus semper mihi uisus es Nico-
 lae, quantis omnes te nunc maxime in cælum iure, & uere
 ferunt. siquidem è tanta perplexitate latinæ orationis, &
 uarietate scriptorum admirabilem urbanæ eloquentiæ ni-
 torem selegisti, quem sic in scribendo seruas, ut omni-
 um Oratorum latine loqui elegantissime uideare. Testes
 sunt Orationes plurimæ, quas Romæ & apud Pontifices
 Maximos, & in summorum Antistitum ordine habuisti. il-
 læ enim non minore doctissimi cuiusq; admiratione legun-
 tur, q̃ plausu, & omnium laude, cum haberentur, audie-
 bantur. Testes item conciones tuæ grauissimæ, omnibus que
 oratorijs uirtutib. ornatissimæ in Germania, & Pannoniæ
 conuentibus. quib. nimirum perfectum est, ut Maximianus
 Caesar designatus qui ab rationib. Francisci Regis Galliæ
 dissentiebat, inimicitias Pontifici Maximo condonarit, ar-
 mæque cum illo sociarit ad frangendos spiritus Turcarum
 Regis, qui deuicta Syria, & Aegypto Italiæ imminerebat.
 Testis præclara Historia earum rerum, quæ nostra ætate
 in Italia, & in prouincijs transalpinis gestæ sunt. præcla-
 ra inquam & admirabilis, quod rerum copia, & senten-
 tiarum uarietate abundet, & fide maxime illustretur, uer-
 borumque delectu, & apta compositione politissima sit.
 quam etiam scribendi laudem felicissime consecutus est
 Paulus Iouius tuus in ea Decade, qua res omnes cõplexus
 est, quæ toto terarum orbe gestæ sunt post, quàm Carolus
 VIII. Rex Galliæ cum maximis copijs transgressus Al-
 pers tranquillum Italiæ statum perturbauit, & prima fu-
 nestissimorum in Italia bellorum iecit semina. Historia
 enim huius clarissimi scriptoris omnes elegantie flores
 omnia eloquentiæ lumina habet, & mira orationis clari-
 tate splendet. usque eò omnia ornate narrantur, & regio-
 nes aut pugnae admirabiliter describuntur, & conciones
 hortationes que prudenter, & grauissime interponuntur.
 Denique illius auctor uarietate, euagationib. amplificatio-
 nib. digressionib. non minus præstantis Historici, quàm exi-

MEDICES • LEGATVS.

mij Oratoris laude ab omnib. decorari debet. Testes etiam multo studio elucubratī commentarij, in quos retulisti quicquid ē recentioris Theologiæ libris excerpti poterat memoria dignum, & scitu præclarum, ubi etiam demonstras quatenus id totum uel cum ueteri Academicorum, & Peripateticorum disciplina consentaneum est, uel ab ea discrepat. Opus sine controuersia tum copia, & uarietate rerum pulcherrimarum, tum dicendi nitore, ac elegancia absolutissimum, & cuius dignitas omnib. latine orationis insignib. & præstantissim Theologi, ac Philosophi ornamentis amplificata luminib. obstruet multorum Theologorum, quos uulgo ideo doctrinæ, & ingenij gloria celebres iudicat, quod propter summam innocentiam, sanctissimos mores, singularem uitæ integritatem, atque constantiam a superiorib. Pontificib. in numerum Diuorum relati sunt. Et quoniā perpetuo illius argumento uersaris in uero a falso secernendo, & in hac ipsa re, ut in alijs multis, primas tibi omnes deferunt, ideo attentior ad primam huius posterioris libri partem cognoscendam lector, et iudex mihi optandus es, quippe quæ tota disquisitionem uitæ honorata, & priuata contineat. Itaq; iā memoriæ sermonem prodamus, quem postridie tres ijdem Medices habuerunt, quorum pridiani etiam sermonem exposuimus. Atq; illi qdem ex condito omnes inclinato iam in pomeridianum tempus die in Ortos ueniūt, ibiq; confidunt, Iulius & Laurentius, ut magna cum audiēdi expectatione, ita Legatus cum nō minore dicendi auditate. Ergo sic natum est exordium.

LEG. Hæc quidem amoenissimorum Ortorum facies me admonet ut prudentem illum agricolam imiter, qui in Phædro Platonis describitur. Is enim semina, ex quibus suauis expectat fructus, non æstate in Adonidis ortos sparget, quo intra octauum diē puleros decerpit fructus. quin potius, si uera colendi agri laude ducatur, sementem faciet in feraci solo, & satis se consecutum putabit, si post octauum mensem effusam uiderit frugem. Idē quoq; mihi ipsi efficiendum statuo. nam in animis nostris inserere ne-

casse

esse est perpetuam quandam constantiam fortunæ aduer-
sæ tolerandæ. Quinetiam acquiescere non debeo in præ-
senti plausu, quo orationem meam prosequi soletis, sed a
uobis cauere, nos tali animo semper futuros, nedum ad
octo menses. id, quod prudentem Agricolam de sua fruge
optare debere Plato dicebat. I V L. Quò ista uer-
gunt mi frater nescio. Veruntamen illud apud animum tu-
um testatum relinquam, nos minime uelle pudoris nostri
dammum apud te facere. id, quod certe fieret, si nunc ali-
quid tibi repromitteremus, quod mox optima fide tibi non
præstaremus. imò a te nunc expectamus ea, quæ heri de
Plutarcho te dicturum pollicitus es. atque eo magis, quod
suspitor tuum iudicium de tanto auctore non nihil a meo
discrepare. L E G. Plutarchus quidem Iuli unus is
fuit, qui ut æquales omnes Græcos laudatarum artium,
et utriusque linguae scientia, atque antiquitatis nostræ, et
Græcæ in reb. inuentis et actis peritia uincebat, ita ma-
iora laudis testimonia habuit, et ampliorib. honorib. affi-
ctus, exquisitorib. q. iudicijs ornatus est, in primisq. Tra-
ianè Caesaris, qui hoc specimen uirtutis, iudicium animi, et
lumen dignitatis suæ fore putauit, si eundem ipsum Consu-
lem declararet, et iuberet, ut cunctæ Illyridos præsi-
des nihil decernerent, nisi quod illius testimonio confirma-
tum, et uoluntate ratum esset factum. Et iure quidem ille
clarissima hæc uirtutis insignia, hos laborum fructus, hæc
uigiliarum præmia est consecutus. nam Græcorum omnium
unus, qui post fractas a Philippo, et Alexandro Græciæ
opes fuere, Strabonem semper excipio, probandus mihi ui-
detur, sed non in omnibus suis scriptis. Quæ enim de uir-
tutibus, de hominum moribus, de disciplina ciuitatum, de
rep. de imperio, de re militari disputat, tot præceptis confu-
sa sunt, ut ad ea distinguenda altero ferè Plutarcho auctore
opus sit. atque ita multas habent, obscurasque sententi-
as, ut uix intellegantur. ac propterea difficile arbitror ex
eorum lectione cultiorē instituere uitam. Genus autem ora-
tōis, quod ad hæc ipsa tractanda adhibuit, exile, aridum,

MEDICES LEGATVS.

minutum est, & aliquando inflatum, nonnihil etiam sub-
 morosum, & stomachosum, cum æquabile, & temperatum
 esse deberet. hoc enim ad docendum aptum est. ostendunt
 tamen illa omnia auctorem suum ita mirabiliter mora-
 tum fuisse, ut uoluerit rectas artes, & excellentem rerum
 scientiam, non ostentationem sui profectus esse, sed legem
 uitæ, & morum magistram, & omnium suarum actio-
 num ducem. Alteru genus scriptorum in manibus est, quo
 ritus, mores, instituta græcæ, latinæque gentis, & insignium
 uirorum res gestas, consiliaque & fortunæ uicissitudines
 exponit. opus nimirum pulcherrimum, & uarietate sua in-
 cundissimum, maximæque laude dignissimū. sed illud plane
 maiore etiam laude dignum facit excidium urbis Romæ,
 disturbatioque municipiorum Italiæ, & aliæ maiorum no-
 strorum calamitates. cū enim Plutarchus illud ipsum Græ-
 cis potissimum suis scripsisset, ad utilitatem etiam Latino-
 rum hominum nonnihil pertinere cœpit, post, quā Ro-
 ma imperium amisit, & Bybliothecæ combustæ sunt, &
 in ruinis euersæ, atque afflictæ Italiæ nostri homines uiue-
 runt. hi enim cum inopia eorum auctorum premerentur, a
 quibus res Romanas mutuatus esset Plutarchus, ad illius
 Græci commentarios confugerunt. eoque magis, quod uide-
 bant ex illis ipsis magnam antiquitatis nostræ, & græcæ
 in rebus inuentis, & actis cognitionem papi posse. Fusi-
 or quidem horum librorum est oratio, & multo redundanti-
 or, sed asperior, & grandior, quā lex componendæ Hi-
 storiciæ patiatur. ut enim ex Cicerone didicimus, nihil est in
 Historia pura, & illustri breuitate dulcius. Omnino ille mi-
 hi uidetur grandis quidam, & ut ita dicam, Tragicus Hi-
 storicus. atque sic statuo ex tribus illis rebus, quas in Ora-
 tore spectandas esse censet Platonius ille Socrates, naturam,
 multarum rerum disciplinam, & exercitationem, præcipu-
 um Plutarcho defuisse naturam, duas reliquas superfuisse,
 in primisq; multarum rerum disciplinam. quam quidem
 studijs nostris eatenus persequi debemus, quoad eloquenti-
 am illustret, nō obscuret, et obruat. Ex priore autem scri-
 ptorum

ptorum genere sunt dictata ista de uita illustri, quibus te suspensum haberi dicis Iuli. atque illa quidem semper iudicant ab homine effusa esse ad ingenij exercitationem, non ad perpetuam nominis sui laudem. Rationes autem, quas colligit, non ita certæ sunt, ut probent quæ de honore sentimus, falsa esse. quasdam enim de illis edidici magis prudentiam hominis requirens, quàm suspicans me ex illarum memoria aliquando sententiam mutare posse. nam certo sciebam illum errare, & alios etiam errare cogere. multis igitur me illas afferre, & quàm falsæ sint demonstrare?

I V L. Id quidem ipsum optabamus, pro Laurentio enim, qui minor est natus, meo iure respondeo. sed pudore impediemur, quo minus id peteremus. nam suspicabamur eam sanè rem maiori oneri tibi fore, quàm omnem sermonem, quem heri habueris. L E G. Atqui maiori est futura uoluptati, quoniam uos omni solitudine liberatos uidebo, à quibus certe oculos nunquam deijcio.

I V L. Amor tuus ex omnibus partibus sese mihi ostendit in sermone tuo. & quocunque me uerto, beneuolentiae, & pietatis tuæ maxima in me signa uideo. Omnino esse in meo infinito mœrore magis sollicitus, nisi aliquando curam, & angorem animi mei sermone, & consilio leuares tuo. atque utinam fortuna facultatem nobis det, ut in huiusmodi communicatione sermonum diu amore nostro perfruamur. L E G. Præceptionem igitur suam Plutarchus ita instituit, ut dicat, qui hanc uocem pronuntiauit, V I V E N S fefellit, ideo pronuntiasse, ut obscurus non esset, quippe qui alios intelligentia superans speraret se falsam gloriam adepturum ex cohortatione ad gloriæ contemtionem. Quæ malum, ista consutatio. nam huius sententiæ auctor nomen suum suppressit, quia re probare uoluit id, quod animo sentiebat. Et certe obscurus est, quoniam quoniam auctor sit, non satis constat. Præterea nullam falsam gloriam captabat alijs cohortandis ad gloriæ dispiciendâ, quandoquidem falsa gloria ea est, quæ ex falsa improborum fama emanat. Sed ille æquè negligens fuit bonæ, &

MEDICES • LEGATVS.

malæ famæ cōtentus officio diſtaxat ſuo. Nihil aut ad cauſam pertinet exemplum, quod attulit de ſiculis illis Philoxeno, & Gnathone, qui ad epulas inuitati ſe emungere ſolebant in pultaria, quo conuiuiſ alijs nauſeantibus illi ſoli appoſita deuorarent ſercula. nam qui priuatam, & ingloriam uitam probant, ad ſecuritatem animi ſui, et tranquillitatem reſpiciunt, non ad gloriam, & ad honores ab alijs repudiatos. Contra edaces illi ſiculi appoſita obſonia heluabantur, cum reliquos conuiuias mucore ſuo à cibis arcerēt. Nec uero quæ propoſuit de homine in puppi ſedente, clauum quæ tenente conueniunt ſimilitudine ulla cum honorū contemptore, & uitam priuatam colente. Qui enim, inquit, ad puppim ſpectat, proræ quidem impetum incitatio- tiorem efficit, ut reperiſſus fluctuum maris omni ex parte arripiētes nauigium impellant. Sed tamen hi in nauigio ſemper conſiſtunt, portum ſemper tenere auent, & honorem nauigij gubernandi ſemper obtinere uolunt. Priuatus autem ciuis ab rep. remotus eſt. nullum item à fortuna portum quietis precatur, ſed eo utendum eſſe cenſet, quem animo iam pridem ſibi conſtituerit. Reip. quoque gubernacula omnia ſpernit, & interquieſcens alijs aditum pateſcit ad ea tenenda. Præterea quorſum, inquit, oportebat hoc præceptum dare? quid illud ſcribere? & ſcriptum diuulgare, ac poſteritati prode- re? ſi latere uolebat æquales, cum ne poſteris quidem obſcurus eſſet futurus. Equidem iudico quicumque ſcitum iſtud protulerit uoliſſe æquè notus eſſe æqualibus, ac poſteris, cum utroſque moneat ambitioſam uitam fugiendam eſſe. & eo quidem magis, quod in otio diſcere poſſumus multa, quæ ſummo ſtudio, & cura à ſapien- tiſſimis uiris tradita ſint ad beate uiuendum, quæ que uel optimis in rebus, et uſui, et delectationi eſſe poſſint. In nego- tio autem, præſertimq; publico neceſſe eſt in foro uerſari, in curia frequentem eſſe, in celebritate, & oculis ciuium uine- re. ita nullum tempus ſuppedit, quod ſtudijs literarum, & uitæ honeſte, feliciter quæ agenda dari poſſit. Neque uero hoc ipſum præceptum deſteſtabile eſt, quoniam, ut ait, périn

de uiuatur, ac in suffocatis sepulcris, & in abditis umbraculis. certe istiusmodi uitæ genus non designat pronuntiator huiusce sententiæ, sed id, quod a negotijs publicis remotum sit, & gradum quasi præsternat ad felicitatem facilius assequendam. illa enim uita ferarum, & bestiarum est, quæ quidem lustra quærun, & latebras, ubi se condant. hæc hominum, & eorum planè, qui meminerint se ingenuè natos, quorum proprium est nemini parcere, libertate uti, sic uiuere, ut uelint. Tum Plutarchus ego, inquit, dixerim ne male quidem uiuens obscurus esse uelis, sed nobilis & resipisce, poeniteat, & siue compos uirtutis es, omnibus usui esto, siue uitijs obrutus, curationem recipito. Non isthæc præcepta consentiunt cum moribus, & institutis tuis præclarissimis Plutarcho. Damnaſti tu alijs, & quidem merito, ac optimo iure Herostratum, qui magnificentissimum Dianæ Ephesiæ templum inflammabat, ut nomen suum per totum orbem terrarum peruagaretur. quāquam Ephesij mox sciuerunt, ut omnis memoria nominis illius sempiterna obliuione deleteretur. Theopompus tamen primus ausus est illud exprimere. Damnaſti etiam Pausaniā Philippi Regis percussorem, qui tantum Regem interfecerat, quod audierat ab Hierocle, siue Hermocrate Sophista insignem aliquem uirum interficiendum esse, si perpetuam gloriam consequi uellet. At Plutarchus dicit resipiscito, poenitentia ducatur. Quid si nolit? aut non possit? nam plerunque eiusmodi homines ad committenda scelera pertinacia sua obdurescere uidentur, aut confestim acerbissimas pœnas lunt insaniæ & furoris sui. Contra si uirtute præditus est alia sane uia potest usui esse ciuibz suis, ut si doceat, scribat, commentetur. atque hæc quidem uia tutior est, quàm si magistratus adipiscatur, & remp. gerat. Si uero uitijs inquinatus est, certe nullum genus medicinæ fibras eiusmodi aegritudinis euellere pôt. qn deprauata natura altius cotidie agitur, et latius serpit ad huius, aut illius iniuriā et malediciā. Tali ineptæ gloriæ cupiditate flagrarūt apud Latinos maxime Bauius, & Menius, quos Vergilius, & Horatius inu-

MEDICES • LEGATVS:

stos maledictorum notis perpetuæ posteritati inuisos reddi-
derunt. Distinguere, inq̃t, oportebat cui præciperet, si indo-
cto, & homini nequam, perinde, ac si dixisset, cum febre,
aut mentis motione teneris, da operam, ut nemo sciat te con-
flictari eiusmodi morborum genere, cum contra fieri debe-
at. nam & morbi detegendi sunt, & Medici arcessendi ad
curationem. Sin bonis, Epaminondæ, inquit, dicis ne Impe-
rator ad bellum proficiat, Thrasibulo, ne Tyrannos in-
terficiat, Lycurgo, ne leges sanciat, Socrati, ne disputet. Di-
stinxit certe Plutarche, & bonos à malis se creuit. nō enim
omnibus præcipit, sed ijs tantūmodo, qui animo quieto uiue-
re cupiunt. cum præsertim medicinam ægritudinum ani-
mī plerique gratam, & probatam habeant, complures su-
spectam, & inuisam. Tales autem sunt improbi, & nefā-
rij homines. Discrepat etiam nōnihil similitudo, quam de
eo attulit, qui morbo laboraret. is enim si febre tentetur,
aut si mente ita motus sit, ut ex intervallo resipiscat, profe-
cto medicum uocat, se curandum præbet, & curatus illi-
us artem suo etiam testimonio Deorum immortalium inuē-
tioni consecratam probat. Clarissimus quoq; copiarū duci-
bus præcipit, et cū primis Epaminondæ, quoniam hic laudē
uictoriæ ad Mātineā partē obitu suo aliqua ex pte obscu-
rauit. ob eamq; rem existimo illum si optio data esset, præ-
positurum fuisse uitam longiorem uictoriæ illi tam memo-
rabili. Alij item insignes uiri, quos commemorat, omnes ex-
tremum uitæ diem ignominiosa morte confecerunt. Thrasī-
bulus enim Athenas triginta Tyrannorum dominatione li-
berauit, libertatemq; populo restituit, cum tamen nullam
propemodum gratiam pro tantis beneficijs sibi referri sen-
serit. nam corona diuitatib; donatus est à populo, quæ fa-
cta erat ex duabus uirgis oleaginis, & maritimo bello Im-
perator præpositus, cum classem ad siciliam appulisset ab
lixis quibusdam, & calonibus interfectus est. Lycurgus eti-
am reip. regendæ scientissimus quamuis Lacedæmonijs ma-
xime salutare leges constituisset, & patriæ dignitatem am-
plificasset, persepe tamen explosus est, aliquando etiā lapi-

dib. petitis, denique sirentis populi telis altero oculo at-
 ptus patria eiectus est. Quem fructum suorum laborum
 peraperit sapientissimus hic legum scriptor? quæ præ-
 mia uirtutis, quæ laudum suarum insignia perspicue uide-
 tis? certe, si quietem, & honestum otium ambitioni prætu-
 lisset, parem suæ uirtutis exitum habuisset. Socrates autem,
 qui philosophiam primus e caelo deuocauit, si præcepta illi
 us ipse solus seruasset, nec ueritate fretus, ut dicebat, uoluis-
 set publicum errorem tollere, nunquam mortiferum pocu-
 lum hausisset. quanquam post nauim e Delo appulsam,
 quod tempus neci illius destinatum erat, ita constanter e ui-
 ta excessit, ut in cælum uideretur ascendere, ad melioremq;
 uitam transire. id quod à Platone etiam in Phædone com-
 memoratum accepimus. Et Philosophus qdem hic summus
 maximarum rerum scientia, non honorum ambitione fla-
 grabat, sed doctrinæ, quæ certe maxima interdum mala
 nobis inurere solet, præsertim si ostentationi coniuncta sit.
 Imbecillitatem rerum humanarum, uarietatem quæ fortu-
 næ alij etiam experti sunt, quos ipse laudat, ut Pythago-
 ra, ut Epicurus. Prudenter igitur Q. Cicero faciebat, qui
 M. Fratrem ab omni contentione in rep. ac dimicatione re-
 uocabat, in memoriam ei suggerens tam præcipites horri-
 bilesq; casus Græcorum hominum & Latinorum de qui-
 bus heri memini. Sed ille ambitione ardens sui consilij hæc
 afferebat causam. talia iam neque in integro sibi esse posse
 & summos suos labores magna compensatos gloria mitiga-
 ri. Quid etiam, inquit, spectant communes mensæ? quid stu-
 dioforum, & honestorum hominum congressiones? Quid
 tot uersuum millia ad Aristobulum, ad Cheredenum scri-
 pta, acurate quæ composita? nimirum, ut ne extincti quidē
 obscuri sint, ne uirtutem obliuione, ne deses otium arte, ne
 silētium Philosophia, ne obliuionem honestis actionibus de-
 scribas & præfinias. Mensæ qdem communes, ad id per-
 tinent Plutarche, ut ex consuetudine uictus amicorum fa-
 miliaritas augeatur, & amici noui parentur. quæ commo-
 da priuatorum diuturnat mensæ afferunt, & has auctor

MEDICES • LEGATVS.

uocis probat. Honoratorum autem hominum epularem ac-
 cubationem, & tempestiua conuiuia damnat, quoniam illa
 plerumque instruuntur ad uoluptates corporis subobsce-
 nas, ad libidinem explendam, ad tollendum amicum feraci-
 lis, quæ, ut ait ille, ueneno sint adipata. Coetus amicorum,
 & sermones honestorum hominum etiam mutuam affe-
 runt delectationem, quia de rebus maxime instituuntur,
 quæ libidines detestentur, & honorum ambitiones, inimi-
 citiarumq; contentiones uanas esse doceant. Et hoc quidem
 uiuere est, ut obscurus sis non omnibus, sed hominibus tan-
 tum potentibus, qui suam potentiam ad bonorum perniciem
 conuertunt. Extincti etiam coluntur à bonis & gratis si su-
 persites sint, propterea quod illorum memoriam crebris
 sermonibus celebrant, & nomen diuinis ornant laudibus.
 Qui obscæna patrant, & illiberalia, hos latere debere
 scribit Plutarchus. Quod si quis existat, qui in rerum na-
 turæ contemplatione Deum laudet, illiusq; iustitiam, &
 providentiam extollat, & in uita morata leges, & societa-
 tem, & rep. commendet, in rep. celebret honestum, non
 utile, cur inquit, uiuus hic ignotus esse debeat? Flagitiosam
 profecto uitam superioris generis hominum perpetuis te-
 nebris offusam esse oporteret, cum ex ea nullum exem-
 plum peti possit ad uitam laudabiliter agendam. uerum
 id fieri nequit. imò fors ita fert, ut nihil apertius, nihil ce-
 lebrius, nihil tota urbe uulgatius sit flagitijs, quæ secretis
 in locis committuntur, multa enim ipsorum flagitiorum con-
 scij, pleraque riuales, plurima tempus ipsum indicat. Con-
 templatores item rerum diuinarum, & laudatores uitæ,
 tum moratæ, tum civilis si deprehendantur minus conten-
 ti statu uitæ, in quo uersantur, habet iniquos, quorum ser-
 mones in eorum nomen erumpant. non carent maleuolis,
 qui famam illorum lacerent, qui dignitatem conuellant. nō
 desunt etiam qui uitæ eorum insidientur, & denique ad
 mortem adigant. id, quod supra de Socrate demonstravi-
 mus. Affert etiam exemplum de Camillo. à quo Roma ser-
 uata est, sed ille exsul ab Ardea ad patriæ salutem aduo-

POSTERIOR.

lauit. factumq; illud posteri omnes acceptum retulerunt benignitati fortissimi, & præstantissimi ducis, non uirtutibus eorum ciuium, qui tum remp. moderabantur, quandoquidem illū paulo ante exsulatum ire cōegerant. Si Dionem, inquit, Plato non cognouisset Sicilia in libertatem uindicta non fuisset. Enimvero Plato ille fuit, qui Syracusiu Dionem doctrinis omnibus expoliuit, quiq; non linguae solum, uerum etiam animi, ac uirtutis magister eundem ipsum ad liberandam patriam impulit, instruxit, & armauit. Sed nimirum præclare actum fuisset cum Platone, si nunquam in Siciliam uenisset, præclarius cum Dione, si Platonis auctoritatem secutus non esset in liberanda patria. Platonem enim Dionysius superior uenundari iussit tanquam uilissimum mancipium, cum tamen ante ille, ut inesceret credo hominem, fuit enim acer, & subdolos in rebus gerendis, permiserit Siculos eidem sic obuiam prodire, ut nihil fieri posset honoratius. Quin etiam Dionysius filius nauis uittata illum ipsum ad se uenientem excipi iussit, & ipse quadrigis albis præsto fuit homini in litus egredienti. Dio autem rerum nouarum cupidus audite quantum spe sua falsus sit, filium amisit paulopost, quam domum reuersus est. Dionysium pernecessarium expulit, patria frui non potuit, quam tanta cupiditate dominatu regio liberarat. eam enim coactus est tradere administrandam Apollocrati, Heraclidem etiam ciuem Syracusanum opibus, affinibus, & clientelis florentissimum obtruncauit, in bona ciuium locupletium inuasit, eaque suis militibus attribuit. Quam ob re ciuibz uniuersis ita inuisus erat, ut Calicrates Atheniensis existimans populo Syracusio se rem gratam facturum, hominem e medio tollere sit ausus. Post quod factum Dionysius in possessionem dominatus potentissimè restitutus est. Quin etiā, inquit, animus hominis propter obscuritatem in desidi otio quasi situm contrahit, & uetustescit. At muta quies, uitaq; languida in otio deiecta non solum corpora, sed etiam animos tabefacit, perinde, ac aquae sepositæ, quæ cursu impedito putrescunt, quoniam umbra opa-

MEDICES. LEGATVS.

centur, & desident, sic torpescunt hominum uita si quid
habet usui futurum, consumitur, & cum neque proficiat,
neque potum sui elargiatur, natua illa uis senectute depe-
rit. Nihil statuis Plutarche, quoniam obscuritas nullum
prorsus situm affert illius animo, qui honestum otium per-
sequitur. imo priuatus ciuis, quem nos probamus, ab omni
langore abest, cum quies illius neque muta sit, neque obscu-
ra hominibus uirtute præditis. quanquam lateant poten-
tes, & furiosos. Nec sanè uitam probamus otio penitus tor-
pescentem, quoniam hæc sua desidia marcescit in morem
aquarum desidentium, quæ putrescunt, & tetrum factu-
rem expirant. Nec contra eorum uita placet, qui imperia,
& magistratus appetunt, quique humana, & diuina iura
peruertunt, et omnes gradus honorum percurrere audent,
quo auaritiâ suam expleant, tanquam torrentior ali-
quis flumini, qui præcipiti cursu delatus omnia proster-
nat. Mediocritatem utriusque uitæ laudamus tanquam lim-
pidi lacus aquam, quæ sedata sit, & sine salebris remis-
sione lapsu destuat in hac enim & tuta nauigatio est ad uo-
luptatem, & cōmoda piscatio ad utilitatem. Inconstans sa-
nè noster Demosthenes, qui re non probauit id, quod ani-
mo sentiebat. Siquidem rem unam aiebat esse omnium dif-
ficillimam multis placere. atque etiam cum duæ essent uicæ,
una ad inferos, altera ad suggestum, & tribunal, sanè
mentis hominem debere eam eligere, quæ ad inferos duce-
ret, si optio daretur. Sed tamē nihil in tota Græcia illo fu-
it ambitiosius, nihil ad claritatem, & amplitudinem ardē-
tius, nihil etiam ad suscipiendas contentiones paratius. Itaq;
præclara Atheniensium ciuitas omni fortuna prosperius
functæ esset, si ille mediocritatem in reip. honorib. seruas-
set, secutus quæ esset Antisthenem doctissimum illum Socra-
ticæ disciplinæ alumnus, qui patientiam, & duritiam in
præceptoris etiam sermone maxime adamasse dicitur. Is
enim interrogatus, quo pacto quis accedere deberet ad rēp.
respondit quemadmodum ad ignem, neq; ualde propè, ne
urere, neque procul ne algeas. At Demosthenes non prius
concionari

POSTERIOR.

concionari desistit, quàm noua miseri, & concitari mala uiderit. Et Athenæ quæ XXXXV annos uniuersæ Græciæ, & quidem uoluntariæ imperium tenuerant, ut idem ipse Demosthenes in oratione de digerenda ciuitate inquit, quod tamen amiserunt ciuium ignauia, libertatem autem funditus perdiderunt ambitione, & licentia Demosthenis concionantis. Nonne uides etiam, inquit, nocte instanti corpora inertia torpore distineri, & animos graui admodum socordia corripitur, & compressam rationem in se ipsam tanquam ignem restinctum ob ignauiam, & mœstiam cum imaginibus sparsim diffusis colluctari, & quantula sit hominis uita indicare. Hoc merum cauillum est Plutarche ingruentibus enim tenebris multa aguntur ab industrijs hominibus, quæ commodè non queunt de die confici. Atqui tempus illud maxime aptum est ad dictandum, ad meditandum, denique ad cogitandum quemadmodum uitam die cum honestate, cum laude, cum honore tueamur. propterea ueteres Græci noctem ἀπὸ πόνου appellabant. Nocte etiam uigilamus, & diligentia nostra freti ueternum depellimus. quo tamen tempore ignauorum hominum corpora maxime inuadi solent. atque etiam ignem Solis instar nobis esse arbitramur, eoque utimur ad actiones honestas. Ne multis. somnus cum tanquam publicanus, ut Aristoni placet, dimidium temporis, & uitæ nobis eripiat, quæ breuis admodum concessa est, efficitur profecto ignis opera, ut possimus nocturnæ æque elaborare, ac de die. Magno argumento esse debet ille ipse Demosthenes. hic enim nocturnum tempus præcipue sibi commodum esse sentiebat ad commentandum, ad legendum, ad scribendum. Quam ob rem Pythea dicebat eiusdem orationes nocturnam olere lucernam. designans nimirum laborem, quem eximus Orator in cultu earum nocte suscepisset. Exstat quoque M. Varronis testimonium de lucubrationibus. Cleantis, qui cum inopia rei familiaris premeretur noctem ferè totam partim illiberaliter elaborando partim lectitando consumebat, ut uacuis, & otiosis diem conferre posset in Zenonis præcepta audienda. Cicero item

MEDICES. LEGATVS.

Ser. Sulpitio Græciæ præfecto rescripsit, q. ei significat se propter occupationes intermittere studia literarū. A studio, inquit, te abducta negotijs intellego ex tuis literis, sed in aliq. iam noctes te a iuuabunt. Tu Plutarchus, Egdē arbitror, inquit, et hanc ipsam uitam, qua fruimur, & ortum nostrū, & humani generis communionē à Deo nobis datam esse ad cognitionē. Rē controuersam, et multis quæstionibus implicatam Plutarche, ut pspiciā, et certam proponis. Inter omnes tamē cōstat nos ad magnificentiora, et ad altiora natos esse, quā ad mutuam cognitionem. alij enim existimant nos edi, & in lucem suscipi ob uirtutem, alij ob honestatem, alij ob scientiam contemplandi, felicitatem que humanam consistere in Dei cognitione, & illius numinis admiratione. atq. Peripateticorum hæc fuit sententia ab auctoritate principis Aristotelis repetita, quam Christiani quoque Theologi aliqua ex parte probarunt, etiam si asserere nisi sine nos eiusmodi felicitatis compotes esse non posse, nisi post corporis interitum. Ac mea quidem est sententia, inquit, ueteres ob similem causam hominem Phota, hoc est lucem appellasse, quod uehemens cupiditas ingenua cuique sit mutue cognitionis propter naturæ cognitionem. Si locus est Latino homini in afferendis uerborum græcorum. etymis aduersus Græcos, dicerem potius Phota Græcis appellatum esse hominem, quod ex omni animalium genere unus supra omnia emineat tanquam lumen quoddam clarissimum propter fabricationis excellentiam, & propter cælestem uirtutis doctilitatem, & diuinam quandam rationis præstantiam, quam solus ille obtinet. Tum animum, inquit, ipsum nonnulli e Philosophis luminis natura præditum esse affirmant, & cum alijs utuntur coniecturis, tum ea potissimum, quod animus ab ignoratone rerum abhorreat, & quicquid obscurum est, tollat, & tenebrosos rebus perturbetur, cum timoris, & suspicionis plenæ illæ uideantur. Lux autem sic suauis, & amabilis est, ut nullam sane rem uel suapte natura iucundam in tenebris uideamus. Delirantiū figmenta, aut mera ægrotantium somnia fuerunt illa Plutarche, quæ in hanc

hanc sententiam allata sunt à ueteribus de natūra animorum, è quorum numero primus fuit Heracletus. Is enim ex igni tantummodo animum constare affirmat, & illius qualitatem, ut Philosophi dicunt, animo tribuit. ac propterea & à Græcis appellari uitam contendit, quod id nomen efferuescentiam significet, quippe cum animus sit feruor & ignis. Cum Heracleto sic deliranti faciebat Alcmaeon Crotoniata magis ipse delirans, etiam si Physicus appellaretur. Ecquis iam ad Philosophos istos reprehendendos non exardeat? ecquis ad tam ineptas, insulsasque sententias conuellendas non moveatur? Animorum certe in teris nulla origo inueniri potest. nihil est in animis mustum, atque concretum, aut quod ex igni natum, atque compositum uideatur. nihil frigidum, nihil humidum, nihil siccum, nihil stabile, nihil igneum in re tam diuina est, quandoquidem in hisce naturis nihil inest, quod uim reminiscentiæ, & cogitationis habeat, & quod præterita teneat, & futura provideat, & complecti possit præsentia. atque hoc quidem præstare summæ diuinitatis est. nec inuenietur unquam, unde ad hominem uenire possit animus nisi extrinsecus à Deo, ne, an aliunde nihil hic disputare attinet. quanquam si Christianos audire uolumus, ut audire debemus, Deus, Deus ille est, qui animum ex mente sua decerptum nostris in corporibus cōcludit, rem planè celestem, diuinam, eternam, immortalem, & quam posteritas omnis consequentis temporis excipiet. quin nihil aliud esse corpus arbitramur, nisi appendicem animi, & sic rationem cum eo habens, ut sui usum, tanquam instrumenti præbeat. Nos autem rebus ludis, & per spicuis oblectamur, quia natura ita fert, ut ad res iucundas, & salutares accedamus, à tristibus, & pestiferis recedamus. atque tales tenebræ sunt. Nec uero animus is est, qui uoluptate afficitur. sed nos per animum, hoc est id, quod ex animo, & corpore conflatum est. Si enim animus mœstitiā, aut lætitiā aperet, nimirum, & texeret, & edificaret. id, quod Aristoteles primus omnium memoriæ prodidit, & qui ex illius familia profecti sunt, con-

MEDICES • LEGATVS.

stanter affirmant. Sed tamen non negauerim eiusmodi motuum fontem, & causam esse animum, atq; etiam illo ipso complecti rationem architectandi, & edificandi. Deniq; sic statuo, ut opifex & faber exstruit ædēs, non ars ipsa architectandi, & fidicen lyram pulsar, quamuis faber, & architectus ex ædificent ex arte, & fidicen pulset ex musica, ita animū nec dolere, nec lætari, nec misereri, nec irasci, sed hominem p animum. Et iam exitum institutæ orationis expediui non ut uolui, sed ut me temporis angustiae cogerunt, atque etiam edidi quæ potui contra formam uitæ illustris à Plutarcho græcis uerbis expressam, quam quidem latinis etiam uerbis ita reddidimus, ut multa præterierimus, quæ ille ipse colligit ad probandam sententiam suam, quoniam iudicauimus illa longiore non indigere consutatione. & eo quidem magis, quod ea, quæ proposuimus satis esse possunt ad explicandas rationes ferè omnes, quæ ppetuo suæ institutionis argumento attulit. Sed quando emeruisse iam è uadis & scopulos præteruicta uidetur oratio, facilis sanè mihi cursus ostenditur ad reliqua persequenda. atque inter hæc sunt, qui de ueterum maximo memoria inhonoratam uitam prætulerunt illustri, & gloriosæ, cum tamen ante maximis imperijs, & honoribus fungerentur. I V L. Nisi supra tam plena manu, tam ingenue, tam ornate ueras Plutarchi laudes in astra sustulisses, iudicaret omnino eundem ipsum segregandum non esse à numero aliorum Bædiorum, qui cum cælo uterentur crasso, & concreto male audire solebant à ueteribus Græcis, ut hebetis, & obusi ingenij homines. Itaque testimonio adductus tuo, quod ornatissimum dedisti de ingenio, & doctrina eiusdem auctoris, posthac studiosius commentarios illius lectitabo, & si quando locus inciderit siue perplexitate elocutionis, siue abstruso uerborum usu mihi subobscurus, consulam Varium Camertem, qui Bybliothecæ nostræ præest, hominem literatissimum, et humanissimum, aut scipionem Carteromachum familiarem etiam nostrū, cui tametsi latinus est, attamen uel Græci ipsi in suæ lingue cognitione

POSTERIOR

cognitione & subtilitate primas deferunt. tecum enim collo-
quendi, qui illo nō inferior es, perraro facultatem habeo;
quandoquidem priuatis amicorum negotijs, & orbis terae
procuratore magnopere distringeris. Neq; uero me mul-
tum mouebunt rationes, quas de uita honorata tanquam to-
tidem iacula uibraſti in praestantiſſimum ſcriptorem, cum
intellegam te ingenij acumine, & argumentandi ui, non
cauſſa ſuperiorem eſſe. Præterea quis de ueteribus Græcis,
necum Plutarchus multo recentior poſſeſſionem ſamæ, &
dignitatis ſuæ retinuerit te contradicere? Gratiffima quo-
que mihi fuerit enumeratio eorum, qui honorum ſplendo-
rem obtinentes in ordinē ſe redegerunt, modo illos à memo-
ria multorum annorū remotos propter uetuſtatem cogare
ex præclarioribus literarū monimentis repetere. nam quæ
leguntur in quibuſdam ignobilium ſcriptorum libellis de
Rachifio Langobardorum Rege, & de Carolomano Gal-
liæ Rege, qui fratribus regna tradiderunt, ipſi quæ priuati
in Monachorum Cœnobijs uixerunt, mira quidem mihi
uidentur, ſi uera ſunt, ſed quæ à Chriſtianis hominibus
perbelle expectari poterant, quorum propria laus eſt pœ-
nitentia duci eorum, quæ peccarint, & ſclerate fecerint.
expiarunt autem illi hoc modo ſclera, ne dicam ſlagitia,
quæ tantis bellis gerendis commiſerant. Factum etiā lau-
dant Ceſtini V. Pontificis Maximi, qui tanto honore ſe
abdicauit. ſed qui illorum temporum hiftoriam ſcribunt,
auctores ſunt Ceſtini ad id compulſum fraude Benedi-
cti Caietani, qui poſtea idem ſacerdotium adeptus, uoluit Bo-
niſacius VIII, appellari. Memini etiā Alphoniſum mino-
rem Neapolitanum Regem, dum uiueret, in Ferdinandum
filium regiam appellationem transferre, & regno relicto
priuatum in Sicilia nauigare, ubi etiā obiit. Sed hic quoq;
ultra cum laude inſignia regia depoſuit, ueritus ne cū igno-
minia illis ſpoliaretur. Gallorū n. armis urgebatur. Ergo
à te audire cupimus ea, quæ diſſimilia horū ipſorū exēplis
ſunt, quæq; ab alijs, quāquam dicantur, tamen non ualde
ad ſe inuitant hominē politioris elegantiae perſtudioſum,

MEDICES LEGATVS.

nam septa sunt undiq; & uestita barbariæ uepribus, & sordidorū uerborū quasi dumetis occupata, cū puia esse deberent, et culta, et conspsa uerborū elegantiarūq; pulcerrimis floribus. LEG. Omnino Iuli abducito ex acie Bæōtiōrū Plutarchū, et illū collocato in præsijs eorū Atticorū, q̄ admirabili sua doctrina, et ingenio fractum, & debilitatum Græciæ nomē sustentant. Quin et existimo M. Tulliū, qui primus apud Latinos tam iniquā sniā tulit contra Bæōtiōs, aliqd remissurū fuisse de acerbitate sua contra Bæōtiōrū ingenia, si Plutarchi uolumina legere aliquando ei contigisset. Iudicium autem meum cognouisti, quod aut sequere, si probaueris, aut tuo stabis, si modo iudicaueris me non ostentatione, aut gloria adductum hæc contra Plutarchum disseruisse, sed potius tibi gratificandi studio. Audiui et te p̄sepe referentem exēpla eorū, q̄ spretis honoribus, otium, & tranquillitatem uitæ cōplexi essent. simulq; cognoui te factū eorū magis mirari, q̄ laudare, cum diceres illos propemodū coactos uitā esse ignobilē secutos. Itaq; rñdere uoluntati tuæ hac in re nulla alia rōne me posse intellego, nisi aliquos tibi cōmemorauero, q̄ etsi honorati erāt, ultro tñ iglorij, et ignobiles ad supremū uitæ diē puenire uoluerūt. IUL. Certe. LEG. Est Probi Aemiliij liber de insignibus uiris externis, Historici elegantis, & non mendacis, q̄ testatur Dionysium Siciliae Tyrannum cogitasse de deponenda Tyrannide. idq; post, quā patrem tam feliciter medicamento soporifero sustulisset, & solus rerum poteretur. Platonem quoq; laudat, qui eiusmodi consilij auctor fuerat Tyranno. Sed plus gratia Philisti Historici apud hominem ualuit, q̄ Philosophi Platonis auctoritas. Ille enim cum moribus, & uita improbus esset, cumq; liberius lingua uteretur, existimabat, se posse facilius obtinere licentiam cupiditatum suarum, si in dominatione Tyrannum retineret, cuius præsidio munitus ad omnia scelera raperetur. Sed Tyrannum hunc æquales eius ita afflictum uiderunt, ut paucos unq̄ de Tyrānide deiectos nec uiderint, nec audierint. pulsus. n. regno opulētissimo a ciuibus, qui su p̄biam, & rapinas illius ferre

us ferre nō poterant, coactus est uitam ignobilē desiderare, q̄ cōmode iter suos egiſſet, ſi malos ſuaſores repudiaſſet. Nec uero ille à maximis exercitib. oppreſſus in tantas incidit erūnas. qn̄ potius cum Dionē reprimere nō poſſet cōtra ſe ueniētem cū rotundo uno nauigio, aut cū duob. & paucis militib. ut Diodorus tradit, tantis opib. tot exercitib. relictus profugit. id qđ Demosthenes de tēporū mutatione diſſerens cōtra Leptinen clamat. Verū ille Parētis credo uocē deteſtandā, et exſecrabilem meminerat Tyrannū pedib. tractum nō inſidentem equo Tyrānidē relinquere debere. Huius exemplo commotus Hiero ingraueſcente ætate cogitaſſe ēt fertur liberāſ Syracuſas relinquere, ne imprudētia Hieronymi nepotis regnum amitteret, q̄ paruus admodū in domīnātū ſuccēſſurus erat, qđ nō longo ſanē intervallo euenit. nā Hieronymus interfectus eſt, & mox Demarata, & Heraclea filiæ Hieronis cū Andronodoro genero, & nepotibus & reliq̄s regiæ ſtirpis affinibus, & propinquis oppreſſi ſunt. Perpetuam Dictaturam Sulla depoſuit, in quā primus inuaſerat, triūq̄ peſiferorū uitiorū magiſter habebatur luxuriæ, auaritiæ, & crudelitatis, illoq̄ felicior nemo id temporis erat, ſi copias hominis, opes, et maiēſtatem, & ædiū magnificentiā reſpexeris. Hūc quidē ipſum imitari uoluit Auguſtus Cæſar in Rep. reddenda, ſemel poſt oppreſſum Antonīū, iterum moleſtia diuturni morbi. Cauſſam, cur id, quod cogitaret, nō effecit, qđā afferunt, qđ ſuſpicatus eſt ſe priuatum nō ſine piculo fore, et tantum imperiū plurimorū arbitrio temere cōmitti. alij ſcribūt Auguſtū Verglij auctoritatem eſſe ſecutum, q̄ homini ſuaſerat expedire ei, atq̄ adeo omnibus mortalibus illū principē eſſe, cum æq̄tatem, & fidem omni in genere tueretur. Ego cum diligenter euoluērem Hīſtoriā illorū temporū græcæ, & latine ſcriptam obſeruare memini Auguſtum Lūiæ uxoris blāditijs plurimū indulgere ſolitū. hæc autē Tiberiū filiū ſuaſſorē relinq̄ uolebat. p̄p̄ea factum exiſtimo, ut in poteſtate retinēda p̄ſeueraret. Sed illa, ut maturius ēt filiū principē uideret, q̄ priuignus Auguſti erat, uirū necauit ueneno in ſica

MEDICES • LEGATVS.

dato. id, quod longa Dionis Historici lectione compertum est. Non præteribo Diocletianum, qui multa post secula rerum potitus est. Is enim cum primum Cæsar salutatus est, Maximianum consortem imperij legit, et optimo animo, summo consilio, singulariq; concordia Remp. tutati sunt. atq; etiam ambo eodem die imperium deposuerunt, et summam potestatem sibi ipsis, ut ita dicam, abrogarunt. Diocletianus Nicomediæ, Maximianus Mediolani, cum uterq; etiam filios sibi adoptasset, ille Galerium Maximianum, hic Constantinum Chlorum, q; deinceps imperium una administrarunt disparibus tamen studiis. Ac huiusce qdè memorabilis facti laus illustrior apud posteros esset, si quandiu principes illi fuissent, Christiani generis homines omnibus intolerandis patientiæ humanæ cruciatibus nõ lacerassent. quem animum tanq; hereditarium etiam habuerunt successores illorum. Christianos. n. grauius afflixerunt. Multi etiã alij, opinor, commemorari possunt, q; excelsò, et magno animo dispexerunt honores, ut in animis suis placidissimam pacem essent sentirent. sed nobis propositum non est omnia exempla cõquirere. p̃tinet enim illud ad eos, qui separatim hanc scholã explicandã suscepunt. Nobis certe satis nũc erit his tantummodo exemplis usos esse, ut probaremus alterã causam nõ magnopere iustam esse, cur exilium malum esset, quam nescio q; sapiẽtes afferunt, quod exsules patriæ honoribus careant. Reliquũ est, ut tertiam causam persequamur, in qua breuius omnino erimus, tum quod orationẽ iam eduximus ex magnis difficultatibus, qbus ratio ista honorũ obstructa tenebatur, tum quod hæc ipsa causa explicatu facilis habeatur, quæ est de amicis, et cognatis, q; si absint tristitiã, et asperitatẽ exilij maiore efficerent solent. IUL.

Vt Aristophani Poetæ longissimus quisque uersus Archilochi gratissimus et dulcissimus erat, ita oratio tua in hac omnino re, copiosa, mihi et pulcherrima, et ornatissima uisita est. quanq; tantus cursus uerborũ fuit, et sic trãsualauit oratio, ut eius uim, et incitationem aspexerim, uestigia, et ingressum nõ uiderim, in animo tamen meo aculeos quosdã defixit

defixit contemnedorum honorum, quandoqdem illos probasti esse rem falsam, incertam, cautam, & mobile, privatum autem honestum, que otium unum esse altissimis defixum radicibus, quæ nulla unquam labefactari, nunquam dimoveri loco possint. Beneficiū igitur tuū magno cumulo auxeris, si reddideris quæ restant, quoniam confido illa fore insignia ad maximam laudem, & apta ad levandum desiderium, et luctum earū rerum, quæ mihi me ipso cariores semper fuerunt. LEG. Necessariorum. IUL. Sane.

LEG. Compertum equidē habebam animum tuū nulla alia re tam grauius exacerbari posse, nisi memoria necessariorum. itaq; ad eum mitigandum hanc primum rationem inibimus, ut demonstremus illos non semper honori, & usui nobis esse. quæ in re non longius aberrabimus ab inuentis Aristotelis. sunt. n. huiusce diuini Philosophi præceptiones in primis necessariæ ad recti, honestiq; uim intelligendam, & eas res perspicendas, quæ congruant cum descriptione naturæ, unde et amicitia exsistit, & cognatio nascitur. Ex monimentis igitur tati auctoris didicimus tria amicitiarū genera institui, propter utilitatem, propter uoluptatem, & propter uirtutem, quæ sola in excellentia consistit.

Amicitiam autem propter utilitatem eiusmodi esse, ut q se mutuo ament, nō p se illi amore flagrent, sed quoad aliquis fructus cōmuniter ad utrumq; redundet. Eandē quoq; rationem esse amicitie propter uoluptatem conciliatæ, quoniā festiui, urbaniq; homines non amantur, qā tales sunt, sed potius, qā iucundi sint, & uoluptatem afferant. Ergo statuit q cōmodi causa amant, eos priuatæ utilitatis causa diligere. contra q ob uoluptatem amant, propter id amare, quod sibi iucundum esse sentiunt, non quatenus talis est is, quē amore profectantur, sed quoad usui est, aut uoluptati. Postremo rem uniuersam præfiniens censet eiusmodi uincula amicitiarū facile dissolui posse, cum æquabilitate teneantur. eadē enim res ab utrisq; aguntur, & inter se capiunt rem unā pro alia commutantes, ut uoluptatem pro utilitate. Tertium quoq; genus amicitie demonstrat esse stabile, & fir-

MEDICES. LEGATVS.

num, et constans, cum penitus propter uirtutem sit. atq; idē probat omnis calūniæ expers esse, & sine exceptione laudabile. nam instituitur inter parētem, & filium, & inter alios cognatos. qualis etiam est senioris, & iunioris, uiri, & uxoris, principis, & eius qui dedititius est, imperioq; pareret. Sed tamen inter hæc amicitiarū genera nō nihil interesse, quoniā cuiusq; horum uirtus, & functio uaria est. Discrepare etiam id, quod singulos ad amorē attendit. ob eāq; rem uarios esse amores, & amicitiarū genera. atq; easdem qdem res utriq; ab altero nec agi, nec postulari oportere. qn cum liberi ea deferunt parentibus, quæ se illis debere intellegunt, & parētes ea filiis tribuunt, quæ tribuenda sunt, comodum, fixam, & constantem, & liberale esse amicitiam. quanquam comparationem amoris ex proportionē fieri oportere dicat inter has amicitias, quas in excellētia uersari supra ostendimus, ut si dicamus par esse potiorē hominem, & utiliore magis amari, quā amare, & quēuis alium eius generis ad hūc planē modū. Præterea asserit quāquam omne genus amicitie in societate consistat, tamen alijs uideri eā distrahēdam esse, quæ ad sodalitatem, & affinitatem ptineat, quandoquidē tum ciuium, tum tribulū, tum simul nauigantiū, & aliorū eiusdem generis amicitie similes ijs sunt, quæ in societate uersantur. nā quasi stipulationē quadā teneri uidentur. Inter harū numerū eam quoq; refert, quæ ad hospitalitatem ptinet. Cognatorū qdē amicitia multiplicem esse confirmat, sed omnē à paterna proficisci. parētes enim diligunt liberos, ut rem quāpiam sui. liberi uero parētes colunt, ut rem etiam aliquam ex illis. Quid? quod parētes magis exploratum habent eos, q; sunt ex se ipsis prodire q; liberi, se ex illis emanare. atq; etiam magis, ut ita loquar, id, ex quo procreati sunt, cum illis coaluit, q; contra. Tēpus etiā ad beneuolentiā, & eiusmodi pietatis uincula nōnihil conferre. Parētes. n. incipiunt filios amare, simulac in lucem editi sunt, filij uicissim parentes nō colunt, nisi procedēte tempore, idq; rerū intelligentia duce, aut naturæ sensu commoti. Ergo parentes, acq; filios

amare, ut se ipsos, & eo quidem magis, quod intellegunt fi-
lios esse tanq̃ se alios p̃ disiunctionem. Inter fratres aut̃ mu-
tuam pietatem esse debere, quod ab iisdē originem trahāt.
idem enim quasi naturæ consensus auctor est eiusdē rei am-
bobus. hinc arbitratur ēt adagio celebres factas esse voces
illas, eiusdē sanguinis, eiusdē stirpis sunt. Magnā quoq; ac-
cessionē facere ad amicitia simul educatos esse, idem tempus
ætatis agere. æqualis enim æqualem delectat, & ipsi fa-
miliares sodales sunt. ob eamq; rem fraternam amicitiam
similem ei esse, quæ ad sodalitatem pertineat. Patruales,
& alios propinquos ex his ipsis cognationem habere, quia
ex eadem stirpe prodierunt, atq; alios magis, alios minus
attingere pro ratione propinquitatis, aut longinquitatis ab
ipso generis auctore. Intercedere quidem caritatem inter
filios, & parentes, pietatem inter hominēs & Deos, quoni-
am parentes, & Di beneficia contulerunt maxima. aucto-
res enim fuerunt nostri ortus, educationis, & institutionis.
Hanc item amicitia incunditatem habere, & utilitatem ma-
gis afferre, q̃ alienorum. idq; etiā quanto magis uita com-
munis est illis, & latius patet. In fraterna porro amicitia
eadem esse, quæ in ea, quæ ad sodalitatem pertinet, & ma-
gis in ingenuis, & deniq; in similibus quanto coniunctiores
sunt, et ab ineunte ætate se mutuo dilexerint. atque etiam
quanto magis moribus iij congruant, qui ex iisdem orti. &
una educati iisdemq; præceptis eruditi sunt. id enim, quod
tempus probat, & ratum, & fixū esse oportet. Atq; hæc
sunt prima tanquam semina eorum, quæ paulo post profe-
remus. quanquam autem in hac quæstione Peripateticos po-
tissimū sequemur, tamen, cum necesse fuerit, illos deferemus,
& ad mores, institutaq; nostrorum temporum declinabi-
mus. Itaq; omnem disputationem de necessitudine ita perse-
quemur, ut expendamus an in necessitudinib. nostrorum tē-
porum tria illa sint, aut esse possint, quæ in uera necessi-
tudine spectari debeant, uirtus, ut res honesta, consuetudo,
ut res suavis, utilitas, ut res necessaria. Principio inter o-
mnes conuenire arbitror, amicitiam diuturnam esse non

MEDICES. LEGATVS.

posse, nisi illa uirtutis opinione conciliata sit. At quæ nā hæc est? Certe fortitudo, ut certas quasdā attingamus uirtutes, in quib. necessario enitescere deberemus, si de amicitia ea loquimur, quam bellica laus parere solet. cum enim audierimus imperatorem aut feliciter hostes uicisse, aut urbem munitam expugnasse, nomen illius colimus, cupimusq; in gratiam illius insinuari. Et eo quidem magis, si in uictos clementia, et placabilitate usus sit. Verūtamen paucos admodum comperimus, qui ex tali officio fructus coeperint, quos optare uidebantur. imò quidam amici facti istorum imperatorum obrectatione pulsati sunt, alij etiam occisi ab ipsdē imperatoribus. Vidimus Cæsarem Borgiam plurimos sua manu inungere, quos ante in amicitiam receperat, homines eius laudis fautores, honorisq; cupidos. Sin autem de fortitudine domestica, et civili sermo est, quæ hodie quæso nouimus, quæ ea præditus sit? Et ob quam illi amicus esse cogare? Et, ut hinc incipiā, nemo non tenuē censum fugit, et diuitias appetit, ut intemperanter illis utatur, nemo non opes affectat, ut in luxu, et uitæ diffluentia uerseatur, nemo non honores, et uoluptates cupit, ut uel potentiā habeat, uel gaudeat, et suas cupiditates expleat. Quæ constantia in taliū amicitijs esse potest? quæ fides? nullus certe eius generis homines amabit nisi is, quem turpissimæ uitæ similitudo conciliauit, nemo etiam eiusmodi amicitiarum nodum amabilissimū iudicare poterit, præter illum, qui oblitus sit ipsdē morum, et uitæ sordibus. Cōtra fortes arbitrantur si ea non extimescant, quæ extimescere oportet, ut infamiam, ignominiam, dedecus. fortes etiā iudicant, qui inopiæ, aut amoris fugiendi causa sibi ipsis mortē consciscunt, cum ij potius habēdi sint timidi, quorum propriū est ea declinare, quæ laboriosa sunt, et facta difficilia. Neq; uero necessitudinis iura cum eo seruanda sunt, qui auaritia infāmatu ad uoluptates rapitur seruilers, et ferinas, quales intemperantes quidā sunt, gulæ, et cupiditæ dediti, quiq; undiq; suauitates congrunt, et more pecudū in libidines effunduntur. Bestiarum enim maxime est eiusmodi res consecrari, illis quæ plurimum gaudere, cum ad eas non ratione, sed sensu im-

pellantur, cuius proprium est ea corpori parare, quæ cupi-
 piditati illius satisfaciunt. Quinetiam serui, & qui in fa-
 mulatu sunt uentri plus nimio indulgent, illumque re-
 plent, & quasi inferiunt. unde ad uenerem proclivitas na-
 scitur maxima. carent enim isti liberali educatione, & ni-
 hil aliud spectant, quàm corporis sagmam. Dolorem præ-
 terea incredibilem sentiunt, cum id uoluptatis genus asse-
 quari non possunt. quem quidem dolorem ex desiderio uolupta-
 tis oriri credimus, quæ blandissima domina animorū est.
 Quid loquar de alia parte honestatis? quæ in animi ex-
 cellentis magnitudine, & præstantia cernitur. Hanc autem
 paucissimi nostris temporibus obtinere mihi uidentur. nec
 enim se dignos rerum magnarum administratione osten-
 dunt, cum ea affectent, quæ procul absint ab laude, à de-
 core, ab honestate. propterea neque magnis honoribus di-
 gni haberi possunt. imò optimus quisque eos stolidos, iner-
 tes, ac dementers existimat. Quanta autem in perturba-
 tione animi studiosum honesti hominem uersari arbitra-
 mini cum intellegit se necessitudine coniungi cum eo, q̃ sor-
 dida uitæ munera obire cupiat, & officijs semper fungatur
 parum sua existimatione dignis. Quod certe potissimum ijs
 contingere solet, qui propinquos habent in altiore hono-
 rum gradu constitutos. qualis auorum memoria Renatus
 Neapolitanus Rex fuit. hic enim pictura maxime de-
 lectabatur, & ob eius studium res maximas conficere
 neglegebat. Illum & familiares, & propinqui reguli
 admonebant, è dignitate regia non esse dies, noctes que
 in pingendo consumere, semper que tabellas contemplari,
 & defiguratione corporum disceptare. ad quos responde-
 bat se non minus pictorem, quàm Regem natum esse. At
 quàm melius consulisset sibi, & posteris suis, si tantam cu-
 ram non egisset artis illius pulcerrimæ quidem, sed Re-
 gibus nunquam admodum necessariæ, profecto ex illo regio so-
 lio non excidisset, nec priuatus in Galliam Narbonensem
 nauigasset. Platonici nostri hanc animi excellentiam, &
 magnitudinem ornamentum aliarum uirtutum esse puta-

MEDICES LEGATVS.

bant, quibus obsoletis florent Peripatetici eiusdem ferè ad-
iutores, auctores que sententiæ. hi enim censent magnitudi-
nem animi solere amplificare laudem aliarum uirtutum,
neque illam ipsam consistere posse, nisi cum conatatu reli-
quorum ornamentorum. Iam uero quis ferret magnani-
mos nostræ ætatis? in quibus inest incredibilis cupiditas
honorum, quos sciunt sibi non tribuere posse uirtute prædi-
tos homines, sed nequissimos, & turpitudine uitæ infames.
illis autem magnopere lætantur, ut consentaneos suæ uirtu-
ti, cum tamen uirtuti perfectæ nullus honos dignus haberi
possit. Franguntur autem leuissimo quoque fortunæ res-
ta, & semper animo abiectiores sunt, quàm opus sit, nec
possunt in rebus secundis non magnopere efferrî, in ad-
uersis autem non deprimi. Contemptores etiam acquita-
tis sunt, quam nemo seruare potest, qui mortem, qui do-
lorem, qui exsilium, qui egestatem timet. Nec intelle-
gunt neminem uere honestari posse, nisi qui bonus sit, &
alios beneficijs ornet. contra ad accipienda ipsi beneficia
parati semper, expediti que sunt. quibus etiam nullam re-
laturi sunt gratiam, quandoquidem putant illos benefici-
um contulisse propter suæ uirtutis opinionem non propter
eorum ipsorum humanitatem, beneficam que naturam.
odiosi quoque solent esse uel cognatis amantissimis, nedum
alienis, cum beneficia exprobrant, quæ certe commemora-
re debet is, qui accipit, non is, qui confert. eoq; magis quod
magnanimi est semper amicum promereri, nonnihil au-
tem ipsum subpudere, si beneficio afficiatur. alterum enim
pertinet ad hominem superiorem, alterum ad inferiorem.
Idem etiam, cum beneficium remuneratur, maiora confert,
quàm acceperit, propterea quod is, qui prior beneficio pro-
uocauit, insuper debebit, & beneficio ornabitur. Memoria
quoque tenet eos, quos officijs prosecutus est, obliuiscitur au-
tem, à quibus ipse ornatus est. Magnanimus enim semper
exstare, & superior esse uult, atque cum uoluptate alia
referri audit, alia nō item. Nimis quidem Peripatetici ad
uiniū istuc refectant, quandoquidem asserunt magnani-

nam obliuisci oportere eos, quos liberales, & beneficos ex-
 perti sint, ut altitudo animi semper emineat. Ego uero, exi-
 stimes licet, quid lubet, censeo in omni uicissitudine officio-
 rum, & studiorum dandam nobis operam, ut semper con-
 seruemus memoriam eius, qui de nobis quoquo modo bene-
 meritus est, & illum non solum pari officio remuneremur,
 sed etiam maiori, si integrum sit. Omnino magnanimus in-
 referenda gratia Hesiodi praeceptum seruet necessum est,
 quod eadem mensura reddere iubet, qua acceperis, aut eti-
 am cumulatior si possis. Iniurias potius uolo ipsam obli-
 uisci, & maleficia illata, quoniam qui illa despicit, & homi-
 nem etiam despicit, qui iniuriam fecit. ita enim intelligitur
 in culpa is esse, qui iniuriam fecit, non qui accepit. Propria
 etiam laus magnanimi est, nihil studere, ut alij uexentur,
 nec ut ipse lauderetur. A maledicentia quoque abstinet, pro-
 pterea quod hominum nullam, aut certe tenuem curam a-
 git, & praesertim eorum, quos sua uitia puniunt. Ergo ne-
 cessarius, qui idem sit magnanimus, plurimum sibi ipsi con-
 fidere debet, atque etiam sic uirtute, & industria munitus
 esse, ut paucis egeat, suaeque omnia in seipso posita indicet.
 Quid? coniunctio nonne facile dirimitur cum eo, qui nul-
 la lenitate praeditus uiuat, quiue nec orationi, nec irae mo-
 deretur, nec linguam contineat. Placet tamen necessarius,
 qui irascatur amico pro re, qua opus sit irasci, modo absit
 naturae iracundiae acerbitas, quoniam aspera illa admoni-
 tio accipienda est amice, cum beneuole fiat. Et certe seruire
 est, aut assentatoris suos neglegere, & peccatis amici indul-
 gere, illumque praecipitem ferri sinere. Seneca si quid au-
 ctor iste ad rem pertinet, suorum stoicorum duritiam se-
 cutus damnat in Aristotele irae laudationem, & affectio-
 nis eiusmodi patrocinium, quae tamen utiliter a natura no-
 bis data uidentur, modo praescriptio, & moderatio ea reti-
 neatur, quam idem ipse Philosophus retinendam censet,
 hoc est, ut irascamur pro quibus debemus, & ut oportet, et
 cum debemus, & quandiu. sin minus fatui, & stupidi es-
 semus, qui & sensu, & dolore uidentur carere. sed haec

MEDICES. LEGATVS.

subtiliter quærare alterius otij est. Omnino quorum mo-
 nitio acerbitate, & obiurgatio contumelia uacat, eorum com-
 motio animi laudanda mihi uidetur. quam certe paucos
 seruare animaduertimus. imo cum improbitatem, per-
 uersitatem que alicuius insectantur, petulanter nimis id a-
 gunt, propterea quod sinunt animum suum celerius occupa-
 ri ab iracundia, quam ratio providere possit. Patitur igitur
 tur cotidie bene morati homines a necessariis odiosam uer-
 borum asperitatem, & maledicta, & contumelias, quoni-
 am uehementiores animi commotiones illi temperare ne-
 queunt, nec item mediocritatem perspiciunt ineptæ cuius-
 dam lentitudinis, & furiosæ iracundiæ. quam quidem me-
 diocritatem necesse est nos retinere, si amicorum suauitate,
 aut propinquorum beneuolentia frui uelimus. Præterea
 ex maxime raro genere hominum, ac pene diuino est ne-
 cessarius is, qui præstantiam aut ingenij, aut fortunæ ob-
 tinens cum suis æquabilitatem seruet, nec tantum sibi su-
 mat, ut ostendat quæ habet, ea esse maiora, quam sint, nec
 rursus in aliud uitium incidat, quam dissimulantiam ap-
 pellant, ut sua obtegat, & eleuet, ne amici facultatem habe-
 ant illa petendi, aut inimici quasi ansam reprehendendi.
 quin potius laudo hominem se ipsum totum patefacientem,
 & aperte indicantem res, qualis sit, & consistentem sibi
 inesse quæ sunt neque maiora, neque minora, eadem que
 deferentem amantissimis sui hominibus. Quamquam So-
 cratem Græci, & Romani Africanum Aemilianum lau-
 dant, quod uterque in omni sermone esset dissimulator. at-
 tamen difficile est nunc dissimulatorem reperire, qui ad ho-
 rum normam res suas cum uenustate dissimulet, cum præ-
 sertim illi hoc uitæ institutum sequerentur fistus fugendi
 causa, non pecuniæ comparandæ, quæ omnes ferè nunc
 ad se trahit. Rectum quoque est alienationem, disjunctio-
 nem que facere cum ijs, qui Cynicorum more uiuunt, etiam
 si nos cognatione attingant. hi enim cum inimici uerecun-
 die sint, homines non re, sed nomine tantummodo haberi
 debent. Placet igitur necessarius qui ingenio pudore deter-
 reatur

POSTERIOR

reatur ab rebus turpiter gerendis, quas pravi sua sponte
obveniunt. ostendit enim se ab illis abhorretere timore infamiae,
quae certe prohibet hominem probum uoluntario studio res
agere turpes. Nullū tamen uitium hodie frequentius cer-
nitur, gratiusque habetur, quā impudentia in nostrorū
Sacerdotum aula. crescitq; etiam illa in dies, & maior ef-
ficatur, quo plures habet, qui illam fouent. Quid? quod ma-
gna accessio ad tale uitium facta est post, quā patrum me-
moriam in Italia constitutum est regnum Exterarum gen-
tium, & in hanc urbem pulsī a suis Regib. concurrerunt
ex ultima Hispania, quidam ementium Christianorum
nomen habentes, quos plebeia uoce Maranos dictitant. hi
enim diuina seruitute Regum Bethycorum, & aliorum
Mauritanorum, qui usque ad nostram aetatem in Hispania
regnarunt, ad nimā sunt eruditi assentionem, quam per-
petuam comitem impudentiae ueteres existimabant. quan-
quam uideo primum emanasse hanc labem a Clemente. V.
Pont. Max. nam cum Pontificiis comitijs illius absentis ratio
habita esset a summi ordinis Antistitib. qui Perusiae erant,
primus tantum honorē adeptus Romanas opes, Latinosq; Sa-
cerdotes in Galliam ulteriorem traduxit. primus res sacras,
& negotia tum publice, tum priuatim ad religionem perti-
nentia Auenione transire uoluit. ac propterea auctor fuit,
ut Sacerdotes, et Sacerdotum adseclae prauis aulicorū Gal-
liae morib. inficerentur, & toti ad profana instituta delabe-
rentur, nec ullum ad integritatem, ad fidem, ad pudorē, ad
modestiam, ad religionem respectum haberent. Di genus
istud hominum mortuum perdant, qui in Italos nostros tan-
tam uitae turpitudinem ingenerarunt. Et certe genus ora-
tionis tam maledicum nō usurpasset, quod scitis quam exse-
crari soleam, nisi hanc personam, & has partes honorib.
Pontificum Maximorum, & Italorum ornamentis mihi
eributis deberem & possem sustinere. atque etiam tacenti-
bus ceteris facile ipse etiam nunc reticissim, nisi compres-
sam diu patientiam, & modestiam rei indignitas me coegisset
allidere, tantumq; acerbitalis, cui concoquendae aptus nō

MEDICES · LEGATVS.

eram, effundere in pessimū hoc genus hominum, qui ut pri-
mū ferē in lucem suscipiuntur, et hoc caelesti spiritu augeri
incipiūt, se in Italia ortos esse obliuiscuntur, et deinceps qd
illius dignitas postulet, non uident, & maiorum nomen,
sacra, memoriam ueterum, patriæ gloriam, religionis de-
cus, & illustrium uirorum monimenta suis flagitijs euer-
tunt. Sed hæc aliās pluribus, nunc ad propositum reuer-
tamur. Celebrantur quidem multa dicta Pythiados filie
Aristotelis grauissima, ut appareat eandem ipsam nō tam
in gremio educatam, quā in sermone patris, quo nemo
unquam fuit uel acumne præstantior, uel festiuitate, & le-
pore politior, uel suauitate cōditior. Ex illis autem id etiam
accipimus. Nullum esse pulcrius coloris genus in facie ho-
minis ingenui, quā id, quod ob uerecundiam superueni-
ret. Musōnij quoq; recentium Stoicorum longe clarissimū
eulogium est, hominem uenerationem ab alijs facile conse-
qui posse, si se ipsum primum uereretur. Atque huiusce rei
fructum, nam uerecundiam inter uirtutes non recipit Ari-
stoteles, expressit Theophrastus alio tamē sensu, cum dicat,
te ipsum ueretur, & alium non uerebere. Hæ sunt præci-
pue uirtutes, ad quarum planē sonum animi obsorduisse
uidentur necessariorum. loquor autem de ijs necessarijs, qui
ante oculos sunt, quos uidemus, aut de quibus recentem me-
moriā accipimus, aut quos nouit uita communis. in istis
enim raro uirtutis decus inest, è quo honestatis lumen appa-
reat. suauitas autem in cōsuetudine condimentum esse ne-
cessitudinis ueteres iudicabant. Sed uideamus etiam quem-
admodum illa frui possimus. Primum illa aut ex pari, mu-
tuaque beneuolentia oritur, aut ex communitate studiorū,
uoluntatumque sine ulla exceptione, aut ex sermone, qui
urbanitate redundet, & sale, ac lepore affluat. Quis ho-
die quæso est, à quo hæc separatim, aut coniunctim exspe-
ctari possint? omnes enim tandiu se beneuolos ostendunt,
quoad fructum aliquem ex ea beneuolentia se perceptu-
ros confidunt. omnes adulationib. blanditijs, & assentioni-
bus student, & in congressionibus, conuictuque, et sermo-
nib.

nib. familiaribus blandi sunt, uoluptatem que aucupantes omnia ludant, nulli rei repugnant. atque interim sibi iactantur se nemini fore molestos, si ad uoluntatem loquantur omnia, nihil ad ueritatem. Hoc quidem necessariorum uenenum est maximum, quo tamen multos infectos animaduertas. nec uero id accideret, si perspicerent quanta mala eiusmodi uitium importare soleat. Iucunditas igitur in necessarijs illa expetenda est, quam comitas gignit, illaque tum sine dubio fruemur, cum senserimus eosde ipsos laudare nostra, ut oportet, nec nimis effuse, nec nimis parce, atque etiam nostris rebus ea accipere, quae accipienda sunt, et quo modo par est, et similiter non probare delicta. quin ea obiurgare. quod quidem cum alij efficere debent, tum maxime qui aut excellentis ingenij magnitudine, aut praecelara eruditione, atque doctrina, aut utraque re sunt ornati. ita enim in honestioris uitae perpetuitate consistunt, in ueroque necessitudinis officio non claudicabunt. Enimvero expertes omnis humanitatis essemus, si in priuatum amicum perinde illudere uellemus, atque in Tyrannum. qui sane aures obstructas ueritati habet, quique cupit animos familiarium suorum semper conuersos esse non modo ad sensum suum, ac uoluntatem, sed etiam ad uulrum, atque nutum. Ne multis tristitia in conuictione ita euitabitur, si quotiescunque congregiemur cum magistratibus, aut cum priuatis, aut cum minus magisque necessarijs ea tribuamus, quae aequa sint, et nonnihil studeamus delectare, repulsa tamen moestitia. nec interim laboremus de honesto, et utili, quoniam id forsitan consequetur. quanquam oportebit aliquando, aculeum etiam quaedam moestitiae defigere, quo maior aliqua uoluptas inde oriatur. propterea dulciores necessitudinis fructus erunt, si acerbiusculi quandoque praecesserint. quamquam Demonacta Cyprium Lucianus eius uitae scriptor laudat, quod nunquam altiore uoce cum amicis egerit, uel in compositos gestus ediderit, uel in grauiorem indignationem eruperit, etiam si obiurgare oporteret. sed peccata tangebatur, et peccantibus ignoscebat. atque huiusce rei exem-

MEDICES • LEGATVS.

plum i Medicis petendum esse censebat, qui morbos leuant,
 & interim nulla grauiore uerborum acerbitate in affe-
 ctos utuntur. & eo quidem magis, quod hominis sit peccata
 committere, Dei autem, uel hominis Deo paris peccata cor-
 rigere. Sed nos Aristotelem correctione quadam adhibita
 sequimur. Omnino suauitas illa grator erit, si libertate co-
 dita sit, ac facilitate, cum praesertim inter omnes constabit
 nos medium sic sequi, ut extrema illa caueamus, in quibus
 uersantur placidi, siue blandi, et assentatores. alteri enim uo-
 luptati student nullius emolumentis causa, alteri tantummodo
 sui. Quae ob rem mansuetissimi esse debent necessarij in su-
 is morib. declarandis erga amicos, & propinquos, quod fa-
 cile assequuntur, si cogitauerint quietem esse necessariam ui-
 tae, atque in illa ipsa oportere homines ioco se recreare tan-
 quam fessos labore in peropportuna diuersorio. Talis au-
 tem congressio dulcis sit, ac aequabilis, eaque fiat ad tristi-
 tiam mitigandam, penitusque leuandam. nec aliter sermo
 habeatur nisi audiendo, & dicendo quae oportet, & quo
 modo par est. E communitate autem hominum, nedum e
 necessitudine exterminari uelim eum, qui profusa dicaci-
 tate beneuolentiam conciliare sibi studet audientium. hoc
 enim Mimorum erat ueterum, & Ethologorum, qui nihil
 praestabant ingenuitatem, et ruborem turpitudine uerborum,
 & rerum obscenitate, aut certe scurrarum, qui profitentur
 neque sibi, neque alijs parcere, modo risum moueant. propterea
 interdum ridiculo dant manus, uincique se patiuntur, atque illa
 effundunt, quorum urbanus non modo non quicquam dice-
 ret, sed ne audiret quidem. nihil etiam laborant, an is do-
 leat in quem cauillati sunt. Afferet igitur suauitatem necessa-
 rij, si moderate dicta usurparint, quae sale aspersa sint, co-
 mesque etiam habebuntur, et uenusti. Et certe eiusmodi, ut ita
 loquar, corporis, & animi motiones significatione dant morum
 quoniam quidem mores similiter, ac corpora motionibus discerni possunt.
 Itaque laborare in eo studio necesse est, ut libenter tu dicamus,
 tum audiamus, quae ad modestum uirum, liberalisque pertinet, quod
 multa incidere possint in congressibus nostris, et consuetudine
 uictus.

uictus, proborumq; hominum sermonibus, quæ decent au-
dire etiam per iocum dicta. Non nimis tamen studiosum io-
corum esse oportet, quâdoquidem difficile est moderationem
seruare, ne ad licentiam delabamur iocorum frigidorum,
et plane seruiliū, quos etiam damnamus in ueteribus
comicis. Denique suauitatis usus ex necessario tum nobis cō-
stabit, cum ille intellexerit se esse debere sibi ipsi tanquam
legem quandam in iocando, et salibus facetijsq; utendo, ne
amicos uulneret, quos caros habet, ne in calamitosos illu-
dat, qui subleuandi potius sunt, quâm irridendi, nisi forte
se immoderatus iactent. Huiusce quidem suauitatis ex pr-
est magna pars Barbarorū. hi enim in consuetudine aut pe-
nitius insulsi sunt, et illepidi, aut submoleste ferunt, si au-
diant aliquid facete dictum, et ioco, risuq; elusum. id, quod
agrestes facere solent, et homines ab urbanis institutis, et
moribus abhorrentes. Neque uero intellegunt, quâm sit a-
ptum uitæ esse cum uiris facetis, et iucundis, et quâm con-
ferat ad remissionem animorum elegantiam dictorum se-
qui, et urbanos, festiuosq; homines cōplecti. Existimabat
Cicero suo etiam tempore minus Romæ se posse agnoscere
imaginem antiquæ, et uernaculæ festiuitatis, quod in illam
infusa esset peregrinitas, quodque maxime receptæ essent
brachatæ, et transalpinæ nationes. uidebantur enim istæ
ipse nationes hominū uere Romano nō solum carere omni
festiuitatis laude, uerum etiam alijs impedimento esse, quo-
minus illam agnoscere, et consequi possent. Quid uos cen-
setis eum dicturum fuisse, si nunc reuiuisceret? et uideret
Romam suam? quæ nullo alio modo celebris esse potest, nisi
ex concursu talium Sagatorum, et Brachatorum, et alio-
rum eiusmodi prouincialium. Certe hominem magnope-
re moueret miserabilis patriæ aspectus, cum magna illi-
us pars habitatorib. careat, et situ obsita sit, ædificiaq;
sacra, et profana fœde disiecta occurrant, et maxima do-
morum uasitas, et coenosa, ac squalida uiarum facies ap-
pareat, et ciues ob partium studiū communem salutem, et
Italiæ libertatem neglegant. sed omniū maxime illum cre-

MEDICES • LEGATVS.

do perturbarent ineptiæ quorundam, qui omisso studio ue-
teris linguæ, quæ eadē huius Urbis, et uniuersæ Italiæ pro-
pria erat, dies, noctesque incumbunt in linguam Geticam
aut Daciam discendam, eandemque omni ratione ampli-
andam, cum Goti, Visgoti, et Vandali, qui erant olim Ge-
tæ, et Daci, eam in Italos inuexerint, ut artes, et linguā,
et nomen Romanum delerent post, quā Romanis etiam
imperium ademerant. In Bybliotheca nostra asseruatur li-
ber incerti auctoris græce scriptus de reb. à Gotis in Italia
gestis. in eo memini me legere Attilam Regem post partam
uictoriā tam studiosum fuisse Goticæ linguæ propagandæ,
ut edicto sanxerit, ne quis lingua latina loqueretur, magi-
strosque insuper è sua prouincia acuisse, qui Italos Goti-
cam linguā edocerent. Apud doctos etiam illos uiros, qui
commentarios rerum multarum confecerunt, eosque in su-
dæ nomine ediderunt, obseruauit scriptum, illū ipsum At-
tilam post Italiam fœde uastatam cum Mediolani ui-
ctor esset, pictos uidisse Principes Romanos in aurea sella
sedentes, et ante illorū pedes multos Scythas interfectos,
tum iussisse, ut se pingerent in solio sedentem, et Principes
Romanos saccos, et arcas auri plenas baiulantes, illudque
ante suos pedes effundentes. Ergo Attila in Romanos gra-
uiter senuit disturbandis Italiæ Urbibus, cædendis Italis,
agris comburendis, demoliendis templis, latinam linguam
obliterando, picturam insolentis, ac superbi argumenti
proponendo. Hæc quidem tolerabilia nam uictoriæ, et ar-
morum sunt. sed quis ferat post Romam suis ciuib. et Ita-
liā suis principib. magna ex parte restitutam exsistere Ita-
los? qui patientur Goticam, et Vādalicam linguam inole-
scere, illam celebrent, et ueteri latina, si Dis placet, potio-
rem esse dicant. Hæc hæcenus, ad alia progrediar, meque
ad meum munus, pensumque reuocabo. Laurentius Pa-
ter omni genere leporis excelebat, ac propterea iucundus
amabilisque erat omnibus tum priuatis, tum principi-
bus. Ferdinandus maior Neapolitanus Rex honorifice
excepit eum in portum Neapolitanum egressum. Deinde
cum homini

cum homini suaderet, ut equū cōscenderet, qđ navigationis
tædio eum magnopere commotum uideret. Mihi, inqt, bone
Rex equo opus non est ad leuandum tædium navigatio-
nis, sed ad afferendum ciuibus meis nuntium de salute pa-
triæ. Neāpolim enim uenerat, ut æquiores condiciones pa-
cis impetraret à Ferdinando, qui Alphonsum filium habe-
bat cum uictore exercitu iam circumsidentem Florentiam.
Multa etiā alia eiusdem ipsius dicta celebrantur admodū
falsè pronuntiata, quæ omnino indicant diuinum illum ui-
rū urbanitate, & politissimis facētis longe præstitisse æqua-
libus, & superioribus omnibus. Nec sanè id mirum cui-
quam uideri debet. siquidem genus istud iocandi magna
ex parte ducitur siue ex admirabili natura, siue ex præcla-
ra doctrina, siue ex insigni eloquentia, siue ex magno re-
rum usu, quarum laudum excellentia cum ille floreret, ele-
gantissimus, ac festiuissimus semper est habitus, diuq; præst-
it Florentiæ, & urbanis eodem tempore, & bellicis re-
bus. I V L. Nunquam certe de suauitate hominum
tam scienter, tam que copiose disputares, nisi unus omnium
suauissimus, uenustissimus, et dulcissimus esses. Quid? quod
uideris tāta comitate excellere in unoquoq; cōplectendo, ut
omnes huiusce rei quoq; palmam, quemadmodum cætera-
rum tibi deferant. Paterna etiam laus in iocando in te eni-
tescit, nam cum primis rationem habes hominum, rei, tem-
poris, nequid iocus de grauitate decerpit. hunc autem mi-
ra hilaritas comitatur, quæ singularem bonorum omnium
beneuolentiam tibi conciliat. I E G. Mirabiliter læ-
tor me iudicari dignum beneuolētia hominum ex hac ipsa
hilaritatis laude, quam natura mihi peperit, & uoluntas
confirmauit, non ex assentatione, quæ quidem bonis intole-
rabilis est, cum ad illius uanitatem accessit auctoritas. Iam
uero quantum illud est, quod assentator à uero amico distin-
gui, & internosci tam potest adhibita diligentia, quā om-
nia fucata, & simulata à synceris, atque ueris. Denique
magis iudicio bonorum, quā insignibus gloriæ delectari
debemus. I V L. Hæc uox multa tibi in ore est, illaq;

MEDICES. LEGATVS.

doces non solum fugiendam esse inanem gloriam, sed etiam utilitatem, quæ aliquando gloriam consequi solet.

LEG. Illiberalium artium studiosi emolumentum spectare necesse est, sacerdotes, religionis decus. Quam ob rem, cum uideam non sæpe in necessarijs etiam esse hanc bene merendi uoluntatem, adducor, ut existimem illos quoque cauendos esse, ne doleamus, cum incommodis nostris rebus nullum ab illis affertur præsidium, maximeq; si illorum fidem, et opem implorauerimus. Et certe consentaneum est in rebus tam tristissimis, quàm florentissimis necessarios adesse. nam qui aduersa fortuna conflictatur, subleuari expetit, et qui secunda fruitur aliorum indiget, quibuscum uiuat, et quos beneficio ornet, si uoluntatem ad officium propensam habet. Veruntamen in duriori fortuna magis illi expetendi sunt, modo utiles sint. quanquam in rebus prosperis honorificentius quodammodo est bonos habere, quos officijs prosequare, et quibus usu domestico coniungere. In utraque etiam fortuna necessarij aspectus inuidus est. secundas enim res splendidiores facit consuetudo necessariorum, et aduersas leniores, quod homines sentiant dolorem imminui suum, si æquè dolentes alios uiderint. Accedit etiam, quod necessarius consolationem afferre potest aspectu, et uerbis. dummodo is est, qui industria ualeat, et dicendi facultate ea præditus sit, qua nec amici animum debilitari, nec cadere sinat. Quotus autem quisque est? qui uersetur in studio cognoscendi uoluntatem, et mores alterius, ut possit illum miserum in maximis suis erumnis, et luctibus ad tranquillitatem animi traducere. quanquã sapientes animo præsentis semper esse oportet, et excelsi, altoq; et uirtutibus exaggerato. ita enim cauebunt ne necessarij secum doleant. eoque magis, quod proprium illorum uirtutis esse statuimus abhorrere a plorantibus, simul, et moerentibus, quando muliercularum est proclinitatem ad luctus habere, et gemitus. Nec etiam facile reperias, qui rebus suis florentissimis necessarios ad se uocent, quod ferè iudicent illos indignos, qui ornentur, nisi paribus uitæ
impuræ

impuræ uitij teneantur. Contra ad afflictos, ac erum-
 nos neminem uideas accedere, cum tamen uerus amicus ul-
 tro debeat se conferre ad alium, qui in misera, ac perdita
 est fortuna. Enimvero ad hominem secundis rebus utentem
 properandum est, ut operam nostram deferamus ad for-
 tunam iuuandam, tarde autem accedendum, ut commoda
 nostra augeamus. nec enim decet utilitatis suæ causa pro-
 perare. Homines tamen nostris temporibus ita affecti sunt,
 ut quisque ob priuatum compendium honestum putet ad ami-
 cum aduolare, ut suas facultates, copias, opes amplificare pos-
 sit, uel spolijs eorum, quos summa necessitudine attingunt.
 Omnino pauci habentur, qui ueræ beneuolentiæ, et germa-
 næ caritatis solidam expressamque effigiem teneant, um-
 bra, et imaginibus tantum utuntur. utinam eas ipsas seque-
 rentur. Molestum igitur nimis est tantis necessitudinibus
 implicari, maximeque si illæ ob utilitatem instituantur.
 multorum enim inopiam lenare uidetur esse non humanæ
 facultatis, sed diuinæ, quoniam uix priuati facultates ad id
 satis esse possunt. Quod si propter uoluptatem conciliatio
 fiat, nimirum pauci admodum uoluptati hominum hoc in
 genere satisfacere possunt, ut in solennibus epulis condimen-
 ta. Tales autem facile ius amicitiae deserunt, et familiarita-
 tem extinguunt, quoniam aut pocula, aut pila, aut tessera,
 aut res alia illiberalis conciliatrix fuit. In foro etiam con-
 ciliatæ amicitiae non diuturnos fructus ferunt. de ijs loquor,
 quæ inter causarum patronos intercedere solent. alter
 enim alterum intuetur tanquam exemplar suæ rapacita-
 tis, aut certe aduersarium, et obrectatorem laudum sua-
 rum. Clientes ite ferè semper inuifos habent eos, quorum
 industria, et eloquentia causam obtinuerint id quod Mar-
 co Tullio contigisse legimus. quanquam ille patrocinium su-
 um non magnopere uenale habuit. ante, quam igitur in
 exilium iret hæc ad Atticum scripsit. Ita sum, inquit, desti-
 tutus, ut tantum requietis habeam, quantum cum uxore, et
 filiola, et mellito Cicerone consumitur. nam illæ ambitiosæ
 nostræ, fucosæque amicitiae sunt in quodam splendore fo-

MEDICES·LEGATVS.

rensi positæ, fructum domesticum non habent. itaque cum bene completa domus est tempore matutino, cum ad forum stipati gregibus amicorum descendimus, reperire ex magna turba neminem possumus, qui cum aut iocari libere, aut suspirare familiariter possimus. quare te expectamus, te desideramus, te etiam arcessimus. Multa sunt enim, quæ me sollicitant, & angunt, quæ mihi uideor aureis nactus tuas unius ambulationis sermone exhaustire posse. Sed nihil etiam minus idem Cicero perfidiam multorum amicorum est expertus, post, quàm ad Pompeium accessit. contra Cæsarem bellum gerentem. in Urbem igitur reuersus Planco rem totam his uerbis explicat. Quod autem, inquit, mihi de eo, quod egerim, granularis, ita te uelle certo scio. sed ego tam misero tempore nihil noui consilij cepissem, nisi in reditu nihilo meliores res domesticas, quàm Remp. offendissem. quibus pro meis immortalibus beneficijs carissima mea salus, & meæ fortunæ esse debebāt, cum propter eorum scelus nihil mihi intra parietes tutum, nihil insidijs uacuum uiderem, nouarum me necessitudinum fidelitate contra ueterum inimicorum perfidiam muniendum, putauit. Restat aut locus huic disputationi maxime necessarius de studioforum amicitia, quo existit controuersia, an multiplex sit illa instituenda. Egdē aduerto nonnullos censere talium amicorum numerum præscriptum esse oportere, ut ciuium, qui Urbem incolunt, quandoquidem ciuitas neque ex decem hominibus, neque ex decies centenis milibus constat. alteri enim uix domum constituerent, alteri prouinciam ualde populosam efficerent. Verum id asserunt etiam, certum quendam numerum non describi in ciuitate constituenda, talemque esse illum, quem medium interponunt inter numeros præfinitos, propterea iudicant amicorum copiam præscriptam esse debere, eamque paulo maiorem, quæ & uictus consuetudine delectemur, & domesticis officijs coniungamur, quoniam istuc tum amabile uidetur esse, tum maxime cum amicitia consentaneum. Sed ut aliquando orationem concludam meam, fieri non potest, ut quis fide opti-

POSTERIOR

ma una cum multis uiuat. Accedit etiam, quod commu-
nitas illa uitae, & uictus diuturna esse nequit, nisi ex con-
sensu naturae, & morum conuenientia proficiatur. id,
quod in multis perdifficile est. quaedam enim alijs iucunda
sunt, alijs moerorem afferunt. Itaque stabilitas necessitudi-
nis eorum non uacillabit, qui totidem parauerint sibi ami-
cos, quot idoneos fore cognouerint ad communem uitam
liberaliter agenda. res enim magni negotij est, multos ama-
re. propterea à multis etiam redamari difficile est. Quan-
quam autem constat omnium rerum, quas ad beate uiuen-
dum natura nobis comparauerit, nihil esse maius, nihil in-
cundius necessitudine studiosorum, tamen ex omnibus secu-
lis uix duo paria necessariorum apud Latinos commemo-
rantur, quinque apud Graecos. atque id mihi mirum ui-
detur, quod eiusmodi quasi sanctioris necessitudinis uinca-
la inter duos tantummodo fuisse dicuntur. Apud Latinos
quidem inter Africanum, & Laelium, M. Tullium &
Atticum. sed apud Graecos inter Theseum, & Pirithoum,
Achillem, & Patroclum, Phintiam, & Damonem, Epa-
minondam, & Pelopidam, Orestem, & Pyladem. atque
hos duos fictae ueterum fabulae declarant amicitiae gloria
longe alijs praestitisse. Itaque memoriae proditum est Scy-
thas illis templum construxisse, & diuinis honoribus no-
men eorum ipsorum celebrare solitos. Columam quoque
aeneam erexisse, in qua inscripta essent praeclara utriusq;
facta. puerorum quoque teneras mentes prima institutione
formari earum rerum, quas uterque pro altero gessisset.
Necessitudo igitur studiosorum, qui pauci sint, augetur ex
consuetudine, eaque in dies honestior efficitur. siquidem una
uiuentes multa liberaliter agunt, & siquid deliquerint in-
ter se castigant, seliguntque interim, id, quod maxime ue-
rum compererint. Sed, ut dixi, paucos esse oportet, quia na-
turae propemodum repugnare uidetur, nos posse tenere in
angusta, ut ita loquar, domo magnos necessariorum gre-
ges ueri amoris conspiratione consentientis. & eo quidem
magis qđ multis simulationum inuolucris tegitur, & quasi

MEDICES LEGATVS.

uelis quibusdam obtenditur uniuscuiusque natura. Adde illud etiam, ex parua sipe nec multos seruos, nec multos amicos parari posse. Et quæ nam est sips, & pecunia amicitia? Beneuolentia, & caritas, & gratia cum uirtute. quibus quidem rebus nihil rarius habet natura. unde non licet multos amare, & a multis mutuo amari. Et certe, ut flumina in multos riuos diducta, minora fluunt, sic animus in multorum amorem, & studia distractus facile obtunditur. Turpe autem est in propinquos immoderatus se gerere, si illi fratres, aut filij sint, cum præsertim qui talia committunt, similes uideantur ineptis colonis, qui suis agris omissis alienos colendos suscipiunt. Præterea impij, & in numero potius ferarum, quam hominum habendi sunt qui eodem loco fratres non habent, quo seipsos, & in illorum inuidiam quicquam aut locuntur, aut agunt, aut meditantur. Etenim qui fratrem odit non potest non patrem odisse, qui eum procrearit, & matrem, quæ pepererit. Hanc raram fratrum gratiam in alijs conspicat Apollonis Cyciæna Eumenis Regis mater fertur Dis gratias agere consueuisse, atq; seipsam fortunatam existimare, nõ ob id solũ quod magnas opes possideret, & amplissimo regno imperaret, sed et quod tres filios Attalum, Philetærum, & Athenæum uideret cingentes latera Eumenis natu maximi, & eundem ipsum in medio illorum gladios, & pila habentium sine timore uersari. Quin etiam mure pietatis exemplum Attalus in Eumenem fratrem dedit. cum enim Perseus Macedoniae Rex capitali odio dissentiret ab Eumene Rege, cognouissetq; illũ Delphos petere, disposuit armatos, q eundẽ ipsum e nauĩ egressum opprimeret. atqui hi cum Regis imperata facientes magnum lapidum numerum in eum coniecissent, profugerunt, rati illum interfectum esse. nam hominem in teram collabentem uiderant. Pergamum interim affertur Attalo de morte fratris. tum ille & Rex declaratur, & Stratonice, quæ fratri nupsisset, uxorem ducit. sed post, quàm audiuit fratrem uere, illumq; Pergamũ aduentare, insignia regia deposuit.

atq; priuatus, ut solebat, in satellitum comitatu Regi obuiā
 prodijt, qui quidem Attalum comiter excepit, pristina m̃q;
 uxorem complexus illam in magno etiam honore apud
 se habuit. Quinetiam cum Eumenes sine ulla fraterni scele
 ris suspitione moreretur puerū regium, et regnum, et uxo
 rem fratri commendauit, q non multo post purpurā, et insi
 gnia regia eidē puero detulit, Regēq; salutauit. Et certe pro
 bi filij non solum propter parentes diligunt seipsos, sed eti
 am propter seipsos, quippe qui cogitent se cum multa bene
 ficia parentib. debeant, tum id praeipue, quod pretiosissi
 mam omnium, et iucundissimam fratrum supellectilē ab
 illis consecuti sint. Lacedaemonij qdem nullū genus honoris
 omiserunt, qd in Cassiō, et Pollucem nō congesserint. itaq;
 statuas illis positas Docana, ut Plutarchus ait, appellabant,
 haec aut duo ligna erant pari magnitudine ex polita, quae
 etiam duobus incuruis connectebantur lignis. indicabant
 enim talium lignorū argumento q̃ mutua eorum fratru su
 isset pietas, quanta concordia, quanta uirtutum omniu simili
 tudo. Fabulatur etiā Pollucem talitro siue pugno facto quē
 dam exanimasse, quod fratri apud se obtrectasset. Pater
 autem uoluntatem in filium propensam semper habere
 debet, nec unquam studium illius ornandi intermittere.
 atque eo accuratius id faciet, quo magis intellexerit filium
 ad sibi obsequendum comparari. aliquando tamen patrem
 suum erga filium amorem dissimulare uelim, praesertim si
 illum suis praeceptis minus obtemperantem uideat. nam fi
 lii contumacia fortasse tum frangetur, cum paterna indul
 gentia deserit, et facilitas. Aristippo filiū a se arcenti, uxor
 conspicata, satin' salua, inquit, ex te est. Tum ille destuens,
 quanquam, inquit, ex me est, nihil tamen me ornat. Sed hic
 nimis processit. Enimuero neminem hoc errore duci oportet,
 ut siquid Socrates, aut ille ipse Aristippus contra morem,
 consuetudinem, que ciuilem fecerint, locuti ue sint, idem sibi
 arb. trectur licere. magnis illi, et diuinis bonis hanc licenti
 am consequebantur. Noster etiam Isocrates praecepiebat
 Demonico, ut periuicundus omnibus occurreret, et optima

MEDICES. LEGATVS.

quoque familiariter uteretur, quandoquidem alteris non molestus, alteris carus futurus esset. Item ut cum iisdem hominibus neque persaepe congrederetur, neque de iisdem rebus longiores conferret sermones, quoniam satietas in omni genere exoriri solet, atque etiam ut neminem sibi conciliaret amicum, nisi ante explorasset, quemadmodum priores tractasset amicos, quod speraret illum in se tale futurum, qualis in alios fuisset. Iubebat etiam, ut tardus in gratia ab aliquo ineunda esset, sed initam tueretur. aequum enim illiberale esse omni carere amico, ac plerosque mutare amicos. Praeterea ne amicorum fidem experiretur cum detrimento, neue amicorum expers esset. hoc autem ab illo tum fieri, si inopiam simularet. Praecipiebat etiam ut res, quae dicendae essent, perinde cum amicis communicaret, ac illae reticendae essent, quoniam si id, quod optabat, non impetrasset, neminem laederet. sin autem impetrasset, magis illorum mores perspexisset. atque etiam ut amicos probaret ex afflictis fortuna, & communione periculorum in vita, quoniam ut aurum igni probamus, ita amicos in afflictis fortuna discernimus. Admoneatque illum ita recte amicis uti posse, nisi preces illorum expectauerit. quin potius ipse ultro opportune praesto iisdem ipsis fuerit. & similiter turpe illum arbitrari debere uinci inimicorum maleficijs, atque amicorum beneficijs superari. Item ut eos amicos magis sibi adiungeret, qui non solum tristissimis nostris rebus dolerent, sed etiam florentissimis non inuiderent, quod multi exsisterent, qui etiam si participes doloris essent, inuiderent tamen praestanti, florentique amicorum fortunae. atque etiam ut apud praesentis amicos absentium amicorum crebram faceret mentionem, ne absentes uideretur negligere. Haec de amicitia praecpta ab oraculo Apollinis Pythij, non ab Isocrate edita Demonico cui suo credere par est. Demonico, inquam, adulescenti, & tum primum Remp. capessenti, & civilis uitae munera in oculis populi Atheniensis obire incipienti. sed maxime pertinere uidentur ad uniuscuiusque aetatis & patriae, & ordinis homi-

nes, cum præsertim late pateant omnia, quæ ab hoc diuine uirtutis, & eloquentiæ homine excogitata sunt uel ad rectissimam, atq; honestissimam studia disciplinarum psequenda, uel ad uirtutis decus amplectendū, uel ad remp. sapiēter gubernandā, uel ad humani officij, & diuinæ religionis rationem colendam. Est etiam illa Platonis uera, & uobis non inaudita uox, necessarios fieri conciliatore Deo, & diuini numinis ductu, propterea si illi uiolentur, diuinum quoq; numen uiolari. Hactenus mihi uideor de necessarijs, quid sentirem potissimum dixisse. si qua præterea sunt, credo autem esse multa, ab ijs, si uidebitur, petitor, qui præcipuo consilio ducti eiusmodi rerum tractandarum iusta uolumina confecerunt. I V L. Petemus quidem per otium, sed isthæc tua nunc instar nobis erunt omnium fere, quæ in aliorum scriptis legi possint. atque etiam posthac remissius, & placatus feremus patriæ desiderium, & rerum carissimarum orbitatem, quandoquidem oratione tua uos ab omni propemodum molestia uindicasti.

LEG. Iam tum, cum ad dicendum sum aggressus, animo, & cogitatione prospiciebam uos in hac perturbatione temporum perditorum toleranda ea mente esse futuros, quam ratio, et ueritas præscriberet. Nec sanè tantum operæ, ac temporis posuissim in redigendis præceptis ad quadram de exilio fortiter perpetuando, nisi opinio, & spes, & coniectura nostra tulisset Iuli, te nihil contentiosum fore in causæ meæ equitate agnoscenda. De Laurentio autem nunquam dubitavi, quin ex nostra præceptione publicam cladem, & domesticas tricas non modo fortiter, sed libenter etiam laturus esset. L A V R. Te iam pridem mi Patriæ constitui ad cuius exemplar meos mores, studia, & animi motus formarem, & uitæ instituta quasi deliniarem. Itaque omni in genere uoluntatem sequar tuam, maximas que gratias nunc & habeo, & ago tibi, qui in communicandis tam præclaris rebus me eodem loco habuisti, quo Iulium patruelem. LEG. Amoris quidem tibi primas defero Laurenti, cum a frater-

MEDICES. LEGATVS.

no amore discessi, idque iure. nam omnia, quæ incunda
ex humanitate alterius, & moribus homini accidere pos-
sunt, ex te mihi accidunt. Quid? quod te afficiens Petrum
fratrem mihi afficere uideor. Petrum, inquam, suauitate
mihi æqualem, obsequio filium, consilio parentem, deni-
que effigiem morum, industrie, uirtutis, & animi paterni.
Vtinam Deus ad hæc tempora illum seruasset, melior pro-
fecto esset rerum Italicarum status. nam sine dubio mul-
tos Italiae populos, & principes suis dementissimis consi-
lijs ad exitum præcipitantes retinisset. Verum felicitas
ipsius, qua interdum est usus, uidetur à fatalibus mise-
rijs, quæ consecutæ sunt, morte uindicasse. De te autem
quid dicam? quem necesse erat diligere qualifcunque esses,
& talem habemus, ut libenter quoque diligamus propter
singulare ingenium, incredibilem pietatem, & eximiam
animi moderationem. L A V R. Suspicio me à
te sic magnifice commendatum, ut potius inflammor ad hu-
iusmodi laudes consequendas, quàm ut illas agnoscam.
Enimvero conscius mihi sum, quàm ingenio mediocri ui-
geam. Quod autem pietatem meis nauo id mearum esse
partium intellego. Di facerent, ut tantum nauarem, quan-
tam debeo. Eximiam tamen animi moderationem in adu-
lescentia obtinere statuo difficillimum esse cum alijs omni-
bus, tum mihi in primis, qui genere Vrsinorum materno
sum ortus, e quo plerique admodum adulescentes domi, et
foris res præclaras gesserunt, & patrem, aliosque maio-
res habeo, qui consilio, auctoritate, & honorum ampli-
tudine præstiterunt. Quantum censes me animo angere?
cum audio de seniorib. maiores nostros, uel imperij nostri
fines propagare, uel regna opulentissima alijs parare esse
solitos, me autem nihil tale efficere posse. Iuānes. n. princeps
nobilitatis nostræ amplificator Barnabā Vicecomitem Me-
diolani Dictatorem maximis copijs Etruriam uastantem
una dimicatione fudit, fugauit, & castris penè exiit.
Dein ad Scarperiam oppidum obsidione liberandum pro-
fectus, exercitum per confertissimos hostes duxit, nouoque
præsidio

POSTERIOR

præsidio imposito animos oppidanorum firmiores efficit. Iuannem uirtute, fortuna, gloria, reb. gestis amplissimum Cosmus filius, Italiae lumen, secutus Franciscum Sfortiam Piceni principem graui bello implicatum commeatu, pecunia, et copijs iuuat, et aduersus Alphosum Regem Neapolitanum defendit. Mox eidem auxilio fuit cum Mediolanensibus bellum gerenti. Postremo Principem Mediolanensem declaratum in Galliae ceterioris regno confirmauit, cum graui bello petitus esset a Venetis, et ab Alphoso Rege. quo etiam tempore e Gallia usque Renatum Regem excauit, quem missurus erat cum maximo exercitu contra Alphosum, nisi Florentinorum opes infestare desisset. Maluit autem Petrus filius iniurias ab Alphoso illatas obliuisci, quam uindicare, cum praesertim cerneret id fieri non posse, nisi cum maxima rerum omnium confusione, et Italiae calamitate, cuius auctores ne unquam haberi possent nostri maiores diligenter prouiderunt. Quam ob rem Alphoso defuncto, cum Regni primores auctoritatem Principis Tarentini secuti a Ferdinando defecissent, hunc regno restituit, Iuannemque Andaguensem Italia abire coegit, in quam certa Regno Neapolitano potundi spe ductus transierat, et cum eodem ipso Ferdinando ad Sarnum collatis signis dimicarat, illumque uicerat. Nec multo post Federicum Principem Urbinatem armauit, illumque ad Ricardinam in Bononiensi agro opposuit Coleoni, quem Paulus II. Pont. Max. inuictum exercitum ducentem e Gallia ceteriore uocabat, ut Ferdinandum e Regno exturbaret. Quamquam autem logum esset merita omnia commemorare, quae Laurentius auus in Principes Italiae, et populos contulit, tamen quaedam summam attingam. Cum primum Florentinus Populus eum publici consilij auctorem habere coepit, quamquam adulescentem, Volatere nouo inuento metallo a nobis defecerunt. itaque non solum patriam a peste summi periculi, sed cunctam etiam Etruriam a cede, incendijs, et uastitate eripuit. nam ille prius expugnatae sunt, quam uel tormenta admoueri, uel se obsidione cingi senserint. atque

MEDICES. LEGATVS.

in otium, & tranquillitatem florentissimae Italiae regio-
ni peperit, Florētino imperio nihil dimnuto, quod quidem
inuidi, & ab rationib nostris alieni maxime optabant. Fe-
lix autem huiusce rei administratio effecit, ut Auus meus
& patriae salutis, & ciuium suorum auctoritatis, & pu-
blica causae defensor, propugnator & auctor haberetur:
atque etiam uindex Etruscae libertatis, custos comodo-
rum optimi cuiusque, praesidium afflictæ Reip. repressor
caedis cotidianæ, defensor templorum, atque tectorum ap-
pellaretur. Mox discordias Mediolani ortus post Galeatij
Principis cædem sedauit, Fratresque exsules in patriam
reuocandos curauit oppresso Frāscō Brutto scriba, qui rem
Mediolanensem arbitrato suo administrabat. Ferdinan-
do item auxiliares copias misit, quo Hydruntem, & totam
Salentinorum oram facilius recuperaret, quae à Turcis
tenebatur, cum ex Eperro, & Macedonia, & Aetolia, &
reliqua Graecia Achimetus praefectus Regis Turcarum
maximum armatorum numerum in Italiam transfreta-
set. Atque hac in re summus ille uir causa religionis con-
uulsas ex omni memoria uoluit inimicitias, quae inter eun-
dem Ferdinandum, & seipsum grauissimæ intercedebant.
siquidem paucos ante annos Alphonsum filium cum maxi-
mo exercitu in Etruriam miserat ad Florentini imperij
Urbes sollicitandas & bello omnia infestanda. quanquam
ad id adductus uideri poterat Ferdinandus à Xysto
Pont. Max. qui & officij Pontificij, & religionis, & Dei
oblitus non secus in Italia bella excitare solebat, atq; illa
Asiae, aut Africae prouincia esset, in qua Turcoe, & Pæni
regnarent, non pars Europæ ex flore clarissimorum uiro-
rum constans, cuius princeps esset Pontifex Maximus, qui
moderatissime, & sapientissime clauum tanti imperij te-
nere, & gubernacula Reip. tractare in maximo cursu, &
fluctib. deberet. Dein eodē Xysto si non suatore, & im-
pulsore, certe approbatore Veneti tera, & aquis arma in-
tulerunt Herculi Ferrariensi Principi, cuius rei nuntium
cum accepisset, Ferrariam incredibili celeritate aduolauit,
Principemq;

Principēq; ipsum iam de fuga cogitantem in Vrbe cōtinuit labentem excepit, corruere non sinit, fulsit, & re, fortuna, auctoritateq; sua sustinuit. ad extremam auctor fuit, ut arma utrinque deponerentur, Italiaq; pacaretur. Ferdinandum quoque a suis proditum tutatus est, eidemque opem, ac præsidium iterum tulit, cum Innocentiū Pont. Max. & Principum regni bello premeretur, Pacemque non multo post inter utrosque conciliauit. Sarzanam, & Petram Sanctam duo in Etruriae finib. oppida & locorum natura, & Ligurum propugnatorum. uirtute munitissima sub primum ipsius in castra aduentum acrius oppugnata ad deditionem compulit, Genuamque ipsam per horum oppidorum expugnationem, quasi nervis exsecis solutam, & debilitatam reliquit. Carolum etiam Gallie Regem suspensum tenuit in Italiam irrumpere cupientem. quo denique extincto uiam idem Carolus, quasi patefactam habuit ad exsuperandas Alpes, & Alphonsi minoris Regis Neapolitani opes affligendas. Atque in hoc Gallico tumultu Petrus pater meus cum Italiae dignitatem, socijque Regis, & Alex. Pont. Max. salutem uehementius, quā caeteri Italiae Principes tueretur, contraq; ciuium perditorum popularem, turbulentamque demeritiam a Senatu, & a bonorum causa constanter staret, coactus est patria excedere. Deinceps uaria fortuna iactatus, felicissime, ut ego arbitror, interijt, quoniam ea non uidit cum fierent, quae prouiderat futura. nec unquam illius interitum, ut nimis immaturum desierim, quandoquidem nemo parum diu uixit, qui uirtutis perfectae perfecto functus est munere. Memoria igitur harum rerum a maiorib. nostris gestarum me mouet, & uehementiorem aliquando honorum acquirendorum cupiditatem ingenerat. quorum tamen fructus, ita mihi Di propicij sint, potius ad alios, quā ad me pertinerent.

LEG. Hac etiam in re Laurenti significationem das animi tui exaelsi, mireque benefici. Faxit Deus, ut dignam tam excellenti animo sortiare fortunam. nam certa

MEDICES. LEGATVS.

scio te in honoribus gerendis eandem moderationem re-
tenturum, quam alijs in rebus praestare soles. Mirarer
praeterea quo pacto laudes domesticas, & quidem serua-
to temporum ordine, memoriter pronuntiare potuisses, ni-
si scirem illas uniuerso iam terrarum orbi testatas, ac illu-
streis esse, & multis etiam in Italia cotidie celebrari. quod-
propter facultatem tibi facile suppetuisse arbitror illas me-
moriae mandandi. I V L. Quamquam his commemo-
randis Laurenti ostendis te nunc ea optare, quae consenta-
nea sint animo tuo, non his molestissimis temporibus, attra-
men nihil uereor ne aestus insolitae adolescentib. gloriae te
absorbeat, quandoquidem, ut antea Legatus noster dice-
bat siue felicitate quadam, siue diuinitate naturae, siue
eiusdem ipsius Legati disciplina in rectam uitae ingres-
sus es uiam. & unus maxime tuorum aequalium mihi ui-
deris aetatem exercere in labore, patientia quae & animi,
& corporis, ut eorum, & in bellis, & in civilib. officijs
uigeat industria. quamquam rerum bellicarum exercita-
tionem eatenus uideo tibi probari, quoad ostendas te pro
tempore ea quoque exsequi posse, quae tua ipsius dignitas
postulet, & maiorum nostrorum amplitudo. Nihil autem
de tuis ciuiliu officiorum studijs nunc dixerim, quae cer-
te maxima sunt, & honestissima, ne necesse sit nobis illa
dum laudare uolumus, incurrere etiam in laudes huiusce
Legati, qui ad eadem ipsa te excitauit. L A V R. Mi-
hi male sit Iuli, nisi potius carere uellem uoluptate toti-
us reliqui sermonis, quam te non audire commemoran-
tem laudes patrum Legati. Nec uero eas dico, quas illi pe-
perere liberalitas, mansuetudo, comitas, & humanitas,
cum natura earum sit magistra, & dux, sed quae ducun-
tur a sapientia, ab eloquentia, ab literis, quoniam harum
uirtutum decus proprium est ingenij illius, & industriae,
quod quidem omnes cupiunt consequi, non plurimi id spe-
rant, pauci compotes esse possunt. I V L. Re-
cte statius, & uere Laurenti de hoc genere uirtutum.
Quanta igitur admirationi nobis esse debet hic noster?
qui tam

qui tam copiose, ac eleganter haec omnia exposuit. Et certe nisi ingenium, doctrina, studium, & hominis eloquentia perspecta mihi esset, crediturus eram, quae hodie suo sermone nobis impertuit, illum iandiu habuisse parata multa commentatione, atque meditatione, ut prima quaque occasione posset illa depromere. L E G.

Quicquid in hoc genere profeci id totum acceptum refero iudicio parentis mei amantissimi, & studiosissimi, qui doctoribus erudiendum me tradidit, qui reconditarum literarum gloria excelleret. I V L.

Cum de tuis studiis loqueris, semper in habenda gratia Parenti tuo, & praecceptoribus, omne genus humanitatis, quod & a uirtute, & a grato animo tuo proficisci potest, non modo oratione, sed etiam uultu exprimis. Et hac quidem in re soleo ego Parentis tui consilium, & uoluntatem dilatare laudare, qui tibi adhibuit magistros omnium suae memoriae longe doctissimos, non spectare quam illi digni fuerint praecceptores tam singulari tua ad omne literarum decus docilitate, quamque apti ad ornandum ingenium tuum tam acre, tam excellens, tam diuinum, tam admirabile. propterea iudico illos nihil in te efficere potuisse, quod magna laude dignum esset, nisi tu deinceps singulari, & diuino tuo ingenio eximiaeque industria ea ornamenta tibi comparasses, quae cum admiratione omnes laudarent. Politianus enim, quo doctore usus es, quando unquam in splendore uerborum ita elegans, in compositione ita aptus, facultate ita copiosus fuit? ut ipse es. Quando unquam tantum orationis Latinae nitorem, & linguae munditiam assequi potuit? quantum omnes in te esse uident, & nos hodie, & heri te dicente admirati sumus. Quamquam autem nemo eorum temporum scriptor illo fuit pictior, ostendebat tamen se pigmenta illa non satis ex arte usurpare, quemadmodum ineptae quaedam mulierculae facere solent, quae faciem sibi illinunt parum scienter. ac propterea gratiam oris, & uenustatem amittunt. Denique pulchriores uidentur, si medicamentis fucatis candoris, & ruboris longe

MEDICES • LEGATVS.

repulsis nativam elegantiam, & munditiam retinerent. At multa remotioris doctrinae observavit, & in recognoscenda antiquitate diligens fuit, & industrius. Fateor. sed hanc profecto laudem grammatici aucupantur, qua etiam soli ipsi excellere uolunt. Oratores autem, in quorum numerum ille referri optabat, aliud sane tractant, aliud spectant, aliud etiam student. Hi enim noctes, atque dies in omnium doctrinarum meditatione uersantur. genus quoque dicendi secuntur cultum, purum, illustre, omnibus uirtutibus ornatum. & quod, denique non approbationes solum, sed etiam admirationes, clamores, & plausus moueat. Memini etiam operam te dare Gentili Praesuli Aretino homini, ut suis temporibus politioris humanitatis laude florentissimo. Sed nihil etiam melior ille fuit, quam Politianus. id, quod cum ex alijs monumentis eius perspicere potest, tum ex orationibus, quas in diuersis Italiae locis complures habuit. in illis enim multa uerba ex trivio arrepta uisuntur, multae quoque elocutiones barbarae, & agrestes occurrunt, sententiae autem multae pueriles, ac imprudentes sunt. Nonnulli tamen eam in primis orationem honorifica laude profectantur, quam habuit apud Alexandrum VI. Pont. Max. Legatus populi Florentini, paulo post, quam ille sacris Christianis publice praefectus est. Verum hanc quoque non satis dignam uideo, quae iterum legatur. in ea enim minus eleganter expressit id, quod homini exprimendum erat elegantissime. hoc est causam, cur Romam uenisset, quae erat, ut per illum Populus Florentinus se conferret ad auctoritatem Pontificis Maximi. ille autem in hoc sensu reddendo plebeiam elocutionem usurpauit, quae est obedientiam praestare. quam ob rem id genus orationes tempus, ut alias multorum oblivione obruet. Feruntur quoque eiusdem uersiculi faciliore quidem musa facti, sed sine cultu, & Latinae puritatis nitore. Itaque cum tuis uel graecis, uel latinis nemo sanus illos comparauerit. ex quibus latini me plus delectant, graecos magis admiror, utrosque mirum in modum laudo, & probo. cuius quidem iudicii socios etiam habeo oēs

beo omnes ferè qui in vrbe cultiorib. studijs dediti sunt.
Atque non nihil interdum mirari familiares nostros ui-
deo, te lente & fastidiose, nescio quo pacto, referri solere ad
mansuetiores musas, ex quibus tamen non laudem modo
ingenij, sed etiam admirationem consequi posses. id quod
nuper euenit post, quàm lecta sunt cum alia tua Iambers,
tum hæc, quæ lusisti in Lucretiæ statuam repertam in rui-
nis Transyberinis.

Libenter occumbo mea in præcordia

Adactum habens ferrum. inuat mea manu

Id præstitisse, quod uiraginum prius

Nulla ob pudicitiam peregit promptius.

Inuat cruorem contueri proprium,

Illumque uerbis execrari asperrimis.

Sanguen mi acerbius ueneno Colchico

Ex quo canis stygius, uel Hydra præferox

Artus meos compegit in poenam asperam,

Lues flue, ac uetus reuerte in toxicum,

Tabes amara exi mihi inuisa, & grauis,

Quod feceris corpus nitidum, & amabile.

Nec interim suas monet Lucretia

Ciuis pudore, & castitate semper ut

Sint prædita, fidemque seruent integram

Suis maritis, cum sit hæc Mauortij

Laus magna populi, ut castitate foeminae

Latentur, & uiris mage ista gloria

Placere studeant, quàm nitore, & gratia.

Quin id probasse cæde uel mea graui

Lubet. statim animum purum oportere extrahi

Ab inquinati corporis custodia.

Quid autem dicam de tua literarum græcarum scientia,

& dicendi facultate? Hanc enim quanquam ab ineunte

pueritia hausisti à fontibus Atticis, quos tibi aperuit Deme-

trius Chalcondyla Atticæ eloquentiæ sua memoria facile

princeps, tamen procedente ætate sic eam ipsam auxisti,

ut nunc nullam aliam linguam, nullum aliud dicendi ge-

MEDICES·LEGATVS.

nus noscē uideāre. Quinetiam plerunque uidimus Græ-
 cos ipsos quæ natura, quæ studio, quæ exercitatione conse-
 cūti essent, ea tum uel recta esse confidere, uel praua intelle-
 gere, cum essent à te iudicata. Multos item græcæ literaturæ
 insignes uiros domi habes, ad quorum æmulationem non
 desistis cum omni genere exercitationis, tum maxime sילו
 augere partem eloquentiam. atque inter hos maxime emi-
 net Scipio Carteromachus, quem honorificentissime pro tua
 natura, liberalissimeq; tractas, cum præsertim uideas il-
 lum quanquam latinum, græcæ sic loqui & scribere, ut
 solus post ueterum Græcorum Platonis, Socratis, Demosthe-
 nis, & Strabonis interitum, orbi eloquentiæ tutor relictus
 uideatur. Vivunt etiam tecum iucundissime, atque conui-
 etissime plerique alij summo ingenio uiri, ex quibus non-
 nulli philosophiam complexi sunt matrem omnium bene-
 factorum, beneque dictorum. Multi ius ciuile, & Pontifici-
 um didicerunt, res ad collegij uestri causas, & summæ An-
 tistitis prudentiam maxime necessarias. Quidam rerum ue-
 terum memoriam tenent, ex qua siquando opus est, uel ab
 inferis locupletissimos testis excitas. Atque incredibile est
 quantum horum omnium consuetudo tibi conferat tum ad
 literarum studia excolenda, tum ad domesticam liberalita-
 tis laudem augendum. Hæc igitur tua instituta immorta-
 lia, hæc diuina sunt, hæc fama celebrantur, hæc moni-
 mentis scriptorum mandantur, hæc posteritati propagan-
 tur. Hæc etiam faciunt, ut apud Iulium II. Pont. Max.
 nemo sit te uel gratia iucundior, uel auctoritate grauior,
 uel sapientia admirabilior, uel honore clarior. Et hu-
 iusce quidem animi erga te perhonorificæ testimonia ille
 dedit cum alijs persepe, tum proxime, cum te exercitus
 sui Legatum dixit, & provinciam Aemiliam decreuit,
 cui cum imperio præesses, ut maiestatem Pontificiam asse-
 res, auctoritatem que collegij summorum Antistitum am-
 plificares, & statum Italiæ, libertatem, iura, leges, iudi-
 cia, Urbem hanc denique sedem omnium nostrum, arcem
 Regum, lumen gentium, & domicilium religionis defen-
 deres.

POSTERIOR.

deres. Omnia igitur constituta sunt in tutela, & presidio
 tuæ uirtutis, ac sapientiæ. Tibi collega omnes tui cedunt,
 & quasi fides summittunt. Te publicum orbis teræ con-
 siliū in omni genere amplissimum esse uult. Tibi Popu-
 lus Romanus, & magna Italiæ pars fauet. Tuæ fidei,
 iustitiæ, & bonitati Italiæ Populi sua domalia, sedes,
 rem, fortunas committunt. Tibi exteri Reges sua etiam
 in Italia regna commendant. Te tua frui uirtute optimus
 quisque cupit. Tibi eam fortunam omnes optant, ex qua
 laus familiæ illustrior, decus patriæ maius, & perpetua
 Italiæ dignitas nascatur. Exi igitur in provinciam ala-
 criter, & pristina ornamenta honoris, omnia monumenta
 gloriæ, & sua laudis insignia ad urbem Romam reuoca,
 cuius etiam Principatum admirabilis tua uirtus tibi polli-
 cetur.

LEG. Tu quidem Iuli insigni tua erga me
 pietate, fide, & caritate ductus omnia mihi tribuis. Enim-
 uero in Rep. gerenda nullum ipse tempus, aut locum præ-
 termittam dignitatis Pontificiæ defendendæ, Italiæq; nomi-
 nis ornandi. quanquam, ut errorem meum confitear, in
 magnis periculosisq; rebus non nihil sum timidus, & sem-
 per magis aduersos rerum exitus metuo, quam spero secun-
 dos. id que maxime hoc tempore, quo de iure publico ar-
 mus disceptari coëptum est. Præterea singularem uolupta-
 tem capio ex augurio tuo, quid enim hoc etiam dissimu-
 lem? atque utinam id uerum sit, si Italiæ expediat, &
 e' Rep. Christiana sit. Sed iam dies inclinauit, & primæ
 intenduntur tenebræ. itaque pergamus in Xystum. nam
 Centuriones, Tribuni Militum, & alij copiarum præfecti
 me ibi expectant, ut de summa rei mecum deliberent, si-
 mulque cognoscant, quando in provinciam cum imperio
 me proficisci oporteat.

FINIS.

OPTIMUM factu iudicauimus in extremo codice ad-
scribere, quæ uel à nobis aliter proposita sunt, quàm
uulgo existimetur, uel Manutiani curesores neglegenter
repreſentarunt.

Pagina. 2. Alexandrū Teium. quanquam exēplaria Athe-
nai, quorum impressionem industria & uirtuti Aldi
Manutij debemus, habent Alexamenus, nos tñ calamo
notatos libros secuti sumus, in qb. scriptū est Alexāder.

4. Turcarum immanem crudelitatem, & quæ secuntur.
Nona fortasse uidebitur hæc forma loquendi ijs, qui
pauca lectitarint, cum tamen Cicero ea utatur XIII.
in Antonium actione. 9. L. Antonius. scribe C.

11. Illiusq; sororem in matrimonium duxit. Strabonis co-
dex, quo in transferendo utebatur Gregorius Typher-
nās ostendebat sororem Hermiæ Eunuchi fuisse uxo-
rem Aristotelis, uerum impressus indicat fuisse eu-
naripa ῖς ἀναπισῖ hoc est proneptem fratris. Su-
das autem docet fuisse filiam Hermiæ, nomenq; ei red-
dit Theten.

13. adagio dictant in mensi antepenultima syllabæ uer-
bi adagiū etymon secuti sumus. Video tamen recentiores
quosdam eandem syllabam stabilem fecisse. Quod si id
recte statuunt, lege adagio ferunt.

17. non uidebatur. scribe. uidebatur.

18. Librorum de anima. Scio Hermolaum ad Saluiatum
scribere se tranſtulisse libros Aristotelis de physica au-
scultatione. Sed hi penès fratrem & alios Hermolai
propinquos Venetijs non sunt, cum tamen libri de ani-
ma cum explanatione olim apud eos essent. atq; eosdem
libros se uidisse mihi puero referebat Aldus, cum omnia
illius opera impressioni subijcere cogitaret. Sed proxi-
me cum omnem supellectilem librorū Hermolai scruta-
rer, utriusque argumenti scripta deesse animaduerti.

33. Senatus dignitas. scribendum auctoritas.

42. hæc enim ex Consolatione Stoici Crantoris in morte fi-
liæ. Reponendum ita. hæc enim ex consolatione Acade-

- miā Crantoris in morte filiorum Hippoclis.*
46. iniuriā, & maledicētiā. lege maledicētiā, et iniuriā.
47. familiaritas augeatur. scribe beneuolentia.
61. inimicorum. spectata fidei codex habet amicorum.
63. pugno facto. scribe pugno percussū.
68. Socratis. lege Isocratis.

Non diffiteor pauca alia mēda à cūforib. effusa, posse occurrere, sed illa minuta omnino sunt, & plane eiusmodi, ut unusquisque ea ipsa à uitio uindicare facile possit.

a b c d e f g h i.
præter i ternionem.


Omnes quaterniones


VENETIIS IN AEDIBVS ALDI ET
ANDREAE ASVLANI SOCERI
MENSE NOVEMBRI.
M. D. XXII.

005266484

68. Socra. lege Iocra.
 67. Socra. lege Iocra.
 66. Socra. lege Iocra.
 65. Socra. lege Iocra.
 64. Socra. lege Iocra.
 63. Socra. lege Iocra.
 62. Socra. lege Iocra.
 61. Socra. lege Iocra.
 60. Socra. lege Iocra.
 59. Socra. lege Iocra.
 58. Socra. lege Iocra.
 57. Socra. lege Iocra.
 56. Socra. lege Iocra.
 55. Socra. lege Iocra.
 54. Socra. lege Iocra.
 53. Socra. lege Iocra.
 52. Socra. lege Iocra.
 51. Socra. lege Iocra.
 50. Socra. lege Iocra.
 49. Socra. lege Iocra.
 48. Socra. lege Iocra.
 47. Socra. lege Iocra.
 46. Socra. lege Iocra.
 45. Socra. lege Iocra.
 44. Socra. lege Iocra.
 43. Socra. lege Iocra.
 42. Socra. lege Iocra.
 41. Socra. lege Iocra.
 40. Socra. lege Iocra.
 39. Socra. lege Iocra.
 38. Socra. lege Iocra.
 37. Socra. lege Iocra.
 36. Socra. lege Iocra.
 35. Socra. lege Iocra.
 34. Socra. lege Iocra.
 33. Socra. lege Iocra.
 32. Socra. lege Iocra.
 31. Socra. lege Iocra.
 30. Socra. lege Iocra.
 29. Socra. lege Iocra.
 28. Socra. lege Iocra.
 27. Socra. lege Iocra.
 26. Socra. lege Iocra.
 25. Socra. lege Iocra.
 24. Socra. lege Iocra.
 23. Socra. lege Iocra.
 22. Socra. lege Iocra.
 21. Socra. lege Iocra.
 20. Socra. lege Iocra.
 19. Socra. lege Iocra.
 18. Socra. lege Iocra.
 17. Socra. lege Iocra.
 16. Socra. lege Iocra.
 15. Socra. lege Iocra.
 14. Socra. lege Iocra.
 13. Socra. lege Iocra.
 12. Socra. lege Iocra.
 11. Socra. lege Iocra.
 10. Socra. lege Iocra.
 9. Socra. lege Iocra.
 8. Socra. lege Iocra.
 7. Socra. lege Iocra.
 6. Socra. lege Iocra.
 5. Socra. lege Iocra.
 4. Socra. lege Iocra.
 3. Socra. lege Iocra.
 2. Socra. lege Iocra.
 1. Socra. lege Iocra.







0.

30

